


1593

5 VIII 7









ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՄԵԿԵՐՈՐԴ ՏԱՐԻ

1906

№ 1

ՅՈՒՆՈՒՄ

1906 ՏՃՍՆԵՒՄԻԿԵՐՈՐԴ ՏԱՐԻ 1906

Բացում է բաժանորդագրութիւն

## Լ Ո Ւ Մ Ա Յ

Դրական, բաղաձայն, պատմական եւ համընդհանուր

Ա Մ Ս Ա Գ Ր Ի

ԼՈՒՄԱՆ ԵՌԵՆՈՒՆՐԻՅ ԿԶՐԱՏԱՐԱԿՈՒԻ ՀԵՏԵՒԵԱԼ  
ԼԻԱԿԱՏԱՐ ԾՐԱԳՐՈՎ

1. Ինքնուրոյն եւ ռուսերէնից ու օտար լեզուներէց թարգմանուած վէպեր, պատմութիւններ եւ ոտանավորներ: այլ եւ կենսագրութիւններ:

2. Կովկասագիտութեան վերաբերեալ ամեն տեսակ պատմական վաւերագրեր եւ յօդուածներ:

3. Հանապարհօրդութիւններ եւ ժողովրդի կենցաղի նկարագիրներ:

4. Բարոյագիտական յօդուածներ:

5. Մատենախօսութիւն եւ կրթիկա գրական երկերի:

6. Ներքին տեսութիւն:

7. Քաղաքական տեսութիւն:

8. Այլ եւ այլք. տեղեկութիւններ գիտութիւնից եւ արուեստից:

9. Խմբագրութեան պատասխաններ:

10. Յայտարարութիւններ:

«ԼՈՒՄԱՆ»-ին կաշխատակցեն մեր հետեւեալ աշխատակիցները.—Օր նուարդ Աղանեան, Տ. Տ. Հապէշ 2իլիկարեան, Տիւրուհի Կոստանեան, պ. պ. Ասրպէս, Արշակ 2իլիկարեան, Արշակ 2ուպանեան, Բենիկ վարդապէս, Իսր-ենգիբարեան, Իրիգոր Վանցեան, Երուանդ Զահագիզ, Իսահակ Յարութիւնեան, Իւրիլ Վահրովսկի, Իսահակ Կոստանեան, Միլիստ Բերբերեան, թժ. Մ. Արամեան, Միխայիլ Թամաշեան, Միքայիլ Բարխուդարեան, Միքայիլ Դազարեան, Մուրադեան, Մուշկ Վ., ՄԱՐՏ, Մ. Շովրեան, Յովհաննէս Յովհաննէսեան. Ն. Յարոյ, Նիկ. Քարամեան, Զիրվանկարի, Պերճ Պոռեան, Սարգիս Մանասեան, Սեփիան Իսքրիկեան, Վրդանէս Փափագեան, Տ. Վ., Քաշ-բերունի, Քենասուր, \*\*, Յար. Թումանեան եւ այլն եւ այլն:

Տարեկան բաժանորդագրինն է Ռուսաստանում 8 ռուբլի, կէս տարուանը՝ 5 ռուբլի, իւրաքանչիւր հաւանարը՝ մի ռուբլի, Արսաստանում 27 Քրանի:


Բաժանորդագրութիւնն ընդունուած է Թիֆլիսում «Լումայ» խմբագրատանը Պօլիցէյսկի 7, եւ Կենտրոնական գրավաճառանոցում. իսկ գաւառներում մեր գործակալները մօտ:

Յայտարարութիւնները տուր արժէ 10 կոպէկ:

Ապառիկ բաժանորդագրութիւն չէ ընդունուած:

Խմբագրութեան Հասցէն. Тифлисъ, Редакция е-  
жемесячнаго журнала „ЛУМА“, արտասահմանից՝  
Tiflis, Rédaction du journal arménien „LOUMA“.

Խմբագիր Հրատարակիչ ԳԻՒՏ Ա. ԲԱԶ. ԱՂԱՆԵԱՆԵՑ



ԳՐԱԿԱՆ, ԲԱՂԱԲԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՄԵԿԵՐՈՐԴ ՏԱՐԻ

1906

№ 1

ՅՈՒՆՈՒՄ

Արագաւորիկ Ա. Բուրժուազի  
Թ Ի Ֆ Լ Ի Ս 1906



## ԲՈՎԱՆԴԱԿՈՒԹԻՒՆ

|      |                                                                                                                                                                                                                                                                                                                                                                           |    |
|------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----|
| I    | Նոր տարի ԳԷՈՐԳ ԲԱՐԽՈՒԴԱՐԵԱՆՑ                                                                                                                                                                                                                                                                                                                                              | 5  |
| II   | Աւետարանի եղբայրները. ԼԵՒՈՆ ԽԱՆԶԱԴԷ                                                                                                                                                                                                                                                                                                                                       | 6  |
| III  | Կէս գիշերին. Յ. ԽԱՆԼԱՐԵԱՆ                                                                                                                                                                                                                                                                                                                                                 | 15 |
| IV   | Ընդհատուած նախանաշ. Փրանս. Թարգմ. Տ Վ.                                                                                                                                                                                                                                                                                                                                    | 16 |
| V    | Հայ ազգի կեանքի եւ մահուան խնդիրը. ԳԷՈՐԳ ԱՀԱՐՕՆԵԱՆ.                                                                                                                                                                                                                                                                                                                       | 24 |
| VI   | Մըրիկը Մասիսի վրայ բժ. ԼԵՒՈՆ ՏԻԳՐԱՆԵԱՆ                                                                                                                                                                                                                                                                                                                                    | 35 |
| VII  | Հայոց ամանօր. Մ. Վ. Մ.                                                                                                                                                                                                                                                                                                                                                    | 39 |
| VIII | Իմ ճանապարհորդական յիշողութիւններից. Ն. ՅԱՐՈՑ                                                                                                                                                                                                                                                                                                                             | 42 |
| IX   | Յառաջ. Յ. ԽԱՆԼԱՐԵԱՆ                                                                                                                                                                                                                                                                                                                                                       | 57 |
| X    | Բեհայիներ կամ բարեգմ. ԱՏՐՊԵՏ                                                                                                                                                                                                                                                                                                                                              | 58 |
| XI   | Արեան երգերից. ՅԱՐ. ԹՈՒՄԱՆԵԱՆ                                                                                                                                                                                                                                                                                                                                             | 70 |
| XII  | ՄԱՏԵՆԱԽՍԱԿԱՆ                                                                                                                                                                                                                                                                                                                                                              |    |
|      | 1. Համալեանց Ս. Գալօ Ափօ եւ Խաչան. Բ. տպ. 2. Մեր էժանագին գրադարանը. Մաթէօ Փալկօնէ, մատնիչը, լրտես. ԲՐԻԶ-Ստացուած գրքեր.                                                                                                                                                                                                                                                  | 71 |
| XIII | ԳԻՏՈՒԹԻՒՆ ԵՒ ԱՐՈՒԵՍՏ                                                                                                                                                                                                                                                                                                                                                      |    |
|      | Րեօնտգէնեան ճառագայթներ. Օր. ՆՈՒԱՐԴ ԱՂԱՆԵԱՆՑ                                                                                                                                                                                                                                                                                                                              | 74 |
| XIV  | ՆԵՐՔԻՆ ՏԵՍՈՒԹԻՒՆ                                                                                                                                                                                                                                                                                                                                                          |    |
|      | Ռուսիայի արդի վիճակը. Հալածանք յեղափոխականների դէմ: Ամբողջ Ռուսիան պատերազմական դրութեան մէջ: Չերքակալութիւններ եւ արքայներ: Տպարանների փակում: Լրագիրների դադարեցում: Մամուլի նոր օրէնքների վերափոխում: Տպարանները գրաքննչի պաշտօնում: Բաղադրական կուսակցութիւնների դէմ հալածանք: Սահմանադրական-ռամկավարական կուսակցութեան վիճակը: Րէակցիայի թուլանալը: Յուսատու լուրեր: |    |

Պետական Դումայի զուսարման օրը: Բարձրագոյն հրովարտակ: Դումայի անդամների ընտրութիւնը: Կովկասի մասնակցութիւնը Դումայում:—Հայ-թիւրքական ընդհարումներ: Հաշտութեան պահանջը: Հաշտարար մասնա ժողովներ:—Ներքին լուրեր: . . . 76

#### XV ԱՐՏԱՔԻՆ ՏԵՍՈՒԹԻՒՆ

Նշանաւոր եւրոպացիների խնդրագիրը նախագահ Ռուզվելտին:—Շրջաբերական Պարիզի հայ աշխատ. միութեան վարչական ժողովի:—Հայնէի յիշատակին: Օր. Ն. ԱՂԱՆՆԱՆԺ . . . 82

#### XVI ՄԱՀԴՈՅԺ

1. ԲԺ. Լեւոն Տիգրանեան: 2. Մակար եպս. Բաբխուստրեանց: ՀԱՅ . . . 86

XVII ԽՄԲԱԳՐՈՒԹԵԱՆ ՊԱՏԱՍԻԱՆՆԵՐ . . . 87

XVIII ՅԱՅՏԱՐԱՐՈՒԹԻՒՆՆԵՐ . . . 89

#### XIX ՅԱԻԵԼՈՒԱԾ

1. Փրեդերի Միսթրալ. Միրէյօ. Պրովանսական քեթուած. քնն. ուսումնասիրութեամբ թարգմ. ԱՐՇԱԿ ԶՕՊԱՆԵԱՆ . . . 33—48

Ժ. Ժ. Ռուսօ. Էմիլ. Սմասը. գերմ. թարգմ. ԻՍ. ՅԱՐՈՒԹԻՒՆԵԱՆ . . . 91—106

## ՆՈՐ ՏԱՐԻ

Այսօր մէկն է յունուարի  
Եւ մեծ ու փոքր են ուրախ,  
«Ծնորդաւոր նոր տարի»,  
Հստակ է շուրջ, աջ ու ձախ:

Նոցա համար տօն է դա,  
Մեծ տօն է եւ փառաւոր,  
Ով ապրում է երկրի վրայ  
Ազատ, ուրախ, քաղդաւոր:

Շատ են եկել, գնացել  
Սորա նման տարիներ,  
Հայերն էլի մնացել  
Միշտ հալածուած գերիներ:

Հայի համար նոր տարի  
Այն օրը կըլուսանայ,  
Երբ որ լուծը օտարի  
Նորանից կըվերանայ:

Երկինք, եղի՛ր ողորմած  
Բազմաշարշար Հայ ազգին:  
Խղճա, փրկի՛ր, տէր զթաժ,  
Մեզ ջնջում է այլազգին:

Օգնի՛ր մեզ, Տէր, հասել ենք  
Թշուառութեան կատարին.  
Ա՛խ և՛րբ մենք էլ պիտ' տօնենք  
Ազատութեան նոր տարին:

ԳԷՈՐԳ ԲԱՐՆՈՒԴԱՐԵԱՆՑ

# ԱՒԵՏԱՐԱՆԻ ԵՂԲԱՅՐՆԵՐԸ

(Վէպիկ)

## I

Մի մառախլապատ առաւօտ էր. Գեղ լեւրան գագաթը ամբողջովին կորել էր սև-սև թուղպերի շերտերի մէջ: Այստեղ-այնտեղ օրուայ հոսող գեփիւղը հալածում էր երկրի վրայ դիզուող մշուշը, որը հեռուից խեղդող ծխի գորշագոյն ամպերի նման օրօրւում էր, հնազանդւում քամու հոսանքին և առաջ ընթանում: Ամպամած երկիրը սև առել ու սուգ էր մտել: Ամեն ինչ ասես հեռւմ էր խորունկ վշտի թախծալի խոցերով: Չկար այդ երկրին յատուկ գեղածիծաղ արևը, չէին լսում այդ երկրի երկրագործի «հօրօվելի» ներդաշնակ ձայները: Գեղ լեւրան ստորոտին ընկած գիւղերը նոյնպէս օրուայ այդ պահուն հեռուից գրեթէ չէին նշմարւում: Չէին լսում այդ գիւղերում եռուն շարժումների աղաղակները: Ամեն ինչ լուռ էր: Լուռ էին և շները: Թւում էր, թէ գիշերային հանգիստը տակաւին շարունակւում է:

Այդպիսի գիւղերից մէկն էր և մեր գիւղը: Այստեղ կեանքը վաղուց ոտքի վրայ էր. սակայն սև սարսափի ուրուականը յամառ լռութեամբ պապանձեցրել էր բոլորի լեզուները: Տիրող լռութիւնը խանգարում էին մերթափ լսուող հեծկտանքի ձայները, որոնք մի ինքնուրոյն թափով դուրս էին թռչում այսուայն տան երթիկի անցքերից, ընդհատում մաղձալի լռութեան կապանքները, ապա թռչում անցնում մի առանձնակի թռիչքով հեռձու,

շատ հեռու և ամեն տեղ թողնում սև թախիծի, մաղձոտ յոյզերի երերումները:

Եւ այսպէս, ամեն ինչ լուռ էր: Որտեղ զգացմունքների, յոյզերի տհաճագոյն փոթորիկն է բռնկւում, որտեղ ցաւոտ սրտերի ալեկոծութիւնն է մարկածուփ գղրգիւն առաջացնում, այնտեղ լեզուն քիչ դեր ունի կատարելու, այնտեղ նա կարկամում է և վառուող զգացմունքները իրանց հառաչանքի, իրանց սուգ ու շիւանի դառնագին հեծկլտանքն են այրուող կրճքից դուրս նետում:

Օրուայ այդ պահուն մեր գիւղի խրճիթներից մէկում մի հնամաշ անկողնում հիւանդ պարկած էր տան տիրոջ գեռահասակ կինը՝ Լուսաբերը: Նրանից փոքր ինչ հեռու, օրօրոցի մէջ հանգիստ մշշում էր նրա մի հատիկ աղջիկը՝ Սանդուխտը:

Օրօրոցից ոչ հեռու մէջքը պատին յենած պաղել էր Լուսաբերի ամուսինը՝ Դարբնենց Սահրատը, որ գլուխը կախ գցած՝ բռնել էր երկու ձեռքով և հոգեւորանջ մտքերի ու խռովայոյզ երերումների գիրկն ընկել: Եւ ինչպէս չտանջուէր Սահրատը, երբ նրա սիրած, նրա փայփայած կինը այժմ անյոյս հիւանդ ընկած էր անկողնի մէջ և թերեւս յաւիտեան փշրէր իր երջանկութիւնը, սրի համար ինքը ոչինչ չէր խնայել: Որքան զփուրութեամբ էր նա յաջողեցրել այդ ամուսնութիւնը, որքան ջանքեր էր գործ դրել, մինչև կարողացել էր ազդել Լուսաբերի ծնողների վրայ և նրանց կամքը, հաճութիւնը ստացել ու նրանց փեսայ դարձել: Իսկ այժմ... Այժմ չէ՛ որ ճակատագիրը կարող էր վայրկենաբար փշրել այդ ամենը:

Ով չէ եղել սիրող ամուսին, նա չի էլ կարող զգալ այն, ինչ այժմ զգում էր Սահրատը: Վեց տարի էր, ինչ նա իւր կեանքը կապել էր Լուսաբերի հետ, որին իւր էութեան չափ սիրել էր ու առել:

Ով չգիտէ, ինչ բան է սէրը:

Ով չի զգացել նրան, նա նրա մասին էլ պարզ գաղափար չի կարող կազմել:

Իսկ Սահրատը զգացել ու առել էր իւր Լուսաբերին, և այժմ նրա այդ նուիրական զգացմունքը առաւել ևս հզօր կերպարանք էր ստացել. չէ որ արդէն մի տարի էր, ինչ նա հայր էր դարձել:

Նրա փոքրիկ Սանդուխտը աւելի ևս կրկնապատկել էր նրա սէրը դէպի Լուսաբերը:

Եւ Լուսաբերն այժմ հիւանդ էր:

Սահրատի կողքին նստած էր մի ուրիշ մարդ, որը նոյնպէս տխուր էր և չէր թարթում իւր բոցավառ հայեացքը Լուսաբերի դալկացած երեսից: Ներքին բոցակէզ կրակը և տրփանքով լի խանդը վառում էին նրա նեղ ու փոքրիկ աչքերում: Նրա տրտմութիւնը և կարեկցական էր և խանդավառ. իսկ հայեացքը նենդամիտ:

Դա Սահրատի «աւետարանի եղբայրն էր», նրա համագիւղացին՝ Զուռնաչոյ Թաթուլը, որին Սահրատը հաւատում էր, ինչպէս հարազատ եղբօրը. չէ որ ամբողջ վեց տարի էր, ինչ նրանք անբաժան ընկերներ էին և աղուհայ էին կերել միասին. չէ որ ամբողջ վեց տարի էր, ինչ նրանք Զատկի խաչ ու աւետարանի վրայ «եղբայր» էին դարձել: Ել ինչո՞ւ չպիտի հաւատալ այդպիսի եղբօրը, երբ Թաթուլը ինքն էր դիմել նրան. թախանձել՝ «եղբայր» դառնալ աւետարանի վրայ, և այն օրից միշտ հաւատարիմ էր երևացել իրան: Եւ այժմ էլ երկսով միասին էին պաղել հիւանդ Լուսաբերի առաջը և երկսով միասին էլ պիտի հանդիպէին դաւոց վտանգին կամ երջանկութեան:

Այսպէս է գիւղերում, ցաւը ընդհանուրի է: Այսօր փորձանքն իմ դռան է կանգնած, վաղը՝ բո:

Մինչ սրանք գտնուում էին հոգեկան այդ տագնապալի դրութեան մէջ, սրահում լսուեցին ոտքերի տրոփիւններ: Պառաւ Վարդերն էր՝ Սահրատի մայրը, որը

իրանց գիւղի ուսուցչի հետ վերադառնում էր եկեղեցուց, ուր նա այնքան-այնքան աղի արցունքներ էր թափել մի ժամ առաջ և մոմ էր վառել, որ Տէրը խղճայ իր խանձ-խաթուն և ջահիլ-ջիւան հարսին. իսկ այժմ. վերցնելով իր հետ ուսուցչին, գալիս էր գէպի հիւանդը: Երբ սրանք ներս մտան, Սահրատը և Թաթուլը ոտքի կանգնեցին և գլխի թեթեակի շարժումով առան ուսուցչի բարեւը:

Այսպիսի ժամանակներում բարեն էլ, ծիծաղն էլ, նոյն իսկ ամենահասարակ խօսակցութիւններն էլ կրում են սև թախծի խորունկ վշտի ցաւոտ հետքերը:

Այսպէս էր և ուսուցչի բարեւը, որը ոչ մի արտասովոր փոփոխութիւն առաջ չբերեց նրանց հառաչող սրտերի մէջ:

— Սահրատ, ինչո՞ւ ես սեն առել, սուգ մտել. ինչ ասացի, կատարել ես արդեօք. տօ, եղբայր. ձեռքերդ ծալելով, դու ոչինչ չես կարող անել, այլ այն, ինչ քեզ առաջարկել էին անելու, արա, թերևս Աստուած խղճայ քեզ: Ես պատուիրել էի, որ տունուտեղդ և բոլոր պարագայքդ կարելիին չափ մաքուր պահպանես: Բայց այսօր տեսնում եմ, որ դու ոչնչից ոչինչ չես արել: Միթէ այդպէս կարելի է, — նկատեց նրան ուսուցիչը, — նստելով հիւանդի կողքին:

— Ախր ինչ անեմ, պարոն վարժապետ, ինձ հարկաւոր էր ձեր ասածները անել այն ժամանակ, երբ դեռ այս անխիղճ ցաւը չէր մուտք գործել իմ շէմքը: Այժմ, երբ բանը բանից անցել է, էլ ինչիս վրայ մաքրութիւն պաշտպանեմ:

— Միթէ քեզ, երեխայիդ, մօրդ չես խղճում:

— Սրանից յետոյ, պարոն վարժապետ, ինչի՞ համար էլ ապրեմ. թող ես էլ սրա հետ մահանամ, վերջանամ, վրայ բերեց Սահրատը, ակնարկելով հիւանդ Լուսաբերին:

— Գոնէ, Վարդեր, դու տղայիդ մի լսիր, հարկաւոր

է շուտ-շուտ հիւանդի փոքին գոնէ տաք մոխիր ղնել, ոտքերը նոյնպէս տաք-տաք աղիւսներով փաթաթեցէք: Եռացրած ջուրը պակաս մի արէք խմելու համար: Իսկ եթէ սրտախառնութիւնը դարձեալ կ'կրկնուի, այնժամանակ սառցի կտորներ տուէք:

Ախր արար-աշխարհ խօլերայի համաճարակը բռնել է: Իսկ մենք չենք ուզում ուշքի անգամ գալ: Մենք մեր կեղտոտութիւններով կրկնապատկում ենք համաճարակի ոյժը: Հա, մոռացայ, այս դեղից էլ 15-20 կաթիլ խմացրէք օրական երեք-չորս անգամ, եթէ փորլուծութիւն սկսուի, այս ասելով ուսուցիչը տուեց Վարդերին մի փոքրիկ սրուակ լի դեղով:

— Շնորհակալ եմ, պարոն վարժապետ, — մրմնջաց պառաւը:

— Ի սէր Աստուծոյ, կատարեցէք այն, ինչ ձեզ ասում եմ, իսկ ես այժմ պիտի այցելեմ մեր միւս հիւանդներին:

Խօլերա է, խօլերա, — մոմուաց Թաթուլը և դուրս գնաց:

Յանկարծ հիւանդը սկսեց ծանր-ծանր հառաչանքներ արձակել և ջղաձգական ցնցումներ գործել: Նրա դալկացած դէմքը այլայլուեց և գունաթափ այտերը մի ըսպէ վարդի գոյն ստացան և նա հոգեկան խորին դառնութեամբ, որի մէջ լսում էր այրուող սրտի տակ պարփակուած անշիջանելի կրակը, արտասանեց մի քանի կցկտուր բառեր, որոնցից նստողները ոչինչ չհասկացան: Բոլորն էլ լռեցին, և գերեզմանական սրտամաշ լռութիւնը մի քանի ըսպէ իւր ծանրատաղտուկ թևերով թագաւորեց այդ անշուք յարկի տակ:

Այդ ժամանակ միայն կարելի եղաւ լսել հիւանդի թուլացած ձայնը.

«Թաթուլ, օ, հէր ես... ինչո՞ւ այլևս չեմ համբուր... համբուր... ում: Ես կատակ էի անում. ես քեզ... քեզ էի»

փորձում... միթէ այդպէս է քո սէրը... Ախ, որքան  
անբախտ եմ... դու էիր... դու էլ մոռանում ես ինձ...»  
Հիւանդը լռեց:

— Ոչինչ, ուշադրութիւն չպիտի դարձնել. նա զա-  
ռանցում է, և զառանցանքների աշխարհում ամեն բան  
կարելի է ու ներելի, — նկատեց ուսուցիչը, դառնալով  
դէպի Սահրատը, որը իւր ամբողջ էութեամբ լսելիք  
դառնա՞ծ խորին ուշադրութեամբ բառ առ բառ լրսում  
էր կնոջը:

Ուսուցիչը, վերջապէս, տալով Վարդերին անհրա-  
ժեշտ պատուէրներ, դուրս գնաց հիւանդի մօտից:  
Ուսուցչի գնալուց անցել էր գրեթէ մի ժամ. սակայն  
Սահրատը տակաւին անշարժ, առանց ձայն-ծպտուն  
հանելու մնացել էր նստած:

Նա լռելեայն իւր վեց տարուայ յարաբերութեան իւ-  
րաքանչիւր դէպքերը թաթուղի հետ մի առանձնակի լրջո-  
թեամբ մանրազննին կերպով քննադատում էր, թէ որքան  
անկեղծ են եղել նրանք իր կողմից, այդ ինքը ձեռքը կրծքին  
դրած խոստովանում էր. իսկ ինչ են եղել նրանք  
թաթուղի կողմից. լոկ կեղծութիւն, դաւաճանութիւն,  
որոնք այսօր մի անակնկալ դիպուածի շնորհիւ պարզում  
էին: Եւ նա, այդ ապերախտ «եղբայրը», դիմակաւո-  
րութեամբ այդ անուան տակ, որից գիւղական աշխարհում  
սուրբ բան չկայ, արատաւորել էր նրա ընտանեկան  
պատիւը և այդպէս անխիղճ սառնասրտութեամբ թէ  
իրան և թէ իր անբիծ պատիւը խաղալիք էր դարձրել  
իր վայրագ, իր գազանաբարոյ կրքերին: Եւ այդ մարդը  
իր աւետարանի «եղբայրն» էր:

Որպէս խելակորոյս առիւծ, որի կորիւնը անգութ  
անտարբերութեամբ յափշտակել էին, նա մերթափ  
յուսահատ մոռնում էր, որը արտայայտում էր նրա  
մրրկածուփ հոգու խորին ալէկոծութիւնը, որի անեղ  
փոթորիկը մի դառնագին, մի ցաւոտ հառաչանքով

ասես մոռացնել էր տալիս նրան այն միջավայրը, ուր ինքը պաղել էր: Նրա այդ հոգետանջ դրուժիւնը թշուառ մայրը վերագրում էր իր հարսի հիւանդութեանը, այդ պատճառով էլ յաճախ կրկնում էր.

— Աստուած ողորմած է, որդի.

Թշուառ մայրը չգիտէր, որ որդին այժմ լցուած է խորին ատելութեամբ դէպի այդ հարսը, որին քիչ է մնում ուշացնոր վայրկեաններին կտոր-կտոր անէ իր դաշոյնի հարուածներով:

Սակայն մի ներքին ոյժ տակաւին իր ուժեղ զսպանկով կանգնեցնում էր նրան այդ եղբունագործութիւնից:

Դա Սանդուխտի ձայնն էր, որը իւրաքանչիւր անգամ, երբ դուրս էր թռչում նրա մատաղ շրթունքներից, ուշքի էր բերում հօր խռովուած երեակայութիւնը: Եւ Սահրատը լուռ էր:

Լրութիւն... չէ որ նա մեր այլանդակ կեանքի երկու հակապատկեր րօպէներին էլ՝ անսահման ուրախութեան և խորունկ վշտի ժամանակը՝ պապանձեցնում է իր անողոք ճանկերում ընկած զոհերի լեզուները, և ինքը իր խուլ, իր գերեզմանական դերի մէջն է մտնում:

Այո, կեանքի խորախորհուրդ վայրկեաններին ամեն ինչ լուրթեամբ է իրագործւում: Այնտեղ, ուր անհատի սիրտը խռովայոյզ ալիքներով ծփում է անարատ և փոխադարձ սիրոյ անհուն բերկրութեամբ, այնտեղ, ուր վրէժխնդրութեան անյագ ծարաւի իրագործման շաւիղն է ընդգծւում, այնտեղ լեզուն կարկամում է: Այնտեղ սիրտը գերակշիռ դեր է կատարում:

Եւ կեանքի այդ երկու հակապատկեր զգացմունքներին՝ սիրոյ և ատելութեան ու վրէժխնդրութեան րօպէները լուրթեան րօպէներ են:

Սոսկալի են այդ րօպէները:

Նրանք կապում-կաշկանդում են իրանց զոհերի քաղցրագույ լեզուները. նրանք անսասան սառնասրտութեամբ իրենց զոհերին իրենց տեղերումն են դամում։

Եւ Սահրատը վրէժխնդրութեան փոթորկի անողորմ դառնութեամբ լցուած՝ մի այլայլուած գաղանի էր այժմ նմանում։

—Եւ նրա սրտում վրէժխնդրութեան, անխորտակելի ծրագիրը կազմուած էր։ Այժմ միայն նա կարողացաւ տեսնել, որ իր մայրը նստել է Լուսաբերի կողքին և լուութեամբ արցունքներ է թափում։

Լուութեան արցունքներ... Սիրող մօր արցունքներ...

Դրանք մայրական անողորմ վշտի արցունքներ էին, որոնք խուլ փութկոտութեամբ անընդհատ գլորւում էին նրա թորշուած այտերի վրայ։

Վերաւոր սրտում դիզուած խոցերը ասես այժմ բացել էին իրանց պալարները, որոնց անհուն ցաւի տակ թշուառ մայրը ողբում էր իր անբախտ օրը, և թւում էր, թէ սրանցով աշխատում էր մեղմացնել տիեզերքի զայրոյթը։ Չէ որ նա համոզուած էր, որ մօր արտասուքը եօթ պատարագից հզօր ոյժ ունի Աստուծոյ մօտ։ Էլ ինչո՞ւ չլալ։

—Մարէ, ինչո՞ւ ես լալիս, ձայն տուեց Սահրատը. սատկում է, թող սատկի. ի՞նչ ենք կորցնելու Առաջներում, որ դա չկար, միթէ ես աւելի երջանիկ չէի։

Մայրը մնաց չճամառ և շեշտակի որդու երեսին նայեց։ Թշուառ մայրը կարծում էր, թէ որդին խելագարուել է։ Ուստի նկատեց.

—Սահրատ, ինչ է պատահել քեզ։

—Ոչինչ, ես քեզ ասում եմ չպէտքէ լալ։

—Ախր ինչո՞ւ, ինչե՞ր ես խօսում։

—Մի վրդովուի՛ր, մարէ, խելքս տեղին է. նա արժանի չէ մեր լացին օւ կոծին։ Կրկնում եմ, սատկում

է, թող սատկի: Դրանով թերևս մի յանցանք պակաս  
գործած լինեմ:

—Աստուած իմ, այս ինչ պատահեց:

—Էլի...

Մայրը լռեց:

Լռեց և Սահրատը:

Որքան տարբերութիւն մօր և որդու լուծիւնների  
մէջ:

Առաջինը մայրական անհուն սիրոյ զգացմունքի  
տակ դէպի իր դառնացած որդին լռեց գէթ որդու  
խաթրը չահելու համար: Իսկ երկրորդը խորին ատելու-  
թեան և դազանացած վրէժխնդրութեան տակ դէպի  
տառապող հիւանդը:

Եւ հիւանդը հոգևորքի գալարներ էր գործում:  
Նա մեռնում էր:

Եւ այդ տեսնում էին մայր և որդի:

ԼԵՒՈՆ ԽԱՆՋԱԴԷ

(Կը շարունակուի)

## ԿԷՍ ԳԻՃԵՐԻՆ

Կէս-գիշերին ծովի ափին  
Երգ երգեցի վշտալի.  
Ծովը յուզուեց եւ տրտմագին  
Երգեց ինձ հետ մեղեդի:

Նա երգեցի ժայռի գրկում  
Ծովը ծփաց լալածայն.  
Փէրին ելաւ լուռ ու տրտում  
Լացեց տխուր մեղմածայն:

Համբոյր տուաւ իմ շրթերին  
Հովը մեղմիկ ու կամաց,  
Երգս խլեց իր թեւերին  
Թոցրեց երկինք տխրամած...

Աստղ ու լուսին խոր զգացուած  
Երգիս վերին երգ խառնեց.  
Նա էլ լացեց, երգեց տխրած,  
Երգ ու շողով մխիթարեց...

Երգս առան սարեր ձորեր  
Տուին սիրուն արծազանք.  
Վշտոտ դէմքով վառ ծաղիկներ  
Արծակեցին հառաչանք:

Երգս վերքն էր, որ երգեցի  
Իմ քնկերից ստացած.  
Կեանքի թոյնն էր որից լացի,  
Գանգատուեցի դառնացած:

Յ. ԽԱՆԼԱՐԵԱՆ

## ԸՆԴՀԱՏՈՒԱԾ ՆԱԽԱՃԱԾ

Բլուրները զարդարուել էին կանաչ զգեստով, դաշտերը զուգուել էին ծաղիկներով, անտառներում ճուռողում էին թռչունները, արևը պայծառ փայլում և ծաղիկներն անոյշ բոյր էին սփռել շուրջը: Ամբողջ բնութիւնը, կարծես, բողբոջել էր կամենում այն աւեր ու մահի դէմ, որ պատերազմն ու մարդկային ատելութիւնը առատ կերպով սփռել էին այդ երկրում:

Շրեւցող բլուրներից մէկի վրայ, որի ստորոտով օձապտոյտ զաւիս-անցնում էր փոշոտ ճանապարհը, կանգնած էր մի սիրուն, կոկիկ և ճանապարհորդին դէպի ինքը հրաւիրող մի տուն: Տան առաջը փռուել, կանաչին էր տալիս զմրուխտ հագած մի մարմանդ, լիքը ծաղկած և բացուած վարդենիներով, իսկ մէջ տեղը բարձրանում էր մի բարձրուղի, գեղեցիկ չափանակների և իւր փարթամ գազաթի սաղարթով պաշտպանում էր արևի կիզող ճառագայթներից հրաշալի վարդերը:

Այդ ուրախ, բանաստեղծական անկիւնը, կարծես, ստեղծուած էր ուրախութեան ու բաղդաւորութեան համար միայն, այն ինչ այդտեղ վիշտն ու թախիծն էին բոյն դրել:

Ամեն օր, երբ արևի կիզող տապը մը քիչ մեղմանալուց յետոյ, մարմանդն էր իջնում և վարդենիների մէջ տխրադէմ զրօսնում էր 35—40 տարեկան մի կին, ամբողջապէս սևեր հագած:

Տասն ամիս էր, ինչ այրիացել էր: Ամուսինն սպանուել էր պատերազմի դաշտում: Սիրած մարդուն կորցնելուց յետոյ, իւր բոլոր սէրն ու յոյսերը կենդրոնացրել էր իւր միակ որդու վրայ, մի տասնեկնը տարեկան պատանի, որի հոգեկան յատկութիւնները և մտաւոր կարողութիւնները վշտացած մօր սրտի միակ մխիթարութիւնն ու սփոփանքն էր:

Բայց, ինչպէս որ սովորաբար լինում է, վիշտն ու թշուառութիւնը մի անգամ դալով-զնալով չին բաւականանում: Պատերազմի հէնց սկզբից, որդին մի քանի անգամ էր կրկնել և

խնդրել, որ իրեն պատերազմող բանակն ուղարկեն, բայց միշտ էլ անյաջողութեան էր հանդիպել: Վառ հայրենասիրութիւնը և երիտասարդական արիւնն այնտեղը հասցրին, որ մի գեղեցիկ օր որդին ոտքով-պլիսով անյետացաւ: Հօր մահից վեց ամիս յետոյ պատահեց այդ դէպքը:

Որդու հեռանալու հետեակ օրը, վշտից ընկճուած և սըրտի անձուկով մաշուող մայրը մի նամակ է ստանում հետեակ բովանդակութեամբ. «Անգին, սիրելի մայրիկ, ներիր ինձ. իմ ոյժերիցս վեր է կողմնակի, անհոգ դիտողի դեր կատարել մեր շուրջը կատարուող դէպքերի նկատմամբ: Թող Աստուած պահէ պահպանէ քեզ, ես պարտաւոր եմ գնալ հայրենիքի պաշտպանութեան ընկնողների շարքը լրացնել և հօրս վրէժը լուծել»:

Խեղճ կինն այժմ կրկնակի տանջանքի մէջ էր ընկել, — ողբում էր հանգուցեալ ամուսնուն և անհանգստանում կենդանի որդու մասին:

Մայիսուան այդ քանչելի օրը նստած էր վայրի-վարդեհուտ ստուերի տակ, սիգապատ հողաթուժը նստարանի վերայ: Զեռքին բռնել էր մի գիրք, բայց առանց բանալու, խորասուզուել էր մտածմունքների ծովի մէջ:

Արդէն կէս օր էր և արեն սկսել էր խիստ այրել. տիկինն ելաւ և քայլերն ուղղեց դէպի տունը. նորան յետեց սպանական փոքրիկ շնիկը: Այդ շունը իւր որդու մանկութեան ընկերն էր և որդու բացակայելուց յետոյ մի քայլ չէր հեռանում տիկնոջից:

Պարտէզ նայող դռան շէմքի վրայ երեւեցաւ պառաւ աղախինը և հարցրեց տիրուհուն՝ արդեօք նախաճաշ տալու ժամանակը չէ:

— Բիչ սպասեցէք, Մազթաղինէ, եղանակը հիանալի է, երեւի հօրաքոյր Անոյշը կգայ հետս նախաճաշ անելու. այսօր նորա այցելութեան օրն է:

Եւ նստեց տան պատշգամբի առաջ, սպասելով հօրաքոյր զալուն և ժամանակ-ժամանակ աչքն այն կողմը ձգելով, որտեղից պիտի հիւրը երևար: Բայց շուտով նորա ուշադրութիւնը գրաւեց բոլորովին հակառակ կողմով: Տիկինը նկատեց, որ անտառից դէպի իւր տունն եկող ճանապարհի պտոյտի վրայ երեւեցաւ մի ձիաւոր, որ փոշու ամպի մէջ կորած իրենց կողմն էր արշաւում սրնթաց: Բիչ յետոյ արեւի ճառագայթների տակ կարելի էր նկատել փայլփլող ոսկէզօծ ուսադիրները: Ամենայն հաւանականութեամբ մի սպայ էր ձիաւորը: Խիստ յուզուած, լարուած ուշադրութեամբ դիտում էր նորա բռնած ճանապարհը,

երբ յանկարծ եկողը ձիուց վայր գլորուեց: «Վիրաւորուած է» — անցաւ տիկնոջ մտքովը. բայց մի վայրկեան անց սպան արագ վազում էր ճանապարհով, իսկ ձին, երեւի ուժասպառ լինելով անհրեակայելի արագ վազքից, անշարժ պառկած էր գետնի վրայ: Սպան վազում էր դէպի բլուրը և մեծ ճանապարհից շեղուելով, փոքրիկ կածանով դէպի իւր տունը գլիմեց: Գլխաբաց, հեիհե, դեռ ճանապարհից, բաւական հեռուից, վազելու ժամանակ կանչեց.

— Ի սէր Աստուծոյ, աղաչում եմ ձեզ, ազատեցէք ինձ... Պէտք է կարեւոր տեղեկութիւններ հասցնեմ գլխաւոր բանակը... Թշնամիները հալածում են ինձ... կամենում են կարեւոր թըղթերը խլել և եթէ յաջողեցնեն— մենք կորած ենք: Յանուն հայրենիքի, աղաչում եմ, թագցրէք ինձ:

— Բայց ճրտեղ թագցնեմ ձեզ, ասաց կինը յուզուած:

Եւ միևնոյն վայրկենին էլ, կարծես ներշնչուած, մի յաջող մտքով, գլխով նշանացի հրաւիրեց հետեւ իրեն: Անցան երկար սրահով և դուրս եկան տան լետի բակը: Սայլատնից հանեց մի երկար պարան, որի ծայրին կար մի երկաթէ կեռ. նշանացի ցոյց տուեց իրեն ուղեկցողին՝ առնել պատին յենած սանդուղտը և դնել հինաւուրց, բարձր և թանձր սաղարթով կնձենուն:

— Սորանից լաւ թագստի տեղ առաջարկել չեմ կարող ձեզ: Երկաթէ կեռով պարանը ձեզ պէտք կգայ իջնելու ժամանակ: Բարձրացէք շուտով, ծառի վերին մասում մի փչակ կայ, թագնուեցէք նորա մէջ: Երբէք չեն կռահիլ, որ այդտեղ էք թագնուած:

Դեռ ևս խօսքը չէր վերջացրել, որ սպան անհետացաւ արդէն փչակի մէջ:

— Կենդանութեան ոչ մի նշան չցոյց տաք, աւելացրեց տիկինը,— և հանգիստ եղէք:

Սանդուղտը կրկին սայլատուն տաբաւ և տան շուրջը մի պտոյտ անելով, նորից եկաւ տան մուտքի սանդուխտի առաջ, որով արդէն պառաւ հօրաքոյրն էր բարձրանում, յենուած իւր անբաժան գաւազանի վրայ. պառաւը, համարեա, կռքացած էր:

Ողջունելուց յետոյ Շուշանը հօրաքրոջ թէն անցնելով, առաջնորդեց սեղանատուն և պատուիրից նախաճաշ տալ:

Ոչ մի խօսք չասաց նոր պատահած դէպքի մասին և ամեն ջանք գործ էր դնում ներքին յուզումը ծածկելու համար, որպէսզի հօրաքոյրը չվախենար:

Երկու ըրպէից յետոյ Մագթաղինէն սեղանի վրայ զրեց համով պատրաստած վառեկները:

— Մագթաղինէ, ասաց մեծարելի պառաւը, հրամայեցէք, ինդրեմ, կառապանին՝ տուն երթայ և ժամը հինգի մօտերը գայ ինձ տանելու:

— Շատ բարի, տիրուհի:

Հօրաքոյրն ու Շուշանը սկսեցին նախաճաշ անել:

— Գիտես, սիրելի Շուշիկ, այլ ևս քեզ մօտ չպէտք է գամ, մինչև որ այս սարսափելի պատերազմը չվերջանայ: Կատարեալ անմտութիւն է ինձ նման մէկի համար, որ պառաւութիւնից չարժուել չեմ կարողանում, դեռ վրան էլ կուրութիւնս աւելացրու, երթեկել այնպիսի ճանապարհներով, որտեղ թշնամու զինուորները օր ցերեկով են կողոպտում ու թալանում: Ամեն անգամ այստեղ գալիս դողում եմ երկիւղից, թէ նոցա ձեռքը կընկնեմ:

Այրի տիկինը լսում էր և հակառակ իւր կամքի չէր կարողանում զսպել իւր ներքին յուզումը:

Զարմացած այդ լուրթեան վրայ, պառաւը հարցրեց.

— Ի՞նչ է պատահել քեզ, Շուշիկ. ինչո՞ւ ես լուռ նստել. և ինչպէս երևում է ոչինչ էլ չես ուտում. ափսոս, վառեկներն այնպէս համով են պատրաստուած... Ձէ, այդպէս չի լինի, Շուշիկ, պէտք է զսպես քեզ, պէտք է մի քիչ աւելի հոգեկան ոյժ ունենաս:

— Հօրաքոյր, ասաց տիկինը, բոլորովին լացակամ, մի՞թէ կարող եմ հանգիստ նստել և բան ուտել, երբ սիրտս կտորկտոր է լինում թախիծից: Ո՛րտեղ է, արդեօք, այս ըսպէիս որդիս, կենդանի՞ է, թէ...

— Սարսափելի բան է պատերազմը, ինքն իրեն քթի տակ խօսում էր պառաւը. և ինչո՞ւ մարդիկ չպէտք է կարողանան խաղաղ ապրել իրար հետ: Մի՞թէ աշխարհս այնքան նեղ է, որ ամենքին էլ լայն-արձակ տեղ չհասնէր, քրթմնջում էր նա:

Այդ ըրպէին պարտիդից աղմկող ձայներ լսուեցան: Անհոնգստութիւնից յուզուող Շուշանիկն ելաւ մուտքի սանդուղտներէ վրայ և տեսաւ Մագթաղինէին, որ խօսում էր օտարազգի մի սպայի հետ, որին շրջապատել էին տասներկու զինուոր: Նա մօտեցաւ տիկնոջը, կռահելով որ տանտիրուհին պիտի լինէր: Գլուխ տուեց և բաւական ուղիղ լեզուով, բայց օտար արտասանութեամբ, ասաց.

— Ներեցէք, տիկին. մեզ մի քանի տեղեկութիւններ են պէտք. որոնում ենք մի սպայի, որ այստեղ է թաքնուած,

որովհետև զետնի վրայ թողած հետքերից երևում է, որ նա վայր է ընկել ձիուց, յետոյ այստեղ է վազել-եկել և այլ ևս այստեղից դուրս չէ եկել: Ձէք հաճիլ տեղեկացնել մեզ, թէ որտեղ է նա:

Այդ փոքրիկ ճառը, որ սպան արտասանեց փքուն ոճով ու ձայնով, խիստ գրգռեց տիկնոջը: Ալ-կարմիր արևունը վարկեց նորա դժգոյն դէմքին և նա բոլորովին շիկնեց. հպարտ հայեացք ձգեց սպայի վրայ և ասաց.

—Դուք հաւատացած էք, որ այդ սպան այստեղ է, ուրեմն, որոնեցէք:

—Որոնքնք: Բաւական երկար ժամանակ կկորցնենք դորա համար: Աւելի հեշտ ու կարճ կլինի ասէք, թէ որտեղ է թագնուած. և դուք, անշուշտ, գիտէք այդ:

—Դիտեմ, թէ չգիտեմ, այդ միևնոյն է. եթէ չգիտեմ ուրեմն ձեզ տեղն ասել չեմ կարող, իսկ եթէ գիտեմ—մատնել չեմ կարող:

—Հաւատացած եմ, որ անշուշտ գիտէք, ընդհատեց խօսակցութիւնը սպան խիստ գրգռուած ձայնով: Հրամայում եմ իսկոյն ասէք՝ որտեղ է նա:

—Օ՛, պարոն սպայ, ձեր եռանդը չափազանց գովելի է, բայց դուք մոռանում էք, որ ես ձեր հրամանատարութեան տակ գտնուածների թուին չեմ պատկանում: Այստեղ՝ ես իմ տանս մէջն եմ և ոչ ոք իրաւունք չունի հրամայել ինձ՝ իմ տանս մէջ: Դուք պնդում էք, թէ ասն մարդը, որին որոնում էք, իմ տանս է թաքնուած, արտօնում եմ ձեզ, որոնեցէք նորան:

Այս ասելով նստեց տան մուտքի սանդուղտների մօտ գլուխուած աթոռի վրայ:

Սպան հրամայեց զինուորներից չորսին՝ տունը պահպանեն չորս կողմից և տնից դուրս գնալու ամեն մի փորձ անողին իսկոյն հրացանի բռնեն. մնացածներին հրամայուեցաւ տունը տակն ու վրայ անել և խուզարկել:

Պառաւ հօրաքոյրը սասափկ վախեցաւ և դեռ ևս մնալով սեղանատանը, իրեն յուզող ու անհանգստացնող հարցերի պատասխանը ոչ ոքից ստանալ չէր կարողանում:

Ձինուորներն ամբողջ տունը քրքրեցին՝ ներքնայարկից մինչև կտուրը, նոյն իսկ պատերը չէին թողնում-անցնում առանց շօշափելու: Տունը խուզարկելուց յետոյ սկսեցին տակն ու վրայ անել ախորը, գոմանոցը, սալատունը, մարագը, ա-

մեն տեղ և ամեն ինչ նայեցին, ոչ մի տեղ առանց աչք ու ձեռք ձգելու չթողեցին, բայց թագնուած սպան չէր երևում: Հրամանատարի կատաղութիւնը աւելի ու աւելի էր զրգուում, մանաւանդ որ համոզուած էր, թէ փախստականն այդտեղ էր թագնուած: Հօ դետինը պատռուել, մէջը չէ՛ր անցել:

Հայհոյում, անիծում, սպառնում էր, առանց մտքով իսկ անցնելու թէ այն ծառի մօտով քանի անգամ էր անցել, որի խոռոչում հալածական թշնամին էր ապաւինած:

Զինուորները յետևը ձգած մօտեցաւ դժգոյն, տխրադէմ Շուշանիկին:

Մի ներքին, գաղտնի ձայն ասում էր, որ այդ թոյլ կինը կարող էր ցոյց տալ, թէ թագնուած սպան որտե՞ղ էր և այն գիտակցութիւնը, որ իւր առաջ գտնուած կինը հրաժարում է ցոյց տալուց, նորա մէջ կատաղի գայրոյթի բորբոքում բռնկեցրեց:

Յամառութիւնն ու սառնասիրտ անգթութիւնը, որ յատուկ էր նորա ցեղին, ստիպում էին նորան անպատճառ ճշմարտութիւնը իմանալ, ինչ գնով էլ որ լինէր, այդ մարմնով թոյլ, բայց հոգով արի կնոջից:

Նա, այդ թոյլ արարածը համարձակուած է հակառակել և, գուցէ, իւր յամառութեամբ ամբողջ պատերազմի բաղտը խաղի դնէր...

Սպան վճռեց հրկիւղ ազդել, սպառնալիքներ կարգաւորվ և դորանով, գոնէ, ստիպէր խոստովանել:

Իրսից համեող աղմուկի ձայնի վրայ հօրաքոյր Անդրէ պատերը շօշափելով հասաւ մուտքի դռանը և երկիւղից կիսակենդան, հազիւ ոտքի վրայ գնալ կարողանալով, յենուեցաւ դռան կողին:

Տիկին, գոռաց սպան բարկութիւնից զողացող ձայնով, — կրկին անգամ սահանջում եմ, որ յայտնէք, թէ ո՞րտեղ է գտնուում թագնուած սպան:

Տիկինը պատասխանեց մի ակնարկով, որ լի էր թունաւոր արհամարհանքով:

Սպան դարձաւ գինուորներին և հրամայեց մի այնպիսի ձայնով, որ գինուորների ականջները քիչ էր մնում խլանար:

— Տարէք այս կնոջն այնտեղ, մարմանդի մէջ տեղը զբաղեցնուած շագանակի ծառի մօտ:

Զինուորները կամեցան մի քայլ անել դէպի տիկինը, բայց վերջինս ինքը, անյողդողդ քայլերով դիմեց ցոյց տուած տեղը, ամենեւին մտքով իսկ չանցնելով, թէ ինչո՞ւ համար:

Յանկարծ խուլ հեծկտոցների ձայնը գրաւեց նորա ուշադրութիւնը և ակամայ յետ նայեց: Դռան շէմքի վրայ հորաքոյր Անոյն էր թաքտում. երկիւղը և յուզումը սաստիկ ազդել էր նորա վրայ և առաջ էր բերել իւր «ընկնելու» հիւանդութեան զարհուրելի հետեանքները: Մազթաղինէն վազեց խեղճ պառաւին օգնելու: Շուշանը կաժեցաւ ինքն ևս հորաքոյրն օգնութեան հասնել, բայց զինուորները փակեցին ճանապարհը և թոյլ չտուին: Եւ երբ մօտեցաւ ծառին, սպան հանեց իւր գլուպանից մի թաշկինակ և հրամայեց կապել կնոջ աչքերը:

Աներկիւղ կինը հասկացաւ, թէ ինչ վիճակ էր սպասում իրեն. մօտեցող զինուորի ձեռքից կորզեց թաշկինակը և շարտեց սպայի ոտքերի տակ:

— Գուցէ, ձեր հայրենակիցները, ասաց նա, կարիք են զգում իրենց աչքերը կապեն, երբ մահը կանգնում է նոցա առաջ, բայց մենք կարիք չունինք դորան... Մեզանում ինչպէս տղամարդիկն, այնպէս և կանայք գիտեն մեռնել, — աւելացրեց նա հպարտութեամբ:

Սպան միայն ուսերը թոթուեց և հրամայեց զինուորներին տասը քայլի վրայ կանգնել դժբաղդ կնոջից և հրացանները պատրաստեն:

— Հինգ ըոպէից յետոյ, ասաց նա չոր, անտարբեր ձայնով, եթէ չկամենաք ասել այն, ինչ որ ես եմ կամենում իմանալ, կհրամայեմ ձեզ հրացանի բռնել:

Եւ ժամացոյցը ձեռքն առնելով, սկսեց մարմանդի վրայ յետ ու առաջ գնալ-գալ: Ի՞նչ էր մտածում դժբաղդ կինն այդ վերջին ըոպէներին, ըոպէներ, երբ մտածողութեան ունակութիւնը այնպէս աճում, ընդարձակւում է, որ ստիպում է իւր ամբողջ անցած-գնացած կեանքը նորից ապրել: Սկիզբը նա մտածում էր ամուսնու մասին, յետոյ մտքերն անցան որդու վրայ, իւր թանգագին որդու վրայ, որի անվեհերութեամբ ակամայ հրճւում էր, բայց և գովել չէր կարողանում այն, որ իրեն թողեց-հեռացաւ: Միթէ ինքը պէտք է մեռնի, առանց նորան տեսնելու: Սակայն դեռ չվ գիտէ: Գուցէ հէնց այդ ըոպէին նա նոյն իսկ կենդանի էլ չէ, այդ ըոպէին, երբ ինքը մի բարոյական հոգեվարքի մէջ է գտնւում, որ աւելի անտանելի է, քան ֆիզիքականը: Գրայելով իւր անվեհերութեան, տիկինն զգում էր, որ արցունքը կոխում է աչքերը: Մի գերբնական ճիգ թափեց, որպէս զի անձկալից մտքերը վանէր և չկամենալով իրեն մահ պատրաստող թշնամիների առաջ թոյլ

երևալ, որ պատրաստուում էին հրացանի բռնել մի թոյլ, անզօր ու անօգնական կնոջ: Տինդային դողը բռնել էր նորան, զգուժ էր թէ ինչպէս արիւնը եռում էր իւր հրակներում: Զինուոր-ների աւագը կանգնեց իւր առաջ. այդ օտար մարդը չէր կարող չնկատել, թէ ինչպէս կերպարանափոխուեց նորա գեղեցիկ դէմքը. սակայն չէր նկատուում թէ կարեկցութեան ամենափոքր նշոյլ անգամ մտնէր նորա սրտի մէջ:

— Անցաւ հինգ ըրպէն, խօսեց նա, եթէ չէք կամենում մեռնել, պսացէք, ռիտեղ է գտնուում այն թագնուած մարդը, որին որոնում եմ, իսկ եթէ անակնկալ կերպով կարողացել է փախչել ազատուել, որ անհնար է, մինչև մեր գալը, ապա ասացէք ձեր ճանապարհով է փախել:

— Ո՞ր ճանապարհով, — չնչաց խեղճ կինը, որ ճանապարհով, կամաց կրկնում էր նա, կարծեմ չհասկանալով, թէ ի՞նչ են հարցնում իրենից: Յետոյ յանկարծ ուղղուեցաւ ամբողջ մարմնով. աչքերը փայլատակեցին մի օտարոտի կրակով և սկսեց խօսել, կարծես զառանցելիս լինէր և ձայնը հետզհետէ բարձրացնելով:

— Ո՞ր ճանապարհով: Օ՛, նա ընտրեց պատուաւոր, ազնիւ ճանապարհ, ընտրեց փառքի ճանապարհը, մի ճանապարհ, որ երբեք դուք գտնել չէք կարող... որովհետեւ դուք կվերադառնաք յուսահատութեան, անպատուութեան ճանապարհով:

... Զարկ, յանկարծ դռաց սպան, աւելի ևս կատաղած այդ մարգարէական զառանցից:

Լսուեց ականջ խլացնող մի որոտ...

Մի քանի ըրպէ յետոյ սպան զինուորների հետ առաջ էր սլանում, իւր յետը թողնելով որբացած տունը, ուր պառաւ Մագթաղինէն լալիս էր մեռնող հօրաքրոջ վրայ, իսկ սեղանատանը կատուն ամենայն հանգստութեամբ մաքրազարդում էր վառեկների մնացորդը:

Մարմանդոււտ, շագանակենու ստուերի տակ, ընկած էր դժբաղդ կնոջ փռուած դիակը. մօտը ոռնում էր սպանական շունը և ժամանակ-ժամանակ լիզում էր յաւիտենական ընով ընած իւր տիրուհու ձեռքերն ու դէմքը:

Այդ կնոջ հերոսական անձնագոհութիւնն իզուր չանցաւ. նորա մահուան ակամայ պատճառ սպան անվտանգ ցած իջաւ իւր թագստից և կարևոր տեղեկութիւնը իւր ժամանակին հասցրեց գլխաւոր բանակը:

Թարգմ. Տ. Վ.

## ՀԱՅ ԱԶԳԻ ԿԵԱՆՔԻ ՆԻ ՄԱՀՈՒԱՆ ԽՆԴԻՐԸ

(Գրիգոր Նիկողոսեանի «Տեսութիւններ եւ նամակներ Մ. Ա. Գ. Ա.» գրքի առթիւ)

Գրքոյկի բովանդակութիւնն ու նպատակն այսպէս է որոշուած հեղինակի իրեն խօսքերով յառաջարանում.

«Աշխատութեան հիմնական միտքը և գլխաւոր նիւթը մեր ազգային գոյութեան խնդիրն է... մեր ազգային մարմինը վարակուած չէ՞ արգիօք դժուարաբոյժ անտերով, պատած չէ՞ վտանգաւոր վէրքերով, թէ լիովին առողջ է՞ դեռ ընդ երկար ապրելու ընդունակ: Ո՞րոնք են արդեօք մեր զօրաւոր և տրկար կողմերը: Ազգային գիտակցութիւնն ու պարտաճանաչութիւնն զո՞ւրքաւոր է պարզացած հայերիս մէջ: Ինչ վճիռներ են արձակուած այլ և այլ մարդիկ մեր ազգային գոյութեան մասին: Խնչ կարծիքներ են յայտնում հայաստեաց օտարներն և դասալիք հայերից շատերը մեր ազգի բարոյական յատկութիւնների վերաբերմամբ... Քննելով և վեր հանելով այս ամենը, մեր նպատակն է քիչ թէ շատ գիտակցութիւն արթնացնել ոռոսահայերի գէթ առաջաւոր դասակարգի մէջ և մղել այդ դասակարգի մարդկանց մաքրելու դէպի պարտաւատարութիւն և ինքնապահպանութեան միջոցների ձեռնարկում. շատ բարեբախտ պիտի համարենք մեզ, եթէ յաջողուի հէնց մի փոքր հասնել մեր նպատակին» (էջ 13 14 - 15):

Այս տողերից երևում է, որ պ. Նիկողոսեանը մտատանջուած է հայ ազգի կեանքի ու մահուան խնդրով: Տեսնենք թէ ինչ հանգամանքներ առիթ տուին նրան կասկածելու մեր ապագայ գոյութեան մասին:

Պ. Նիկողոսեանը գտնում է, որ «Ռուսահայ ժողովրդի զարգացած դասակարգի մէջ ազգային գիտակցութիւնը դեռ շատ ստոր մակարդակի վրայ է կանգնած» (էջ 12): Սակայն ինչ հիման վրայ: Այս հարցը լիովին պարզելու համար՝ պէտք է ճանաչել պ. Նիկողոսեանի իղէալներն ազգային տեսակէտից, նորա ազգային ձգտումները էութիւնը, այն նպատակները, որ

Նա իրեն առաջադրել է իւր ազգային գործունէութեան համար և որով նա չափում ու դատում է հայ կրթութեան դասի ընթացքը թէ ուսահայոց և թէ տաճկահայոց մէջ: Այդ իդէալները նա ստացել է նահապետական հայ մօրից, որի խրատներն ու հայեացքները նա շարակարգում է գրքոյկի մի առանձին և խիստ ընդարձակ գլխում, Ա. գլխում: Պ. Նիկողոսեանը բացարձակապէս յայտնում է, թէ նա իւրացրել է լիովին հայ մօր հայեացքները և իւր ամբողջ կեանքում հաւատարմութեամբ հետևել է նրանց ու հետևելու է: Այդ հայեացքները նա ամփոփում է հետևեալ կարճ առղերով. Ա. գլխի վերջում. «Չկայ աւելի մեծ երջանկութիւն, քան թէ ապրել ընդհանրութեան հոգսերով, ցաւել նրա ցաւով, ուրախանալ նորա ուրախութեամբ. իւր ետը, բախտաւորութիւնն ու անբախտութիւնը սերտիւ շողկապել ազգի եսի, նրա բարեբախտութեան ու տարաբախտութեան հետ: Այդ ժամանակ միայն մարդ կարող է զգալ, թէ իւր կեանքը չէ անբովանդակ մի գոյութիւն՝ զուրկ վսեմ ու անփոխարինելի վայելքից, որը կարող է գտնել սոսի մարդասիրութեան, պարտաճանաչութեան և պարտակատարութեան մէջ, չխրուելով նիւթապաշտութեան և մարմնապաշտութեան տղմի մէջ և չխառնուելով խօսուն արարածների ջոխրների հետ, որոնց կենցաղը և կենակցելու եղանակն ու միջոցները շատ չեն տարբերում պապանների և չորքոտանիների կենցաղից» (էջ 67):

Այս խօսքերից երևում է, թէ որքան վեհ են այն ձգտումները, որոնցով շնչուել է պ. Նիկողոսեանը և որոնք դրոշմել են նորա բարոյական նկարագրի վրայ իրենց մաքուր կնիքը, — զի անուրանալի է, որ մարդուս բարոյական կեանքը չափւում է նորա իդէալներով:

Սակայն բաւական չէ ունենալ վսեմ ձգտումներ և անարատ, մաքուր, թարմ իդէալներ: Պէտք է գիտենալ նաև, թէ ի՞նչ եղանակով իրագործելու է այդ իդէալները, ի՞նչ միջոցներով, նիւթական ու մտաւոր, հասանելի են վեհ նպատակները:

Պ. Նիկողոսեանը իւր նպատակին ծառայելու համար ընտրել է ասպարէզ գրականութիւնը, կամ աւելի ճիշտ ասած հրապարակագրութիւնը, զի գրականութիւնն բառը մեր մէջ արդէն ստացել է յատուկ նշանակութիւն՝ իբրև հոմանիշ գեղեցիկ դպրութեանց, որտեղ գլխաւոր դերը խաղում են երևակայութեան ստեղծագործութիւնքը: Պ. Նիկողոսեանի առաջին լրագրական թղթակցութիւնը, Ուտէացի ստորագրութեամբ, լոյս տեսաւ «Մշակի» N 34-ում 1878-ի մարտի 7-ին, երբ նա

Օլթու զինուորական շրջանապետի օգնական էր ռուսական բանակում, վերջին ռուս-տաճկական պատերազմի ժամանակ: Այսպիսով գրքոյկը լոյս է ընծայուած այդ թուականից աւելի քան 25 տարի յետոյ, և յատկապէս նպատակ ունի իրեն կըցուած վաւերական նամակներով մի տեսակ հաշիւ ներկայացնել հայ հասարակութեանը իւր հեղինակի քսանուհինգամեայ հասարակական գործունէութեան:

Սակայն ընտրելով որեւէ կոչում, մարդս պէտք է ունենայ կամ աշխատի ձեռք բերել այդ կոչման համապատասխան առանձնայատկութիւններ: Ունի՞ արդեօք պ. Նիկողոսեանը կամ ստացել է նա հայ հրապարակագրին անհրաժեշտ յատկութիւնները: Տեսնենք առաջ նորա նիւթական վիճակը, որ ամեն մի հասարակական կոչման հիմն է:

Պ. Նիկողոսեանը իւր կեանքի աշնան մէջն է արդէն, ուրեմն այրական արբուն հասկում, երբ մարդս արդէն սերմանած ու հնձած, լիառատ վայելում է կեանքի պտուղները: Պ. Նիկողոսեան վկայում է սակայն, որ նրա անցեալը մի յուսահատ կռիւ է եղել գոյութեան համար, որ կենցաղավարութեան պէս պէս գիտութիւններ ու վայելչութիւններ նա չի տեսել այդ անցեալում, որ նա մինչև այսօր նոյն իսկ մի հասարակ տապանաբարով անգամ չկարողացաւ յարգել իւր մօր յիշատակը, այն մօր, որին նա պարտական է ոչ միայն իւր ֆիզիքական գոյութիւնը, այլ և բարոյական վեհ ձգտումները: Իւր հրապարակագրական աշխատութեանց համար հայ թերթերի մէջ՝ Կ. Պօլսում թէ թիֆլիսում, նա չի ստացել ոչ մի վարձատրութիւն, զի մեր մէջ չի ընդունուած լրագրական և գրականական աշխատանքի վարձատրութեան սկզբունքը, իսկ հարուստ դասակարգից նիւթական քաջալերութիւն նա չի ունեցել երբեք այն պատճառով, որ այդ դասակարգը պարզապէս չի ըմբռնում գրական աշխատութիւնների բարձր արժէքը: Պ. Նիկողոսեանը իւր գրքոյկի վերջին գլուխը յատկապէս նուիրել է մեծատուն հային, որի ծանօթ տիպարը նա ներկայացնում է կենդանի և խիստ զաւեշտական գծերով: Կարելի է առանց վարանհիւսասել, որ եթէ մեր հարուստները մի մի Պրոտոպոպովներ են, ապա ուրեմն իրաւունք ունի պ. Նիկողոսեանը յուսահատութիւն ռուսահայ ժողովրդի զարգացած դասից, հետեալէս և ամբողջ ռուսահայ ազգից, զի ուսում տալ իրենց որդոց կարող են միմիայն հարուստ մարդիկ, իսկ եթէ հարուստներն ու իրենց ուսեալ որդիքը չաւ չեն զանազանում Պրոտոպոպովից, ապա ինչ ապասիլ հասարակ ժողովրդից, որ ոչ ուսում ունի,

ոչ դրամ, ոչ էլ հող: Եթէ մեր հարուստները հեռատեսութեամբ կատարած լինէին իրենց պարտքը գէպի տարաբախտ հայ վարժապետները, որոնք զրկուեցին հացի կտորից հայ դպրոցների փակման պատճառով, կասկածելի է որ Կովկասն այսօր ասպարէզ դառնար այն սոսկալի դէպքերի, որոնք անհամեմատ աւելի թանգ նստեցին նոյն այդ հարուստների կեանքի և գոյքի վրայ, քան թէ ինչ որ նոքա անելու էին հայ ուսուցչի կամ գրագէտի տխուր վիճակը մեղմելու համար: Մի մարդ, որ իւր ամբողջ երիտասարդութիւնը անցրել է ուսման և գրագիտութեան մէջ, չի կարող այնուհետեւ գնալ բանուոր դառնալ, կամ ծառայ մտնել՝ իւր ապրուստը ճարելու համար: Անընդունակ լինելով այլ պարապմունքի՝ բացի մտաւոր ասպարէզները, նա ընտրում է բնականաբար ծայրայեղ ընթացքը և զինաւորւում է այն հասարակութեան դէմ, որի մէջ նա չի գտնում ոչ մի գործադրութիւն իւր բարոյական ու մտաւոր ոյժերի: Արդիւնքը լինում է կոտորած ու աւեր, որոնց զոհ են գնում մի երկու մեղաւորի հետ հարիւրաւոր անմեղ մարդկային էակներ: Բարոյական համերաշխութեան պակասը մի հասարակութեան անդամների մէջ՝ միշտ կըլուծի իւր արդար վրէժը նոյն այդ խնւտասիրտ հասարակութեան դէմին:

Սակայն պ. Նիկողոսեանը իւր նիւթական կեանքի խնդիրը կարգադրեց այլ կերպ, քան պաշտօնագուրկ հայ վարժապետը կամ սովալլուկ հայ գրագէտները: Ինչպէս յայտնի է և ինչպէս ինքն էլ հաստատում է իւր գրքոյկում, պ. Նիկողոսեանը զիմեց ողու մասնուլին (որտեղ մի տող անգամ ձրի չի գրւում և չկայ յօդուածներ մուրալու սովորութիւն) և սկսեց նրա յայտնի օրաթերթերում տեղեկութիւններ ու յօդուածներ ղետեղել յատկապէս Հայոց մասին: Պէտք է խոստովանել, որ պ. Նիկողոսեանի այդ տեղեկութիւններն ու յօդուածները, բացի այն, որ նրան ապրուստի միջոց են հայթայթում, ունեն հայութեան համար անուրախալի նշանակութիւն, լոյս հանելով և բացայայտելով մեր ազգային կեանքի պէս-պէս խնդիրները ողու ընթերցող հասարակութեան և այդու իսկ նաև երոպացոց առաջ: Ի հաստատութիւն վերջին ասածին՝ վկայեմ այստեղ որ պ. Նիկողոսեանի մի յօդուածը. «С. Современная Бюдо-мощи» լրագրում հայ եկեղեցական կալուածները զրաւելու մասին ողու կառավարութեան կողմից, այնքան ուշադրաւ է եղել, որ անգլիացի օկանաւոր հրապարակագիր պ. Է. Դիլլոն, Կովկասեան անցքերին նուիրուած իւր ընդարձակ յօդուածի մի քանի տեղերում «Contemporary Review» ապրիլ ամսագրի

մէջ, ուղղակի ներշնչուել է պ. Նիկողոսեանի վերոյիշեալ յօդուածով և գործադրել է նրա ազդու բացատրութիւնները \*):

Պ. Նիկողոսեանի հայ հրապարակագրական կոչման նիւթականը հիմք չունենալով, տեսնենք այժմ դրա բարոյական ու մտաւոր հիմունքները:

Մենք տեսանք արդէն, թէ որքան վեհ է պ. Նիկողոսեանի բարոյական իդէալը: Մենք տեսանք նաև, որ այդ իդէալը պ. Նիկողոսեանը ստացել է իւր մօրից: Քննենք ուրեմն մօր բարոյական պատկերը, և տեսնենք թէ որքան դա համապատասխան է հայ հրապարակագրի կոչման պէտքերին:

Ամբողջ 50 էջ, գրեթէ գրքի կէսը, պ. Նիկողոսեանը նուիրել է իւր մօր խրատներին ու հայեացքներին, որ նա իւրացրել է: Ինքը պ. Նիկողոսեանը գրքի այդ մասը համարում է ամենաշահագրգռականը, ուստի անհրաժեշտ է նրա մօր հայեացքները յատկապէս ենթարկել լուրջ քննադատութեան՝ պարզելու համար թէ պ. Նիկողոսեանի և թէ հայ կնոջ ու հայ ընտանիքի, հետեապէս և հայ ժողովրդի բարոյական—հոգեկան նկարագիրը:

Նորա մօր բարոյական աշխարհայեցողութիւնը հիմնուած է «կեանքի փորձառութեան և Աւետարանի ճշմարտութեան» վրայ (էջ 21), ուրեմն զա մի կողմից փորձառական է, միւս կողմից՝ կրօնական: Լոկ փորձառութեան վրայ հիմնուած աշխարհայեցողութիւնը խախտու նեցուկ է բարոյական կեանքի, զի փորձը մեզ միշտ այն չի ցոյց տալիս, որ բարին յալթանակում է ու չարը պատուհասում, ինչպէս հաւատացած է ջերմեռանդ հայ կինը: Ընդհակառակը, կեանքում մենք աւելի ստէպ ականատես ենք լինում, որ բարին ընկնում է արինաթաթախ՝ անհաւասար կուտւմ իւր գաղափարների համար, իսկ չարը յոխորտալով անցնում է սխալէ՝ սնուաւոր իւր գործած անիրաւութեանց համար:

Իւր հայրենիքի քրտնաջան մշակը, փոխանակ քաջալերի և վարձատրութեան, գտնում է հալածանք, կոյր թշնամութիւն, և շատ անգամ էլ նահատակութիւն: Եթէ մենք լոկ փորձով առաջնորդուէինք, այն ժամանակ պէտք է կամ յեղաշրջէինք մեր բարոյական գաղափարները, և կամ յուսահատուէինք՝ ելք չտեսնելով կեանքի ու բարոյականութեան հակասութիւնից: Այստեղ ահա կրօնը օգնութեան է հասնում, և վերաջնկով մեզ

\*) Հրաւիրում եմ անգլիացի հայերի ուղադրութիւնը պ. Դիլլոնի յիշեալ յօդուածի վրայ, որտեղ անաշտ կերպով ստորագրուած են Բագուի անցքերը փետրուար ամսին և պարզուած նրանց շարժառիթները:

դէպի Գերապոյն էակը, ցոյց է տալիս այն կապակցութիւնը, որ հաստատուած է Նրա և արարածոց, և յատկապէս բանական արարածոց մէջ: Նա յայտնում է մեզ մարդկային հոգու անմահութիւնն ու վախճանական նպատակը, բարւոյ ու չարի անվրէպ հատուցումը անաչառ Գերապոյն Դատաւորի ձեռքով և ներշնչում է բարոյական կեանքի վեհ ու անտխեղձ սկզբունքները: Կրօնական հաւատով զինաւորուած մարդը անխռով տանում է բոլոր տառապանքները, որոնք շատ անգամ անբաժան են լինում այդ սկզբունքներն իրագործելուց, ակնկալելով լիառատ վարձատրութիւն դէժ իւր զաւակներին ու յետնորդներին: Ինքը, Նիկողոսեանի մայրը իւր կեանքով մի գեղեցիկ օրինակ է բարոյական սխրագործութեանց՝ ներշնչուած կրօնական անխախտ հաւատով: Պ. Նիկողոսեանը իրաւամբ նկատում է, որ իւր մայրը հայ ազգի մէջ բացառութիւն չէ, այլ հարիւր հազարներից լոկ մինը (էջ 126): Մենք կարող ենք մինչև անգամ մեր կողմից կցել, որ այդպէս է ապրել և այդպէս է ապրում ամեն ազգի մէջ հասարակ դասը, չունենալով բարոյական կենցաղավարութեան այլ ուղեցոյց, բացի կրօնական հաւատը: Նոյն իսկ կիրթ դասի մէջ առաջաւոր գլուխները ապաւինում են կրօնի ամբողջութեանը՝ մարդկային մտքի ալեծուփ ծովի տարուբերումներից զերծ մնալու համար:

Սակայն բարոյական աշխարհահայեցողութեան և բարոյական կենցաղի հիմք լինելու համար՝ կրօնը պէտք է գտնի հաւատ մարդկանց մէջ, մինչդեռ շատ անգամ մենք հակառակն ենք տեսնում: Մարդկային պատմութեան մէջ ժամանակի ընթացքում հետզհետեւ թուլանում է կրօնական հաւատը և տեղի տալիս անտարբերութեան և նոյն իսկ կատարեալ անհաւատութեան: Անհատների կեանքումն էլ լինում են բուսկներ, երբ մարդս կորցում է մանկական հաւատը և տատանւում է իրար հակընդդէմ համոզմունքների ու կասկածների մէջ: Ինքը, պ. Նիկողոսեանը քանի-քանի անգամ կանգնել ու պնդել է թէ «Աստուած չկայ», «ամեն ինչ բնութիւն է», «մարդը հոգի չունի, հոգին արիւնի շարժումն է», և այլն և այլն, խորը խոցոտելով այդ տեսակ խօսքերով իւր բարեպաշտ մօր երկիւղած սիրտը (էջ 62): Գրեթէ իւրաքանչիւր դպրոցական պատանի, որի միտքը բացուում է ուսման ազդեցութեամբ, սկսում է ծրփալ կրօնական սոստիկ տաւրակուսանքների արհաւիրքներում: Նոյն իսկ անուսում գեղջուկ իգիթը, «Վէրք Հայաստանի»-ի իդէալիստ հերոսը, ժամ-պատարագը իսպառ մոռացած, հանդերձում շրջում է մտայոյղ ու մոլար, անձնատուր եղած իւր հո-

գին մաշող ու միտքը տագնապող ծանր հարցերին:

Այն օրից ի վեր մտքերի այս վիճակը ևս առաւել զօրացաւ մեր մէջ՝ առաջ բերելով իբրեւ հետեանք բարոյականութեան իսպառ անկումը: Մանաւանդ հայ կինը կորցրեց իւր նախկին ամօթխածութիւնն ու պատկառանքը և ապերասան անձնատուր եղաւ հասարակային թեթեւ դուարճութեանց: Պ. Նիկողոսեանը ծանօթութեանց մէջ մի քանի սուր գծերով բնորոշում է հոսսահայ բարքերի այս տխուր վիճակը (էջ 29 և 46): Այս ցաւին անշուշտ դարձան էր հարկաւոր, և պ. Նիկողոսեանը, որ ստանձնել էր հասարակաց բարիքին ծառայելու կոչումը հրապարակախօսական ասպարէզում, հարկաւ պէտք է միջոցներ գտնէր՝ բարուց ապականութիւնը եթէ ոչ վերացնելու, գէթ կասեցնելու և սանձահարելու: Արդ, ի՞նչ միջոցներով պ. Նիկողոսեանը կամեցել է մաքառել այս չարիքի դէմ:

Ուրիշ միջոց նա մեզ չի ցոյց տալիս, բացի իւր մօր ներշնչած հաւատը: «Հաւատ, հաւատ և հաւատ, բռնի ու գնա, և ինչ որ մտքումդ դրել ես՝ անպատճառ կը կատարուի»,—ասում է իւր որդուն ջերմեռանդ հայ կինը (էջ 66), և պ. Նիկողոսեանը յանձնարարում է նոյն հաւատը և քայքայողոյ հայ հասարակութեանը, և՛ մոլորւում հայ երիտասարդութեանը, ցոյց տալով երկուսին էլ իւր իդէալը՝ հաւատով լի նահապետական հայ կինը: Սակայն մի մարդ, որ կորցրել է հաւատը, հաւատացող չի դառնալ շարունակ կրկնելով նրան՝ «հաւատ, հաւատ և հաւատ». նրա տարակուսանքները չեն փարատուիլ հաւատացող փիլիսոփաների, իմաստունների ու թագաւորների օրինակով (էջ 63): Հարկաւոր է ուրիշ ճանապարհներ գտնել թէ խախտուած հաւատը վերահաստատելու, և թէ բարքերի վրայ ազդելու համար: Այդ ճանապարհներն են գիտութիւնն ու գեղարուեստը, և յատկապէս՝ գեղեցիկ գրական արուեստը, որոնք նմանապէս, թէև նուազ չափով, նպաստում են բարքերի ազնուացմանը, և ուրեմն, կրօնից յետոյ, կարող են հիմք դառնալ բարոյական կեանքի ու հայեացքների: Տեսնենք թէ պ. Նիկողոսեանը ինչ է տալիս մեզ այս երկու ուղղութիւնով:

Պ. Նիկողոսեանի մտաւոր աշխարհայեացքը դառնում է միմիակ գաղափարի շուրջը՝ հայ ազգի կեանքի ու մահուան խնդրի: և ինչպէս տեսանք, գրքոյկը գրուել է իսկապէս այդ խնդիրը լուծելու նպատակով: Իւր մտքերն այս հարցի մասին պ. Նիկողոսեանը ամփոփել է III—V գլուխներում, որոնց քննութեամբ մենք այժմ զբաղուելու ենք:

Ազգերի յարատեւութեան խնդրում պ. Նիկողոսեանը մեծ

նշանակութիւն է տալիս երկրի աշխարհագրական դիրքին ու տեղագրական պայմաններին (էջ 86), որոնք անշուշտ ազդում են նոցա կեանքի վրայ, ինչպէս մարմինը՝ մարդու հոգու վրայ, բայց վճռական դերը այս հարցի մէջ նոցա չէ պատկանում: Մարդս գերի չէ բնութեան պայմաններին անամոնոց նման: Իւր բանական հոգով նա բարձրանում է բնութիւնից էլ վեր և ընկճելով նորան իւր ազդեցութեան տակ՝ դնում է նորա զօրեղ տարերքների վրայ իւր բանական մտքի գերիշխանութիւնը: Այդ պատճառով միեւնոյն երկրում միեւնոյն աշխարհագրական դիրքով ու տեղագրական պայմաններով, մենք տեսնում ենք մերթ ծաղկեալ քաղաքակրթութիւն, մերթ աւերակներ, անկում, ամայութիւն: Միեւնոյն Իտալիան, որ միջին դարերում աշխարհակալների կռուածադիւն էր՝ բաժան-բաժան եղած իրարից անկախ բազմաթիւ մանր իշխանութիւնների, այսօր միացեալ պետութիւն է կազմում պատուաւոր տեղ ունենալով մեծ ազգերի շարքում: Ընդհակառակը, Իսպանիան որ Փիլիպպոս II ժամանակ Եւրոպայի ամենահզօր և ամենահարուստ տէրութիւնն էր, այսօր ստորացել՝ իջել է երկրորդական փոքրիկ տէրութեանց կարգը: Ծշմարիտ է, որ լեռներն ու անանցանելի անապատները անցեալում պահպանել են իրենց լնակիչների ուրոյնութիւնն ու անկախութիւնը (էջ 86): Սակայն ներկայումս, երբ տեխնիքական կատարելագործումները յաղթահարել են տարածութիւնն ու բնական արգելքները, լեռների և ովազիսների այդ դերն անցած պիտի համարեք անդառնալի կերպով: Պ. Նիկողոսեանը այդ տեսակէտից Հայաստանի աշխարհագրական դիրքը համարում է անյաջող, որովհետեւ նա թատերավայր է եղել աշխարհակալների շարունակ ընդհարմանց (էջ 87): Հայաստանը զետեղուած է այն մեծ Միջերկրական աւազանի մօտ, որի շուրջը հին դարերում կենդրոնանում էր տիեզերական պատմութեան ընթացքը և տեղի էին ունենում արեւմտեան և արեւելեան ազգերի ընդհարումները՝ խաղաղ թէ պատերազմական, առաջ բերելով բնական բերքերի ու արդիւնաբերական արտադրութիւնների, ինչպէս և մտաւոր ու հոգեւոր արգասիքների անդու և աշխոյժ փոխանակութիւն՝ յառաջադիմութեան այդ գլխաւոր պայմանը: Ծնորհիւ այդպիսի բախտաւոր դիրքի՝ Հայաստանն առաջին երկրներիցն էր, որ ընդգրկեց բրիտանէութիւնը և այդու իւր բախտը սերտիւ շաղկապեց արեւմտեան յոյն-հռոմէական քաղաքակրթութեան հետ, որ հիմք դարձաւ տիեզերական պատմութեան նոր և նորագոյն շրջանի: Եթէ Հայաստանը պատմու-

թեան շաւղից մեկուսացած՝ ընկած լինէր աշխարհի մի անկիւնում, ինչպէս, օրինակ, Սկանդինաւեան թերակղզին, նա, հարկաւ, զերծ կըմնար ընդհարումներից, բայց և դատապարտուած կատարեալ ամլութեան՝ թէ հոգեւոր և թէ նիւթական տեսակէտից: Ուստի բոլորովին սխալ է պ. Նիկողոսեանի այն կարծիքը, թէ հին և նոր ազգերը իրենց քաղաքական յառաջադիմութիւնը պարտական են իրենց երկրի նպաստաւոր, իման պաշտպանուած՝ դիրքին և տեղագրական պայմաններին (էջ 88): Եթէ մի երկիր ծովերով է շրջապատուած, այդ հանգամանքը յիշաւի հեշտացնում է երկրի պաշտպանութիւնը, ինչպէս է օր. ներկայումս Անգլիան: Սակայն ովկիանոսի էութիւնը ոչ թէ այն է, որ երկրներ պաշտպանի և իրարից բաժանի, այլ, ընդհակառակը, նրանց իրար հետ կապի, նրանց մէջ անընդհատ յարաբերութիւններ հաստատի: Ծովային պետութիւնները այն պատճառով են ծաղկում ու բարգաւաճում, որ նրանք շարունակ յարաբերութիւնների մէջ են օտար ազգերի հետ՝ խաղաղ և պատերազմական: Նոյն իսկ Անգլիայի մեկուսացած դիրքը անցեալում չպաշտպանեց նրան հոովմէական լեզուների և նորմանական աշխարհականների արշաւանքներից ու դարեւոր տիրապետութիւններից: Լեռներով ու անապատներով շրջապատուած ազգերը, ընդհակառակը, կտրուած լինելով աշխարհից, իրաւի, պահպանել են իրենց անկախութիւնը, բայց մնացել են միշտ զարգացման միեւնոյն նախնական ստոր աստիճանի վրայ կանգնած, առանց յառաջագիմելու թէ մտաւոր և թէ քաղաքական ասպարէզներում:

Եթէ Հայաստան երկիրը ազդել է հայ ժողովրդի վրայ, այդ եղել է ոչ թէ այն մտքով, ինչ որ ուզում է ապացուցանել Պ. Նիկողոսեանը, այլ բոլորովին հակառակ ուղղութեամբ, մեկուսացնելով նրան և զարգացնելով նրա մէջ անկախութեան և ինքնուրոյնութեան ոգին: Պ. Նիկողոսեանը մի փոքր յետոյ ինքն է մատնանիշ լինում այս ճշմարտութեան վրայ, հակասելով իւր նախկին ասածներին: Նա գիտում է իրաւամբ, որ Հայաստանի լեռները և ջրային հաղորդակցութեան պակասութիւնը զարգացրել են նրա բնակիչների մէջ առանձնականութիւն և անհատականութիւն, որոնց հետեանքն են եղել անհատական ուրոյնութիւնը, նեղ հայրենասիրութիւնը և ընդհանուր շահերի սահմանափակ հասկացողութիւնը (էջ 89, 90): Ուստի միանգամայն ճշմարիտ են պ. Նիկողոսեանի հետեւալ գիտողութիւնները հայոց հոգեկան յատկանիշների մասին՝ իրեւարդեանք երկրի մակերեսով կազմութեան ճշխար-

դարձնելից ուսման հրաշքներ են գործել անհաւասար կոուլի մէջ, որովհետեւ նորանց առաջնորդութեամբ կոուլոյ հայերից իւրաքանչիւրը կոուլել է իւր անհատական անկախութիւնը, իւր ընտանեաց ազատութիւնը պահպանելու համար, և ոչ թէ ամբողջ Հայաստանի, ընդհանուր հայրենիքի սիրով վառուած: Սուրանով կարելի է բացատրել այն երևոյթը, որ Հայաստանի մի կողմում ապահով կեանք վայելող հայերին ընդհանրապէս շատ քիչ է հետաքրքրել միւս կողմում յուսահատաբար կոուլող ազգակիցների վիճակը: Լեռնոտ երկիրը առհասարակ զարգացնում է ծննդավայրի, «վաթանի» սէրը, բայց ոչ հայրենիքի, որ գաղափարական սկզբունք է և ենթադրում է մասնաւորից դէպի ընդհանուրը վերանալու ընդունակութիւն:

Եթէ պ. Նիկողոսեանը այդքան կարեւորութիւն է տալիս ազգերի յարատեւութեան խնդրում բնական պայմաններին, ապա նաւստի պէտք է զանց չանէր Հայաստանի կլիման և մանաւանդ բնական բերքերը, որոնք ահագին ազդեցութիւն են ունեցել հայ ազգի ամբողջ պատմական կեանքի վրայ: Միայն մէկ տեղ նա այս մասին մի ճիշտ դիտողութիւն է անում, առանց, սակայն պարզելու նշանակութիւնը: Նա ասում է, որ նախնեաց յիշատակները պահուել են յետնորդների համար վանքերով և եկեղեցիներով և տեղ-տեղ էլ քաղաքների ու բերդերի աւերակներով (էջ 93): Այս հանգամանքը մեծ նշանակութիւն ունի աւանդական ու պահպանողական հոգին ամրապնդելու մըտքով յետնորդների մէջ, որ բացակայում է այն ազգերի մէջ, որոնք անկարող են թողնել յետնորդներին դարէդար կանգուն յիշատակորաններ և մեծագործութեանց շքեղ յուշարձաններ՝ քարահանքերի պակասութեան պատճառով: Նմանապէս բազմաթիւ բերդերի գոյութիւնը Հայաստանի գրեթէ ամեն մի բլրի գլխին ցոյց է տալիս թէ որքան մեր երկիրը նպաստել է տեղական ուրոյն ու անկախ իշխանութիւնների ու կենտրոնների զարգացմանը. իսկ սա ունեցել է ահագին ազդեցութիւն հայի ամբողջ պատմութեան վերայ:

Սակայն վերջիվերջոյ մարդս ինքն է, որ իւր բախտը վճռում է, և ոչ թէ երկիրն ու աշխարհագրական պայմանները: Ուստի մի ազգի ճակատագիրը կախուած է աւելի նորա քանակից և որակութիւններից, քան թէ չըջապատող մեռեալ բնութիւնից:

Պ. Նիկողոսեանը բնաւ չի շօշափում հայ ազգի թուական յարաբերութեանց խնդիրը անցեալում և ներկայում, մինչդեռ դժբա ոչ սովաւ նշանակութիւն ունին մի ազգի այս կամ այն

տեսակ բախտի համար: Ներկայումս մեծ ազգերն են, որ դեր են խաղում տիեզերական պատմութեան շարժման մէջ, մինչ անցեալում, ընդհակառակը, պատմութիւնը դառնում էր փոքր ազգերի շուրջը, ինչպէս են՝ յոյներն ու հռոմայեցիք, պարթևներն ու պարսք: Սակայն ներկայումս էլ փոքրիկ ազգերը կատարում են իրենց յատկացեալ պաշտօնը, տիեզերական պատմութեան շարժման մէջ, բայց այդ պաշտօնը բոլորովին այլ է, քան մեծ ազգերինը: Նրանց մէջ զարգանում է ներքին բարեկեցութիւնը և անհատական ինքնութիւնը, մինչդեռ մեծ ազգերի մէջ առաջին տեղը բռնում է զինուորական ոյժը և միջազգային ու հանրամարդկային խոշոր հարցերի կարգադրութիւնը:

Այս տարբերութիւնը չպէտք է մոռանալ ազգերի պատմական դերերը քննելիս: Պ. Նիկողոսեանը իւր գրքովկում հայ ազգի այս կողմը բոլորովին զանցառութեան է տուել: Այժմ տեսնենք թէ նա ինչպէս է որոշում հայի որակութիւնները:

Վեննա

ԳԵՈՐԳ ԱՀԱՐՈՆԵԱՆ

(Կը շարունակուի)

## ՄՐՐԻԿԸ ՄԱՍԻՍԻ ՎՐԱՅ

(մի հատուած «Ծանապարհորդական պատկերներ» անտիպ  
շարադրութիւնից)

Ես գնում էի Երևանից Էջմիածին:

Ազատ Մասիսի արևմտեան հեռաւոր կողմերը սքանչելա-  
գեղ էին. այդ տեղերում բարձրանում էր մի անագին թանձր  
ամպ, որ փակում էր երկնային տարածութեան մի մասը և յամբ  
շարժւում էր դէպի երկնակամարը: Դա ուղղահայեաց դրութեամբ  
և ամբողջութեամբ էր գնում և իր մէջը չունէր ոչ մի հատուածք:  
Այդ ամպը նմանում էր մի սև ժայռի: Այդ հրէշը լայնանում,  
աճում էր: Ոչ մի ծալուածք այդ ամպի մէջ չէր երևում, դրա  
մէջ երբեմնապէս փայլատակում էր մութ ֆօնի վրայ, հազիւ  
նշմարելի կայծակը, սակայն որոտի ձայնը չէր լսւում: Արեգակն  
ամպի տակ մտնելով ոսկէգօծում էր ամպակոյտի արևմտեան  
եզերքը: Այդ ամպն այնպիսի մի ձև ընդունեց, որ ասես թէ  
մի անագին սար բարձրանում լինէր երկնքի և երկրի մէջ:

Այդ տեսարանը ներշնչում էր սարսուռ և զարհուրանք:

Օղը տաք էր և խեղդիչ, կարծես գոլորշի էր տարածւում  
այդ խորհրդաւոր ամպաշեղջից: Երկնքի կապոյտը հետզհետ  
մթնում, սևանում էր: Այդ ամպը մի չարագուշակ կերպարանք  
ունէր, դրա մեծանալը և մերձենալը մի տեսակ երկիւղ էր  
ազդում:

Օրը ցերեկով թւում էր, թէ իջնում էր մութ գիշերը:

Ամպը փոխելով իր ձևը, կարծես կախուած լինէր երկն-  
քից, յետոյ կորցրեց իր միութիւնը և սևագունդ ալիքներով  
հեռուից շարժւում էր դէպի Մասիսի գագաթը:

Ակսեցին երևալ անձրևի ու կարկուտի շերտեր արևմտեան  
հեռու կողմերում:

Ամպի կոյտերն յամբ շարժւում էին դէպի Վիշապատուն  
Մասիսի գագաթը: Բնութեան լուսթիւնը յուզուած էր. զգաց-  
ւում էր մրրիկի ձօտենալը: Հորիզոնի վրայ տարածուած էր

մոխրագոյն մառախուղ: Մի նեղ, երկարաւուն, սպիտակ ամպ-  
ով գիտէ որտեղից գալով, առիշեղ կտրեց այդ ամպակոյտն  
արեւելից դէպի արեւմուտք: Ահեղ սև ամպերն հետզհետէ իջ-  
նելով Մասիսի գագաթին, ասես դիւթական պար էին բռնելու  
նրա վրայ, տարածուած էին ամեն կողմ և պատեցին ամբողջ  
երկնակամարը: Խիտ մութը տարածուեց երկնքից երկրի վրայ:  
Զգացուած էր, որ ժօտենում էր մի արհաւիրք:

Վիթխարի երևոյթն արդէն մերձ էր. սարսափած թռչուն-  
ները թաքնուած էին քարերի, թփերի տակ, ձայները կտրե-  
էին, պապանձուել էին: Կովերն, եզները, ոչխարները, որոնք  
արածուած էին դաշտում, գլուխները կախած, ողբալի մռնչում,  
գոռում էին:

Յանկարծ հեռուից լսուեց ամպի մի հարկու որոտում,  
որից առաջ չէր նկատուել ոչ մի կայծակնահարութիւն: Հետզհե-  
տէ սկսեցին յայտնուել մէկը միւսի հտեից մի քանի անձայն-  
բայց այնպիսի սոսկալի փայլակներ, որոնք պարզ լուսաւո-  
րում էին Մասիսի բազմաթայռ լանջքն ու դաշտերը:

Սևագոյն ամպերն իջնելով Մասիսի գագաթից նրա հիւ-  
սիսային լանջքը, թափեցին անձրևի մի քանի լայն շերտեր,  
յետոյ դրա ամպախիտ գագաթի վրայ փայլատակեց, շանթեց  
և լսուեց ամպի մի զարհուրելի որոտումն:

Մաստկաշունչ քամին բարձրացաւ:

Խաւարը հասաւ իր գագաթնակէտին: Յերեկուան լոյսի  
խաւարելիս, մարդուս վրայ սարսուռ է գալիս, ասես շունչը  
կտրուած է, սիրտը նեղուած է:

Վերջին որոտումն իրր ճաքեցրեց ամպերը վերեից մինչ-  
ներքև ու կարծես հենց այդ ճեղքից թափեցին Մասիսի և Արա-  
րատեան դաշտի վրայ սարսափելի հեղեղի գետեր:

Սկսեց մրրիկը:

Ես մտայ ճանապարհի պահապանների տունը,

Փոթորիկը, փայլակները, ճայթումն, շանթերը, ամպերի  
մօլի գալարումները, շչումը տարածուել էին երկնքի և երկրի  
վրայ, գործում էին միասին: Քամին սուլում էր: Անձրևը չէր  
գալիս, այլ թափւում էր երկնքից: Մրրկի աղմուկն աճելով  
տարածւում էր: Անձրևն ու քամին չէին կտրուած, հանդար-  
տուած, կարծես Արարիչը կամենում էր նորից հեղեղել Արա-  
րատեան դաշտը: Երկնքի անսահման տարածութիւնը խռովուած  
յարձակուել էր Մասիսի ժայռերի վրայ: Լսուած էին անթիւ  
յուզիչ ձայներ:

Ո՞վ էր այդպէս գոռում, գոչում:

Ամպերը կարծես ուժեղացան էին, անձրևն ու կարկուտը հրացանաձգում էին, քամին շաչում էր: Թուրքները, թէ երկինքը պէտք է քանդուէր Մասիսի գագաթի վրայ: Փայլատալման միջոցին նրա ժայռերը բոցավառում էին և նրա հրաբխային բերանը— Մասեաց վիհը կարծես աւելի լայն էր բացւում, հեղեղի գետերը կլանելու համար: Երբեմն կայծակի շանթերը գագաթի հիւսիսային կողմերից իջնում էին որպէս սահող զոզաներով, իւրաքանչիւր ընդհարումները թափւում էին քարաժայռերի վրայ, մռայլ, սև ամպերն ալիկոծուած, կատաղի կերպով անցնում էին դէպի հիւսիս և հեազհետէ հարաւային կողմերը նոսրանում էին ամպերից:

Մի րոպէ բացուեց Մասիսի երկինքը, նրա ձիւնեղէն, սպիտակափառ գագաթը և լոյս տարածուեց:

Ամպերն սկսեցին անջատուիլ, դադարեցին փայլատակումները, սակայն քամին շարունակում էր, շաչում էր: Կարելի էր կարծել, որ մրրիկը վերջանալու վրայ էր, բայց այդ միայն նրա սկիզբն էր:

Յանկարծ հարաւից նորից յարձակուեցին Մասիսի և Արարատեան լայնածաւալ դաշտի վրայ սևագոյն ամպերի անհամար ալիքներ: Երկինքը բացեց իր լայն բերանը և թափեց երկրիս վրայ ջուր ու բոց: Մի վառվռում բոց շարունակ հանգչում, նորոգւում էր ամպերի խաւարի մէջ: Անձրևի ու կարկուտի շերտերը լուսաւորուելով, թափւում էին երկնքից: Արագածի երկինքը նոյնպէս յուզուած էր. փայլակները, որստուճները, հեղեղի գետերը թափւում էին երկնքից նրա հինգ ժայռի գագաթին և լցնում էին նրա գագաթնավիհը:

Մի րոպէ աւելի խորին մութը տարածուեց երկրիս վրայ: Կայծակը դադարեց, հետևեց մի խուլ հարուած, սրան յաջորդեց մի սոսկալի ճայթիւն: Այժմ կայծակը կատաղարար և փոփոխակի թռչում էր Մասիսի գագաթից Միսի գագաթը, երբեմն էլ հաղորդակցում էր Արագածի փայլակների հետ: Յանկարծ թնդաց մի սարսափելի հարուած և տարածուեց մութութեան մէջ մի գլրգոց, որ առաջիններից աւելի ահարկու էր:

Մասիսի գագաթի վրայ կատարւում էր մի ահեղ գործողութիւն:

Վերևում—գայրոյթն էր, ներքևում—սարսափը: Չար ոգիները— Մասիսի այդ քաջքերն ալիկոծում էին նրա գագաթի օղբը, թռչում էին կայծակները, ամպերը ճաքում էին և երկնքից թափւում էին հեղեղի գետեր:

Այդ ժամը մոլեգին էր:

Թուում էր, թէ այդ վիթխարի լերան ժայռերն ուզում էին տեղից շարժուել: Մրրիկը խելագարուել, կատաղել էր: Կայծակները ջրվէժի նման թափում էին ժայռից ժայռ և տա-  
րածւում էին մինչ նրա ստորոտը: Երբ Մասիսի օդքն ալեկո-  
ծուած, զայրացած գոռում էին, ասես թէ երկիրը շարժւում  
էր մարդիս ոտերի տակ: Անձրևի, կարկուտի, քամու, կայծակ-  
ների գղղղոցն աշխարհք էր վերցրել, թուում էր թէ երկինքը  
քանդուկու էր, կործանելու էր երկիրը:

Ահա մի ամպ տւելի ահեղ գոռաց, որպէս թէ վերջին  
շունչն էր արձակում: Ամպերի վերջին ճիգը լինում է աւելի  
ուժգին, բայց կարճատև: Կայծակի ամենասաստիկ հարուածը  
գուշակում է փոթորիկի վերջը:

Անձրևը կտրուեց:

Ամպերը մի անգամ էլ ահեղ փայլատակեցին, վերջ տուին  
մրրիկին, արձակելով այս ու այն կողմ մի քանի թոյլ, անզօր,  
դժգոյն փայլակներ և սկսեցին ցրուել ու բաժանուել միմեան-  
ցից: Հետզհետէ Մասիսի գագաթը սկսեց ազատուել ամպերի  
յարձակումից և դրա վերևում ամպաշեղջը բացեց իր մէջ մի  
ահագին այր, ուր պարզ երևում էր նրա կամարակապ առաս-  
տաղը: Այդ այրում երևում էին ամպերից կազմուած տնամնա-  
ձև էակներ, որոնք ձևափոխւում էին մարդկանց, անասուննե-  
րի և վիշապաձև ստուերների:

Ի՞նչ որ քամին բերել էր, ինքն էլ տարաւ:

Արևմուտքն սկսեց պարզուել: Արեգակը մի խիտ ամպա-  
կոյտի լուսամուտից արձակեց Արարատեան ծաղկազարդ, և  
ակնաւոր դաշտի վրայ իր ճառագայթների ուրախաբեր, լու-  
սափայլ մի փունջը և զարդարեց դաշտը: Այդ լուսաւոռն հետզ-  
հետէ մեծանալով, լուսաւորեց երկիրը: Կրկին ցերեկ էր: Ա-  
մեն ինչ, կենդանութիւն ստացած, ժպտում էր երկրիս վրայ:

Աւագ Մասիսը հսկայակերպ, անշարժ կանգնած կար պայ-  
ծառափայլ երկնքի տակ և նրա մեծապանծ գագաթը շողշողում  
էր արեգակի լուսաշուք ճառագայթների մէջ:

Դուրս գալով պահապանների տնից, ուղևորուեցի դէպի  
էջմիածին:

Ես ինձ շնորհաւորեցի, որ Մասիսն ինձ այդպիսի մի մե-  
ծասքանչ ընդունելութիւն ցոյց տուեց:

ԲԺ. Լ. ՏԻԳՐԱՆԵԱՆՑ

## ՀԱՅՈՑ ԱՄԱՆՈՐ

«Ո տայր ինձ դժուխ ծխանի և զառաւօտն նաւասարդի,  
զվազելն եղանց և զվազելն եղջերուաց. մեք փող հա-  
րուար և թմբկի հարկանէար.

Ո՛ւր, ո՛վ մարդիկ, շտապում էք խուռներամ և հապճեպով,  
Ո՛ւր էք վազում ձեռներդ լի մայր բնութեան տուրքերով.  
Նաւասարդի մէկն է այսօր, և գնում էք տօնելո՛ւ  
Միւրդ ու ծաղկով շքեղ տօնը Ամենաբեղ աստըծու:  
Հայ աշխարհի բնութիւնն հարուստ, դաշտօրայքն են ծաղկաղարդ,  
Այգիները մրգերով լի, հողն արգաւանդ և զարարտ  
Եւ դուք, չքնաղ հայ օրիորդներ, ծաղիկներից այդ սիրուն  
Պսակներ էք բոլորելու Ամենաբեղ ձեր տիրուն,  
Թէ՛ դուք քնքոյշ ձեր մասներով ածելու էք լիուլի  
Ձեր սիրասուն եղբայրների բաժակներում հին գինի.  
Թէ սեղան էք պատրաստելու Ամենաբեղ Աստծուն,  
Որ նա սփռէ իւր հովանին ձեր բարեբեր արտերում:  
Ածէք, բոյրեր, ահա եկան ձեր եղբայրները յոգնած,  
Ջիւրշաւից, մրցումներից հանգստութեան կարօտած.  
Կազդուրեցէք ձեր տաք շնչով դուք նրանց խոնջ բազուկներ,  
Տուէք նրանց, տուէք գինի, տուէք և քաղցր համբոյրներ,  
Որ Աստուածն էլ Ամենաբեղ, խնամակալն հայ երկրի,  
Տեսնելով ձեր սէրն անարատ՝ հոգով ցնծայ ու բերկրի:  
Երգիչները հայ աշխարհի՝ տաղանդաւոր և համեստ՝  
Հին դիւցազանց մեծ գործերին անվերջ կարգում են գովեստ.  
Յիշում են նրանք իրանց երգում անուններ Հայկ ու Արամ,  
Տիգրան, Վահագն ու Արտաշէս և դրանց փառքն անթառամ.  
Շուք են տալիս ամանորի հայրենաւանդ հին տօնին,  
Եւ գովում են ամէն ովքեր հայրենեաց հետ կապ ունին.  
Գովում են նրանք հայրենասէր քաջ զինուորին անձնուէր,  
Հայ տանտիկնոջ, հայ պատանուն, հայ մշակին ջանասէր,  
Եւ երգելով փառք ու պատիւ Ամենաբեղ աստըծուն՝

Հայ աշխարհի բնութեան համար նրանից խնամք են հայցում.  
Հայ օրիորդներ, պսակեցէք դուք ճակատն հայ երգողի,  
Որ յաւիտեան նա իր երգում ձեր անունը ներբողի:

Արեգակը հորիզոնում փողփողում է տօթագին  
Եւ մրգերով շրջապատուած կարծես ժպտում է բազինն,  
Ուր քրմերը միաբերան երգում են փառք ու պատիւ  
Ամենաբեղ մեծ աստրծուն ամանորի այս առթիւ.  
Եւ խմում են մարգիկ գինին բաժակներով լիուլի,  
Եւ ասում են, և պարում են խմբովին և մի առմի:  
Քրմապետը ձայն է տալիս գինու բաժակը ձեռքին՝  
«Հայ ժողովուրդ, երկրպագիր դու քո տիրոջ սրտի գին.  
«Սա, ասում է, քեզ պարգևեց պայծառ երկինք, յորդ անձրև,  
«Սա խնայեց քեզ կաշկուտից, ծագեց քեզ լոյս ու արև»:  
Եւ ժողովուրդը գոչում է՝ բազուկները տարածած՝  
«Օրհնեալ լինի Ամենաբեղ աստուածը մեր միշտ զթած»:

Եւ քրմերի դասակարգից մի երկրորդ մեծ պաշտօնեայ  
Ձայն է տալիս ձեռին բռնած գինու բաժակը ոսկեայ.  
«Հաւատարիմ հայ ժողովուրդ, կրօնասէր, ջերմեռանդ,  
«Քմում եմ այս քո իսկ կենաց, որ հինաւուրց այս աւանդն  
«Անխախտ պահես և դարերով ժառանգութիւն միշտ թողնես  
«Ձաւակներիդ, որ նրանք էլ գան կատարեն սոյն հանդէս:  
«Քո աշխարհը, հայ ժողովուրդ կանգուն մնայ յաւիտեան,  
«Կանգուն մնայ քո տունն ու տեղ, քո այգին ու անդաստան.  
«Եւ ինչպէս քո հողի վրայ բուսած ծառերն ու ծաղկունք  
«Մնաս և դու մշտադալար, չտեսնես ցաւ ու արտասուք»:  
Լոեց ճառը պերճախօսի միաբերան ձայն տուին.  
«Կեցցէ յաւէտ մեր վեհ կրօն, որ մեր նախնիք մեզ թողին»  
Եւ խանդավառ բերկրանքով լի՝ համբոյր տուին միմեանց՝  
Դաջ համոզուած թէ կրօնն այդ մնալու էր միշտ անանց:

Անցան դարեր, կործանուեցաւ հայ բազինը հնօրեայ,  
Բայց ոչ երբեք մոռացուեցաւ ճոխ պաշտամունքը նորա.  
Տասնեակ դարեր երկարուծիք կատարուեցաւ շարունակ  
Հայ աշխարհում ամանորի սոյն հանդէսը փառունակ.  
Դարեր երկար և անընդհատ հայ կոյսն ու հայ պատանին  
Պճնուեցան պսակազարդ՝ ամանորի այս տօնին.  
Մոռանում էր հայ մշակը իւր քրտինքին ու տառապանք,  
Ողջունելիս նորեկ տարուն ստանում էր նա նոր կեանք.  
Կազդուրւում էր հայ զինուորը պատերազմում վաստակած  
Ուրախ էր հայ ընտանիքը՝ իր սրբութեամբ հռչակուած.

Ուրախ էր և հայ տէրտէրը յաջորդը հին քրմերի՝  
Թէպէտ և ոչ մեծ գիտնական բայց հաւատքունն անթերի  
Եւ երգիչը հայ աշխարհի՝ անցեալն էր դեռ նուագում,  
Եւ ամբողջից դիւցազնական դափնիներով պսակում:

Անցան սակայն, անցան անդարձ և այդ դարերն երջանիկ,  
Եւ տեսնում եմ այժմ իմ առաջ ես մի սգաւոր հայրենիք...  
Նա հեծում է, նա ողբում է հարուածներից օտարի,  
Ասպարէզ է դառել տխուր հալածանքի, աւարի:  
Հալածում է հայ տէրտէրը՝ հաւատարիմ իր կոչման,  
Աւերում է հայ տաճարը իր զարդերով սրբազան.  
Հալածում է հայ պատանին երկրէ երկիր տարագիր,  
Հալածում է հայ մշակը իր որդոց հետ սգակիր,  
Հալածում են մատաղեբամ և որբացած հայ մանկունք.  
Զունին հրանք հայր ու մայրիկ, անվերջ թափում են արտ-  
սունք.

Հալածում է և պատիւը պարկեշտասուն հայ կոյսի.  
Էլ տէրը չէ նա սիրասուն-քաջ տղամարդ իր փեսի:  
Վերացել է հայ աշխարհից և սրբութիւն և ամօթ,  
Պատուաճանաչ մարդիկ այնտեղ մահուան քաշում են կարօտ.  
Մոռացուել է ամանորի պաշտամունքը ցնծալից...  
Ա՛խ, ո՞վ կարող է աչք բանալ այլ ևս արիւն արտօսրից...  
Եւ երգիչը հայ աշխարհի մռայլ թախիծը դէմքին՝  
Պատմում է իր հայրենիքի ցաւն ու վիշտը ամենքին.  
Աշխարհներ է թափառում նա, կտրում է ծով, ովկիան,  
Որ իր ողբով ու երգերով քար սիրտն յուզէ մարդկութեան....

Օ՛ն, սիրելի հայ օրիորդներ և դուք հայոց պատանիք,  
Թէ սիրում էք որ նորոգուի ձեր կիսաւեր հայրենիք,  
Թէ սիրում էք որ դարերով անժառ մնայ ձեր անուն,  
Ուխտեցէք արդ նրան մի օր զոհել ձեր սիրտն ու արիւն:  
Մ. վ. Մ.

# ԻՄ ԶԱՆԱՊԱՐՅՈՐԴԱԿԱՆ ՅԻՇՈՂՈՒԹԻՒՆՆԵՐԻՑ

(1904—5)

## I

Անցեալ 1904 թուականի մայիս ամսին ծննդավայրիցս զուրս գնալով զէպի Բաթում՝ դարձեալ մի անգամ ուղևորուեցայ Ֆրանսիա՝ նախնի Պոնտուսի, Կ. Պօլսի ու Միջերկրականի ծովային ինձ հաճելի ճանապարհով:

Փարիզից «Լուսմայիդ» ուղղած առաջին նամակիս մէջ թէն արդէն յիշեցի որ այս անգամ Եւրոպայում գտնուելս գրի և ուսման ասպարիզի վրայ դեգերիլ շարունակելու նպատակով չէր, այլ տկարութիւնիցս ապաքինուելու յուսով, բայց ինչ զուգէ լինէր միթէ կարող էի լուել և սովորութեանս համեմատ չը գրել և չը խօսել իմ նկատած մանաւանդ այն իրողութիւնների ու ստացած տպաւորութիւնների մասին, որ հայկական ուշադրութեան միշտ արժանի նիւթ են մատակարարում:—Ամսագրիդ անցեալ տարուայ առաջին համարներում Փարիզից գրած սակաւաթիւ նամակներս մասամբ ապացոյց կարող են լինել ասածիս:

Հիմայ էլ ուզում եմ յիշեալ երկար ուղևորութեանս միջոցին ստացած տպաւորութիւններս ու յիշողութիւններս նորոգելով՝ շարունակել դարձեալ թէ նոյնպիսի և թէ այլ տեղեկութիւններ հաղորդել հանդիսիդ հետաքրքիր ընթերցողին:

Երեկոյին ժամը չորսն էր որ Մարսէլլցի Պակէի «Հայկական ու Մառօքիան» անուանեալ ընկերութեան մեծ նոր շոգենաւ «Իմէրէթին» սկսեց շարժուիլ Բաթումի նաւահանգըստից և ընթանալ զէպի Թիւրքիա՝ անցնելով նախ արգաւանդ Անատոլիայի սիրուն ծովափերի մօտով:

Թէ ինչու Ֆրանսիական այս շոգենաւական ընկերութիւնը «հայկական» մակդիր ևս է կրում՝ պատճառն այն է որ ընկերութեան բաժնետէրերի մէջ սկզբում մասնակից են եղել (գու-

ցէ այժմս էլ են՝ Մարտէյցի հայ վաճառականներ ևս իրանց «Armenie» (Հայաստան) և այլ անուն կրող ու մինչև մեր երկրի կողմերը երթեկող շոգենաւներով:

Նս ցանկութիւն չունիմ նորից գծագրել այստեղ Անատոլիայի բնութեամբ հարուստ այն նկարչական՝ հեռուից միշտ գեղատեսիլ, իսկ մօտից սոսկալի տնցքեր յիշեցնող արիւնլուայ եզրերը իրանց հայաբնակ քաղաքներով, որոնց նկարագրութեանը տասնեակ տարիներ առաջ ուղևորական նամակներ եւ նուիրել արդէն «Արձագանքի» այսօր այլ ևս դժբախտաբար չը հնչող էջերում...

Միւս օրը առաւօտեան ժամը հինգն էր որ մեր շոգենաւը հասաւ Տրապիզոն և խարիսխ ձգեց սորա այն ընդարձակ ծովածոցում, որ փոխանակ ապահով նաւահանգիստ դառնալով՝ դարևոր ժամանակներից ի վեր Անատոլիայի ծովեզրեայ միւս մեծ ու փոքր քաղաքների պէս, նոյն անշէն ու անփոփոփ ծովածոցն է մնացել տիրող բռնակալ տէրութեան ձեռքում:

Բազմաթիւ չէին մեզ տանող շոգենաւի ճանապարհորդները Բաթումից: Սակայն մինչև Կ. Պօլիս ժամանելը հետզհետէ աւելանալով թէ յիշեալ ծովեզրեայ քաղաքներից և թէ Փոքր Ասիայի ու Հայաստանի կողմերից՝ յիսուն հոգուց էլ անցաւ ուղևոր-անցորդներիս թիւը, բացի նաւի գրեթէ նոյնքան ծառայողներից: Էլ չեմ խօսում մինչև Դարդանէլ ամեն տեղից վերցրած և «Իմէրէթի» վրայ բեռնած մեծաքանակ ապրանքների մասին, որ բաւական խորը նստեցրել էին շոգենաւը ծովի ջրերում:

Արտահանուող ապրանքների մէջ հետաքրքիր էր տեսնել մանաւանդ ստուար քանակութեամբ պաշարեղէններ՝ ինչպէս իւղ, հաւկիթներ, կենդանի հաւեր և այլն. ամենն էլ մի առանձին խնամքով յարմարեցրած արկղների սւ վանդակների մէջ այնպէս դասաւորուած, որ կարելի լինէր տեղ հասցնել անփուտ ու անվնաս:

—Ո՞րքան հաւկիթ ունինք ուրեմն մեր շոգենաւում, հարցրեց Փրանսիացի զուարթամիտ նաւապետը իւր օդնականին մեր ներկայութեամբ, երբ սա հաշիւ էր տալիս ընդունուած ապրանքների մասին:

—Աւելի քան միմի լիօն...

—Ա՛յ թէ ձուածեղ կը դառնայ հա...

—Դէհ, ուրեմն աշխատենք լաւ վարել նաւը, վրայ բերեց օգնականը ժպտալով՝ որ այդպիսի մի մեծ ձուածեղ չը դառնանք իրգուր:

—Ի՞նչպէս թէ իզուր, աւելացրեց նաւապետը: Կարծում էք որ ուտողներ քիչ կը գտնուին այդ ձեր մեծ ձուածեզի համար այս երկրում, որ վառիկների պէս մորթում, տապակում են մարդկանց...

Անկարելի է երեւակայել թէ ինչ տւարդի խստութիւններ է գործ դնում թուրք ոստիկանութիւնը դէպի ամեն մի ճանապարհորդ առհասարակ և դէպի ամեն մի հայ մարդ մասնաւորապէս, որ երկրից էլ լինէր սա: Զինուորական պաշարման գրութիւնը տարիներ շարունակ անխնայ իշխում է ահա ամբողջ Թիւրքիայում:—Մեր ուղեկիցներից մէկո՞րն իկ Տրապիզոնցի ու հետեւեալ տաճկահայտակ հայ, որ իւր ընտանիքով Թիֆլիսից Ֆրանսիա էր ուղևորւում բժշկուելու՝ կանոնաւոր անցաթղթերն ու վկայականներ ձեռքին ունենալով, անկարող եղաւ գնալ, այցելել իւր ազգականներին իւր ծննդավայր քաղաքում և անմիջապէս —թեկուզ ոստիկանի հսկողութիւմը դալ, վերադառնալ շոգենաւ: Նոյն վիճակն ունեցան Տրապիզոն այցելելու նկատմամբ և մեր միւս ճանապարհորդները, որոնցից հազիւ մի երկուսը միայն ցանկացան իջնել շոգենաւից և մակոյկով նաեւ մինչև ծովեզրը՝ քաղաքի ներսը տեսնելու համար:

—Օլմագ, եսաք դըր, (անկարելի է, արգելուած է), կրկնում էր խռպոտ ձայնով մահիկի կարմիր դրօշակիր մակոյկից ճպուաչեայ ոստիկանը, որ ծովածոցի դեռ առաջին ջրագծի հսկողն էր և որ այնուամենայնիւ չէր մերժիլ անշուշտ մի կլոր բախշիչ ընդունելու:

—Տասը ուրբուց էլ աւելի կընստի ձեզ Տրապիզոնի միջում զրօսնելը, ասում էր նաւապետը մի սիրունատես ու մսալից այրի երիտասարդ ուս ուղևորուհուն, որ մոխրագոյն կեղծաչեայ կլոր դէմքին վայելուչ գլխարկը գլխին՝ ժապաւէնադարդ թուխ սեւագոյն դէիրա հագած, ելաւ Բաթումից շոգենաւ նըստեց մենակ՝ դէպի Ֆրանսիա և այլուր գնալու: Ո՞ր մէկին բախշիչներ պիտի տաք: Եւ արժէ՞ միթէ միշտ նոյն բոսոտ շներով լիքը այն կեղտոտ փողոցներով անցնիլ ու մանգալ: Վերջապէս ի՞նչ պիտի տեսնէք այնտեղ, բացի ամեն տեսակ աղտոտութիւնն ու խեղճութիւնը: Ահա ձեզ մի լաւ դիտակ, աւելացրեց նա, վեր գնացէք բարձր տախտակամածի վրայ և նայեցէք այնտեղից երբեմն Պոնտոսի մայրաքաղաք սպիտակագոյն ամֆիթէատրոնին, որ հեռուից Թիւրքիայի ծովեզրեայ գրեթէ բոլոր քաղաքների նման իւր արևելեան խառնաճաշակ նկարչական շէնքերով ու սրածայր մինարէթներով ասես բարեկարգ մի

բնակատեղի է երևում նայողի աչքին, մինչդեռ կատարեալ մի մտապատրանք է այդ:

Թուրք ոստիկանութիւնը՝ համաձայն բոլոր Եւրոպական տէրութեանց միջև եղած Տաճկաստանի համար պարտադիր դաշնագրի, իրաւունք չունի որ և է օտար պետութեան նաւ մտցնելու առանց նորա նաւապետի հրամանի. մի հրաման, որ բացի թրքամոլ Գերմանացի և մասամբ Աւստրիացի նաւապետներէց համարեա թէ ոչ ոք չէ գործ դրել մինչև այսօր դաւաճանօրէն: Իսկ Ֆրանսիացի ու անգլիացի նաւապետների մասին խօսք անգամ չէ կարող լինել: Ընդհակառակը՝ սրանք էին և են դարձեալ, որ թուրք ոստիկանութեան անիրաւ հալածանքներէց շատ անգամ ազատել, փրկել են իրանց ապաւինող ամեն ազգի մեծ ու փոքր, կամաւոր ու ակամայ փախստականներին: Ամեն մի օտար պետութեան նաւ թուրքաց ջրերում՝ նոյնն է թէ նոյն օտար պետութեան երկիր, ուր ոչ մի օտարազգի ոստիկան առանց տեղական իշխանութեան թոյլտուութեան չէ կարող մտնել:

Մեր նաւապետի հրամանով նաւ ելնել կարողացան միայն զանազան մրգավաճառ, մանրավաճառ մարդիկ, որոնցից մէկը Տրապիզոնի այլ և այլ տեսարանների նկարներով բաց-նամակների տոսսեր էր ծախում, որ և ուղևորներից ոմանք և մանաւանդ վերոյիշեալ ոռոտւհին իսկոյն ձեռք բերին:

Այս ոռոտ տիկինը, որին ահա երկրորդ անգամ եմ յիշում այստեղ՝ իւր չափազանց սակաւախօս ու ասես գաղտնապահ վարմունքով, շատ էր սիրում առանձնանալ շոգենաւի դահլիճի մի անկիւնում և շարունակ ինչ որ գրել իւր համար՝ աշխատելով հեռու պահել, թագցնել այն իւր հետ եղող առաջին կարգի բոլոր սակաւաթիւ ուղևորներից, որով և աւելի ևս գրգռում էր սրանց հետաքրքրութիւնը: Երբեմն էլ մի ինչ որ կարմրակազմ գրքոյկ այն ձևով էր բռնում ձեռքին որ ոչ ոք չը տեսնէ թէ ինչ էր տպած կամ գրած մէջը: Խիստ հակակոչերական և կծու ազատախօս մեր նաւապետը, որ սակայն ամեն մի վայրկենին Աստուծոյ անունն էր տալիս՝ «Au nom de Dieu!» բացականչութեամբ, իւր խոսնուփնդոր ու աւելի նիւթապաշտ փիլիսոփայութեամբ կարծելով թէ այրի տիկինը մի աղօթագիրք ունի ձեռքին և գուցէ ապաշխարելով ուզում է «կոյս» դառնալ՝ հարցնում էր իրան արդէն մտերմացած ճանապարհորդներին, թէ արդեօք ո՞վ և ի՞նչ է այդ խորհրդաւոր (mystérieuse) կինը:

— Դուք ամենից աւելի լաւ պիտի գիտենաք՝ պարզապէս և իրաւամբ պատասխանում էին նորան, դուք էք այստեղի տանտէրը...

Վերջապէս բաւականին երկար նաւելուց յետոյ՝ հետաքրքիրներն իմացան որ իրան այրի անուանող յիշեալ ուշագրաւ «միստերիօզ» տիկինը իբր թէ թղթակից է մի պարբերական հրատարակութեան և Ամերիկա է գնում Սէն-Լուի համաշխարհային ցուցահանդէսը այցելելու։ Թէ որչափ ստոյգ էր այս զրոյցը՝ ոչ ոքին հարկաւոր չէր անշուշտ ճշտելու. միայն Մարսէյլ հասնելուն պէս՝ մի այնպիսի անակնկալ և գրեթէ ժպտուն կերպով մի վայրկենի մէջ անյայտացել էր այս «խորհրդաւոր անձնուհին», որ մեր շոգենաւի աւելի քան տասնօրեայ նորան արդէն «մտերմացած» ուղեկցուհիները հիասթափուած՝ յուսահատութեամբ կարծեցին թէ ծովասոյգ է եղած նա Նեպտունի ժառանգների զովացուցիչ գիրկը ընկնելու...

Աւելորդ է ասել որ իւրաքանչիւր ծովագրեալ քաղաքի առջև, ուր խարխիւ ձգելով կանգ էինք առնում՝ Պակէի ընկերութեան նոյնտեղի գործակալը իւրայիններով անմիջապէս նաւ էր բարձրանում հաշիւ ու համար տալու նաւապետին իրանց գործակալութեան վերաբերեալ։ Մենք էլ մեզ հետաքրքրող զանազան բաների, այլ և այլ իրողութիւնների մասին հարց ու փորձ անելով՝ ի թիւս այլոց իմացանք որ Տրապիգոնի մեր առաջնորդական ընդարձակ թեմը թափուր մնալով՝ սպասում էին որ մի նոր ընտրեալ առաջնորդ հաստատուի կայսերական իրադէտով։ Եւ այս հաստատութիւնը իրօք տեղի ունեցաւ անցեալ դեկտեմբերին տաճկահայոց յայանի եպիսկոպոսներից մէկը այն է Արսլանեան սրբազանի նշանակուելով, որ և տարոյս յունուարի սկզբին մուտ գործեց Տրապիգոն ազգապետ—թեմակալին արժանաւոր ընդունելութեամբ։

Սամսոնից մինչեւ Խնէպոլի ուղեկից եղաւ մեզ մի պատուական նորաստի երիտասարդ Մկրտիչ Հէքիմեան ազգանունով, որ տկարութեան պատճառով ուսման ասպարիզից վերադարձած լինելով իւր ծննդավայր քաղաքը՝ շոգենաւական ընկերութեան գործակալ իւր հօր օգնականի ժամանակաւոր պաշտօնն էր կատարում հարաւային կազդուրիչ արևի տակ։ Այս գեղեցկադէմ երիտասարդ պարոնը, որի վառվռուն աչքերում ընկերասէր ու աշխոյժ մի բնաւորութիւն էր կարծես ցայտում, անմիջապէս ծանօթանալով մեզ ամենիս հետ՝ այնպիսի մի զուարթութիւն մտցրեց մեր նաւոյ ընկերութեան մէջ, որ անկարելի էր չը նշարել նորա տաղանդաւոր ընդունակութիւնը դէպի այն ամենը՝ ինչ որ գեղեցիկ է, լաւ։—Շոգենաւի դաշնակը (piano), որ մինչև այն օրը փակ ու խուլ էր մնացած, նորա շնորհիւ սկսեց ձայն հանել և նուագել զանազան համառօտ հատուածներ,

Թէև հարկաւ ոչ երաժշտական արուեստի ճշտութեամբ, էլ զանազան լեզուով ոտանաւորներ արտասանել ասես, էլ մեներգ և խմբովին երգեցողութիւն նուագարանի ներդաշնակութեամբ իւր կրտսեր եղբօր և այլոց հետ ասես չը մնաց որ չը լսուէր առաւելապէս երեկոյեան ժամերին էլէքտրալոյս շոգենաւի դահլիճում: Որ մեր հայրենակից տաճկահայտակ գաւառացիներից մասնաւորապէս ծովեզրեայ բնակիչները մեր կողմի դաւառացի ազգայիններից համեմատաբար աւելի քաղաքավար, ընկերասէր և աւելի ընդունակ են արուեստի, գեղարուեստի, ուսման եայլն՝ այս բանը հայկական կեանքում վաղուց արդէն նկատուած մի երեւոյթ է, որի բազմաթիւ ապացոյցների թուինք մի թիւ էլ կարող էր աւելացնել մեր շոգենաւի սակաւաժամեայ այս սիրալիլ հիւրը, սակաւաժամեայ՝ վասնզի երկու օր միայն նսւելով մեզ հետ՝ ստիպուած էր նա Խնէպօլի իջնելու իւր հետ տանելով առանձին հաճութեամբ իրան նուիրած գրքովներս որպէս նշան մեր անկեղծ ծանօթութեան: Շոգենաւի երկրորդ և երրորդ կարգի ճանապարհորդների մէջ կային նոյնպէս մի քանի տաճկահայանձինք, որոնք ժամանակով ինքնատարազիր, եթէ չ'ասեմ փախստական եղած այլ և այլ կողմեր, գալիս էին մեզ հետ հոգու չափ տենչալով վերադառնալ և մտնել Կ. Պօլիս: Սակայն ուղղափառ մարգարէի այժմեան յաջորդի անգութ ոստիկանութիւնը իւր ամեն կարգի ու տեսակի լրտեսներով այնպէս էր վխտում իրանց մայրաքաղաքի թէ քաւաշէն ծովափանց վրայ և թէ նորեկ շոգենաւի շուրջը, որ յիշեալ ուղևորները տախտակամածից անգամ նշանացի խօսել ևս չէին կարողանում իրանց հարազատների հետ, որպէս զի սրանց էլ, որ դիմացի ծովափանց վրայ վտարանդի այս ու այն կողմն էին շրջում, վտանգի մէջ զննէ: Ուստի և մեր ուղեկիցները շարունակում էին մեզ հետ իրանց ճանապարհը մինչև ուր որ կարող էին հասնել և շոգենաւից իջնելով, մի ապահով ու ազատ տեղ գտնել:

Անկասկած շատ աւելի սարսափելի վտանգների մէջ էին գտնուած եղել իրանց բնավայրում մինչև Մարսէյլ մեզ հետ նաւորներից մի երկու հայ ընտանիք՝ մօտ քսան հոգուց բաղկացած, որ հայոց ազգակործան ճակատադրին ենթարկուելով՝ Խարբերդից Կալիֆօրնիա էին գաղթում, կարծես աւետեաց երկիրը գնալու, ուր սրանց միամիտ կարծիքով երևի կաթն ու միդր են բղխում: Բայց ինչև է, եթէ ամեն բանից զրկուած տուն տեղից հալածուած անտէր ու անլեզու գաղթողի բոլոր անտանելի դժուարութիւններն էին կրում և դեռ պիտի կրէին Լումալ

սրանք և սրանց նման շատ ուրիշ հայեր, գոնէ իրանց լոկ կեանքն ազատելու մի միջոց էին գտել՝ այն է փախչել, հեռանալ հայրենիքից, որ բռնակալութեան ու բարբարոսութեան խեղդող ճանկերով չը զոհուին այնտեղ այլոց պէս հազարաւոր հայ անմեղ զոհերի արիւնով ներկած սեղանի վրայ...

Երեսուն տարուց աւելի կայ որ Սե Ծովով ու Միջերկրականով քանիցս անգամ անձամբ վերադառնում եմ, և ամեն անգամ դեռ միայն իմ տեսած ամեն մի շոգենաւում բազմաթիւ հայ գաղթողներ իմ պատահում, որոնք այս խարբերդցիների պէս իրանց կենսատու, սիրելի «վաթանը» թողած՝ քայքայուելով տարագիր են լինում և իրօք եղան դէպի օտար, այնպայտ կորստեան կողմերը: Երեւակայեցէք ուրեմն թէ որքան մեծ պիտի լինի իրանց հայրենիքից հեռացող այն քամբախտ գաղթողների թիւը, որոնց մասին ասես պարբերաբար լուր ենք առել միայն և տակաւին առնում, եթէ անձամբ չենք տեսնում... Եւ ահա հեռու չէ կարծեմ այն սոսկալի ժամանակը, երբ հայերի նկատմամբ թիւրքիայի ձեռք առած վայրենի ու բարբարոս քաղաքակաշնութեամբ և մեր կարճատես, յամառ ու քայքայիչ գործունէութեամբ բոլորովին կդատարկուին Հայաստանը ու Փոքր Ասիան իրանց բնիկ հայ ժողովրդից: Գնա՛լ ու յետոյ քո քարոզած ու փայփայած յիղափոխական ու ընկերավարական ազատութիւնը գործ դիր անտէր ու թշուառ հայ աւերակների ու գետնին հաւասար մերոնց գերիզմանների համար... Սակայն ինչ փոյթ, երևի կանես ինձ. համաշխարհացի քաղաքացիների համար միթէ մի և նոյնը չէ ովքեր էլ լինին ապագայում մեր հայրենիք՝ Հայաստանի բնակիչները, թէկուզ զուլումների երկրից եկած մարդակերպ արարածներ: Չէ՞ որ սրանք էլ իրաւունք ունին մասնակից լինելու «համաշխարհային կուլտուրականութեան»...

—Ապա ո՛վ է հիւանդ՝ գաղթողներին մօտենալով հարցրեց նաւապետը, որին իմաց տուին թէ երրորդ կարգի ճանապարհորդներից ոմանք հիւանդացել են ջերմով:

—Ահաւասիկ սրանք են, պատասխանեց տարիքով համաբեա մի պառաւ կին, որ կարծես գաղթողների առաջնորդուհին էր՝ ցոյց տալով երկու ջահել տղաներին, որոնք բռնուած էին սաստիկ տենդով: Ջահել տղաներ, որոնք իրանց հարազատների կարծիքով երևի յոյս ու ապաւէն պիտի դառնային իրանց ընտանիքների համար նոր հայրենիք «ոսկեբեր» Կալիֆօրնիայում...

Թէև Պակէի ընկերութիւնը նաւող բժիշկներ չունենալով իւր շոգենաւների վրայ՝ նաւահանգիստների վարձառու բժիշկներով, ինչպէս մեր մէջ ասում են, «եօլլա է գնում», այսինքն

քաւականանում է, բայց այնուամենայնիւ նաւապետները իրանց օգնականներով հանդերձ այնքան փորձուած մարդիկ են որ հարկաւոր դէպքում, գոնէ մինչև առաջին տեղ հասնելը, հեշտութեամբ կարողանում են սկզբնական օգնութիւնը հասցնել հիւանդին իրանց մօտ միշտ պահած դեղարանով: Այսպէս էլ արին յիշեալ ջերմոտ տղաներին:

Սրտանց ցաւակցելով և մի քանի անգամ այցելելով տախտակամածի վրանի տակ տեղաւորուած այս ողորմելի գաղթողներին թէ նաւապետի հետ և թէ մենակ՝ իրանց չարն ու բարին իմանալու, հայրենակից «բժիշկ մը» կարծեցին ինձ խեղճերը՝ ուրախութեամբ հարցնելով՝

— Հայ բժիշկ մըն էք, ագնիւ պարոն...

— Ո՛չ, սիրելիք, բժիշկ չեմ, որովհետեւ «ինքս ինձ դեռ չեմ բժշկել», բայց հիւանդին լաւ «բժշկողի» բարեկամ կարող եմ լինել...

— Աստուած կեանք տայ, վրայ բերեց գոհարտով վերոյիշեալ պառաւ առաջնորդունին, բարեկամութեամբ ալ աղէկ բժիշկ կըրնաք ըլլալ... Մինչև Մարսէլլա մեզ հետ կըլլաք անշուշտ, շարունակեց կինը. հոնտեղէն Հավր պիտի երթանք որ նաւ նստինք Ամերիկա ելնելու: Մեզմէ հոն մարդիկ կան, կը սպասին մեզ: Կերթանք, «ամա» չենք գիտեր հոն ինչպէս կըլլանք, կըսեն աղէկ է... Է՛հ փառք Աստուծոյ, հառաչեց պառաւը, կեանքերնիս գոնէ կըցանք ազատել...

Լոյս առաւօտ էր որ հասանք Պօլիս: Տաճկահպատակ հայ գաւառացիներէից մի երկու հոգի, որոնք իրանց անցագրերի հետ մայրաքաղաք մտնելու յատուկ յանձնարարականներ ևս ունէին թուրք վարչութեան կողմից՝ կարողացան ցամաք իջնել և գնալ իրենց գործերի, իսկ միւս տաճկահայ ուղևորները, որոնց մասին վերև էլ յիշեցի, մնացին շոգենաւի վրայ «մեխուած»... Օտարահպատակներից, մանաւանդ կանայք, իրանց անցագրների վրայ թուրք հիւպատոսարանի տեսագիր (visa) անգամ չունենալով՝ կարողացան նոյնպէս իջնել և բախշիչներով անցնիլ չարամիտ ոստիկանութեան շղթայից, Ստամբուլում մի երկու ժամ կառքով զրօսնելու պայմանով միայն: Բայց ինչ վերաբերում էր մեր շոգենաւի մնացած հայ ճանապարհորդներին անխտիր՝ Տրապիզոնի թշուառ ոստիկանի կրկնած նոյն «օլմազ, ևասաք դըր» խօսքն էինք լսում, որ կոպիտ ասիացուն յատուկ անտարբեր յամառութեամբ կրկնում և երեքնում էր նաւամատուոյցի առջև կեցած փաղիշահի կարգապահը:

— Այսպէս չի լինիր, պարոն նաւապետ, մի կարգադրու-

թիւն արէք, ի սէր Աստուծոյ, դիմում էինք նորան ասելով՝ հինգ օր է ծովի վրայ ենք, կարելի է որ մենք էլ ենք ուզում մի փոքր ժամանակ ցամաք իջնել և...

— Ի՞նչ պիտի իջնէք, անէք այս անիծուած երկրում, պատասխանում էր նա արդար բարկութեամբ իրաւամբ վրդոված այնպիսի անասելի դրութեան վրայ: Հօ տեսնում էք ինչ բարբարոս վիճակ է տիրում այնտեղ: Մի քանի ժամից յետոյ մեր ճանապարհը շարունակելու ենք: Խնդրեմ մի գնաք ներքև. չէ որ հայեր էք: Նայեցէք ամեն կողմը թէ ինչ գրգռիչ լրտեսներ են վխտում ծովափանց վրայ, ժանաւանդ հայերին հակելու: Ձեռաց մի շինձու յանցանք կը փաթաթեն վզներիդ ու գնա յետոյ... Թէ ո՞ր և ո՞ր ոստիկանատուն կը տանեն սատանան գիտէ: Արի ու տես հիմայ որ իմ բոլոր գործը պիտի թողնեմ և ձեր ետեւ գամ որ ազատեմ իհարկէ. և այն էլ երբ և թի՛նչ պէս, ով գիտէ: Գուցէ և հիւպատոսների միջամտութիւնն էլ հարկաւորուի, որովհետե՛ չէ՞ որ չեմ կարող թոյլ տալ որ շոգենաւիս վրայ եղած որևէ մէկին ձեռնամուխ լինին, բանտարկեն. իսկ մենք շուտով պիտի մեկնինք: Շոգենաւը իւր նշանակած ժամից աւելի սպասել չէ կարող: Նաւի վրայ մնալով՝ նոյնն է թէ ազատ Ֆրանսիայումն էք դուք: Ամեն բան ունինք այստեղ, շարունակում էր նաւապետը իւր համոզիչ մենախօսութիւնը. և վերջապէս ինչ որ կուզէ՛ք՝ կարող էք այն էլ բերել տալ, գնել և այլն: Ձեզ հօ արգէն ծանօթ է Կ. Պօլիսը, եղել էք, բնակուել էք միջուկ: Արժէ միթէ՞ հիմայ մի ժամ զրօսնելու համար այն կեղտոտ ու միշտ քոսոտ շներով լիքը փողոցներում դժոխային արկածներին ենթարկել իւր անձը: Այս քամբախտ երկրի ընդհանուր շրջանկարը շոգենաւից աւելի լաւ է երևում: Բայց եթէ անհրաժեշտ գործ կամ ասելիք ունիք քաղաքում եղած մէկին կամ միւսին՝ խնդրեմ նամակ գրեցէք: Ապահով եղէք որ ես տեղ կը հասցնել տամ անխափան...

Նայն միջոցին ներքևում՝ ծովափանց վրայ անկարգ անց ու դարձ էր անում արևելեան խայտաբղետ ամբոխը, որի միջից զանազան մանրավաճառներ և ժանաւանդ լրագրածախներ ղէպի մեղ վեր նայելով՝ բարձր ու երկար քթասաց ձայնով աղաղակում էին Կ. Պօլսի բազմալեզու թրքամիտ օրագրների վերնագիրները:

— Ահաասիկ և տեղական լրագիրներ, աւելացրեց նաւապետը, առէք, կարդացէք. տաճկական «ազատամիտ» գրաբնիկ բովով անցած և նորա ձեռքով համեմատ նորութիւններ կիմա-

Նաք, որ թէև բովանդակութեամբ լիմար ու անմիտ գրուածներ կարող են մեզ երևալ, բայց հաւատացնում եմ իրանց բնորոշ յատկութեամբ շատ հետաքրքիր են օտարականի համար... Միայն ի սէր Աստուծոյ մի գնաք ներքև:

Անկասկած իրաւունք ունէր նաւապետը մեզ զգուշացնելու. որովհետև նորա յիշած անիրաւ գէպերի նման եթէ մեզ էլ մի բան պատահէր՝ առաջինը չէր լինիլ հարկաւ նորա համար: Սակայն այնուամենայնիւ մեզանից գոնէ մէկին և յատկապէս ինձ, այո՛, անհրաժեշտ էր մի կարևոր գործի համար ցամաք իջնել, որ և պատահածը կարողացայ ես յաջողցնել շոգեհաւ վերելած մի տեղացի հեղինակաւոր ծանօթ անձի միջնորդութեամբ:

Գնացի ներքև... Նաւամատոյցի պահապան ոստիկանը անցադրիս թերթիկները շուր ու մուր տալուց յետոյ՝ հրամայեց իւր մօտ կեցածներէ մէկին—երևի լրտեսութեան ստորին գործակալ—«լրտեսիկին», առաջնորդել ինձ անցադրովս գէպի «սալօն», որ թարգմանի տախտակաշէն մի երկարաձև կեղտոտ սրահ, ուր շարուած թէ նստոտած և թէ ոտքի վրայ կեցած էին անցագիրներ ստուգող և իրանց ստորագրութեամբ ու կնքով վաւերացնող թուրք ոստիկանութեան միշտ չարագուշակ լուերը:

—Ձերն է այս անցաթուղթը, հարցնում է ինձ սրանցից առաջինը:

—Այո՛...

—Ո՞վ էք դուք, Ռուսաստանցի է՞ք:

—Այո՛, տեսնում էք անցագիրս ոռւսական է:

—Ուրեմն Ռուսաստանցի հայ էք...

—Այո՛, հէնց այդպէս:

—Ինչո՞ւ էք իջնում Պօլիս և ռըբան պիտի մնաք...

—Ուզում եմ մի կառք նստել և փոքր ինչ անցնել զբօսնել (!) ձեր «Ստամբուլում»...

—Հը՛մ, շատ լաւ. ուրեմն շուտով պիտի վերադառնաք շոգեհաւ ձեր ճանապարհը շարունակելու, գոհ ձայնով համաքիս բացատրեց իրան իմ գիտաւորութիւնը այս առաջին ինկվիզիտօրը՝ անցագիրս յանձնելով իւր կողքին նստած երկրորդ պաշտօնեային: Սա էլ մի ինչ որ մատենանի մէջ արձանագրելով նշանակում էր առաջինի հարցուփորձը, կարծես բաւական չը համարեց այն և ինքն էլ սկսեց դարձեալ հարցեր առաջարկել:

—Քանի՞ տարեկան էք:

— Գրեցէք որքան կամենաք...

— Ի՞նչով էք պարապում, ինչ գործի էք:

— Ոչինչ չեմ շինում այժմ, ճանապարհորդ եմ...

— Ի՞նչպէս թէ ոչինչ, այժմեանի համար չեմ ասում, այլ առհասարակ:

— Առհասարակ ճանապարհորդում եմ...

Թշուառականը, որ յառած նայում էր վրաս՝ ասես կամենալով հոգոյս ներսը թափանցել ամեն բան իմանալու, զարմանալի է թէ ի՞նչու իրան խիստ խորթ թուաց, երբ ասացի թէ «ոչինչ չեմ շինում», քանի որ կատարեալ պարապ ու միանգամայն յարածծող վամպիրներով լցուած է իրանց անօրէն փաղիշահի բռնաբար տիրած աշխարհը: Վերջապէս տեսնելով որ համբերութիւնս հատնում է և ես արդէն իմ զգուանքս եմ ուզում արտայայտել և... իսկոյն մի ինչ որ նշանակեց նա անցագրիս վրայ և տուեց մի երրորդ ինկվիտօրին: Սա էլ իւր հերթին իրանց քաւարանի կնիքը դնելով վրան, ասաց ինձ՝

— Ձեր անցագիրը այստեղ կը մնայ. համեցէք, գնացէք ուր որ կամենաք՝ ման եկէք քաղաքումս. յետոյ կը գաք. դարձեալ այստեղ և ձեր անցագիրը յետ ստանալով՝ կարող էք շոգենաւ մտնել... Այս ասելով աչքով արեց մինչև «Սալօն» ինձ առաջնորդող թէ «լրտեսիկին» և թէ մի ուրիշին՝ անշուշտ՝ աւելի վստահ մի լրտեսին և ես դուրս գնացի աղտոտ «սալօնի» իրանց ցոյց տուած հակառակ դռնով մի փողոց: «Լրտեսիկը» ինձնից չէր հեռանում: Գլուխը կախ ձգած երբեմն առաջս էր կտրում, երբեմն էլ կամաց ետևիցս գալիս: Անցնելով Ղալաթիա թաղի իմ գիտցած փողոցներով՝ նախ ուզեցի մտնել այս առևտրական թաղի մէջ գտնող մեր Լուսաւորիչ նշանաւոր եկեղեցին՝ հասցէներ և այլն իմանալու: Դուրս գալով այն տեղից, դրանը տեսայ որ «լրտեսիկը» սպասելով ինձ այնտեղ խօսում է վերոյիշեալ այն «մի ուրիշի» հետ, որ նոյնպէս գայլաբարձ հետեւ էր ինձ «սալօնից»: Կանչեցի մի ծածկած կառք և նստելուս պէս՝ տեսնում եմ որ կառապանի կողքին առանց այլևայլութեան ինքն իրան բազմում է «լրտեսիկը»... Բայց արի տես որ ինձ հսկելն ու հետեւելը չը վերջացաւ այս «լրտեսիկով», որ դէպ ու անդէպ, չը գիտեմ ինչու, յետ էր նայում իւր նստած տեղից: Հետաքրքրութեամբ ես էլ մէկ յետեմ նայում և նկատում եմ որ այն «մի ուրիշը» հիմայ արդէն ձի հեծած հետեւում է կառքիս... Տէր ողորմեա, ա՛յ քեզ «հսկումն», բայց «ոչ ի գիշերի»... Վերջապէս հասայ ուր որ

պիտի գնայի և երկու ժամի չափ համարեա մնացի այնտեղ... «Լրտեսիկը» և այն հեծեալ թշուառականը այս բոլոր ժամանակ ասես կրօնական համբերութեամբ սպասել են ինձ մօտակայ մի փողոցում, մինչև որ այցելած տան դռնից դուրս գամ, և նոյն ձևով ու նոյն իմ վարձած կառքով, նոյն առօր փառօր հսկողութեամբ կարծես մի բանտարկեալ «փաշա» կամ «էֆէնդի» գամ, վերադառնամ այն գարշելի «սալօնը»: Այստեղից անմիջապէս շոգենաւ վերելայ որ փոքր ինչ ազատ շունչ քաշեմ զգուելի ու մարդակուլ «Ստամբուլի» խեղդիչ մթնոլորտի մէջ մի ժամ տանջուելուց յետոյ...

Երեկոյեան ժամի վեցն էր որ մեր «Իմէրէթին» թողեց, հեռացաւ գեղատեսիլ Բոսֆօրի բնութեամբ հարուստ, հրաշալի, իսկ անսահման բռնակալութեամբ սոսկալի դարձած եզրերը և սկսեց ընթանալ դէպի Մարմարայի, Արշիպելագոսի և ապա Միջերկրականի կապտագոյն յուսատու ծովերը:

Կ. Պօլսից մեր շոգենաւ նստող մի տասնեակ նոր ուղևորներէց մեր հետաքրքրութիւնը շարժող մի քանի հոգի գտնուեցան, որոնցից ոմանք Ֆրանսիա էին գալիս և ոմանք էլ Անգլիա գնում: Սրանցից մէկը մի կրթուած Լեանտացի՝ Անգլիայի հպատակ, որ շատ լաւ ճանաչում էր «կարմիր» Սուլթանի և սորա տմարդի կառավարութեան հոգեբանութիւնը՝ ի թիւս այլ միջոցների հետեւալ քաղաքական դեղատոմս էր առաջարկում բարբարոս լծի տակ հեծող ու անգթաբար զոհուող ժողովուրդների համար: Ես համոզուած եմ, ասում էր նա, որ եթէ այդ հալածուած ազգերի զանազան էգործիչների ձեռքով Եւրոպայում և այլուր լոյս տեսնող պարբերական և այլ տեսակ հրատարակութիւններից զատ՝ քաղաքակիրթ աշխարհի մայրաքաղաքների ամեն մի մեծ թերթերում, այո՛, անպատճառ մեծ, յայտնի, ազդեցիկ թերթում, ամեն շաբաթ կամ իւրաքանչիւր ամիս, պարբերաբար և անընդհատ մի մի յօդուած երևայ թիւրքիայի դէմ՝ չէք կարող երևակայել թէ որ աստիճանի կը նպաստէ ճնշուած ժողովուրդների արդար դատին: Այո՛, Փաղիշահին և իւր հլու, գերի կառավարութեանը ոչինչ բան այնչափ չէ ազդում, որչափ արտասահմանի մեծ լրագրների պարբերաբար իրանց դէմ ուղղած գրութիւններ... Եւ այս բանը իրագործելու համար ես գոնէ այսպէս կը վարուէի, շարունակում էր բացատրել իւր միտքը Լեանտացին:—Ազատ մայրաքաղաքներից մէկի մէջ առ այժմ ունենալով խմբագրական մի փոքրիկ գրասենեակ (բիւռօ),՝ կաշխատէի լուրջ ու հիմնական յօդուածներ պատրաստել, այո՛, պատրաստել, գրել և գրել տալ թէ մերոնց և թէ այլոց իմ առաջադրած պաշտ-

պահած դատին վերաբերեալ այնպէս և այն ձևով, ինչպէս որ հարկաւոր է: Եւ այս պատրաստի յօդուածներով կը ներկայանայի այս կամ այն մեծ լրագրի խմբագրապետին՝ առաջարկելով որ տպէ այն իւր թերթում... վճարով ի հարկէ: Եւ հաւատացէք որ այս խմբագրապետներից ոչ ոք չէր մերժիլ այդ տեսակ մի առաջարկ, ինչպէս որ չեն մերժում նրանք մեծ յայտարարութիւններ, ընդարձակ ծոռուցումներ և կամ «ռէկլամներ» տպելը: Մի կարծէք թէ միևնոյն բանը չէ այս ժամանակակից մամուլի համար: Դրամ պէտք է... Պէտք է միայն «վճարել», ասում եմ, և անպատճառ կը տպեն նրանք. ես այս բանը փորձով գիտեմ: Աւելացրէք որ մեր պաշտպանած դատը մարդկային արդարացի ճշմարտութեանն է վերաբերում՝ մի գործ, որ ներկայումս արդէն բաւականին կողմնակիցներ կարողանում է գտնել քաղաքակրթութեան աշխարհի մեծ մամուլի մէջ անգամ. մեծ մամուլ, որ «ոչ միայն սեպհական հացիւ կայ, այլ և ամենայն յօժարատու զրամական բանիւ»...

Թէպէտ պարոն Լեւնտացու այսպիսի մի առաջարկութեան մասին այլ և այլ առարկութիւններ եղան իրան ունենդիր ուղեորների կողմից, սակայն մեզանից ոչ ոք հիմնովին չը հակառակեց նորան համանման մի գործունէութեան օգտուէտ ու նպատակայարմար լինելուն, որովհետեւ յայտնի է թէ հայերս այդ տեսակ գործակալութիւն հաստատելու և Լեւնտացու ասածի համեմատ գործել տալու փորձ չենք արել երբէք: Թէև յիշեալ մեծ լրագրներում հայերիս մասին երբեմն երբեմն երևացել և կամ այժմ էլ մասամբ երևում են պատահական զրուածներ և այլն, որ իհարկէ միևնոյնը չէ:

Թիւրքիայի մայրաքաղաքից մեր նաւ մտած նորեկ ուղեոր հիւրերից կարող ենք յիշել՝ նոյնպէս մի պատուական հոյ կաթոյիկ ընտանիք՝ տիկին և պարոն Անտուան Հէքիմեան, որ «Ռէփի» անուանեալ պետական ծխախոտի միւնսվաճառ ընկերութեան բոլոր վերատեսուչներից միակ հայն է նոյն պաշտօնով Մէտիլին կղզու վրայ: Այս այն կղզին է, որ վերջերս մի տեսակ ռազմավարական կամ աւելի ճիշտն ասել՝ «զրամավարական» նպատակ է դառել իւր հարուստ մաքսատնով երոպական «միացեալ» անուանած և «եյլանչի փահլէվանի» դեր կատարող նաւատորմիղի համար Թիւրքիայի դէմ ցոյց անելու դէպքում... — Կային դարձեալ պօլսեցի այլ հայեր ևս՝ վաճառականներ և այլն և անգլիախօս մի համակրելի հալ վարժուհի՝ օրիորդ Նուարդ Եօլճեան ազգանունով, որ ուսման և մանկավարժութեան մէջ կատարելագործուելու նպատակով Լօնդօն էր ուղևորուած: Աւելորդ է ասել որ այս բոլորեցունց հետ ևս եր-

կար խօսակցութիւն ունեցանք՝ մեր չարն ու բարին միմեանց հաղորդելով, որի մի առ մի յիշելը այստեղ շատ հեռու կը տանէր մեզ:

Այսպէս Բաթումից սկսած համարեա տասներկու օր նաւելուց յետոյ հասանք Մարսէլ: Սորա մեծաշէն ու յայնարձակ նաւահանգստի վրայ մեք շոգենաւին սպասող ծառայողները Ֆրանսիայի մաքսատան ոչ թէ ճանապարհորդներին անցագրերն և ով ինչ լինելն էին հարցնում, այլ թէ մաքսին ենթարկելու ինչ բան կարող էինք ունենալ մեր ուղեգոյքի (bagage) մէջ իրանց յայտնելու, օրինակ ծխախոտ, լուցի և այլն, որ Ֆրանսիայում պետական մենավաճառին են պատկանում:

— Ոչինչ չունինք յայտնելու, պատասխանում էին մեզանից շատերը, ուղում էք՝ բաց կաններ, տեսէք:

— Լաւ ուրեմն, անցէք, տարէք, ասում էր մաքսաւորը սպիտակ կաւճով խազ դնելով ուղեգոյքի վրայ:

Դժբախտաբար անկարող եղայ այս անգամ մի բանի օր մնալ համաշխարհային վաճառաշահ այս մեծ նաւահանգիստ քաղաքում, որպէս զի տեղոյն հայ փոքրաթիւ գաղութի ալժմեան վիճակի մասին կարեւոր լուրեր առնէի ձեզ հաղորդելու. այնպէս որ հազիւ թէ առիթ ունեցայ տեսնուելու և ծանօթանալու Մարսէլաբնակ մի երկու հայ պարոնների հետ: Սրանցից կարող եմ յիշել պ. Սրապեանին, որ էրզրումի իրանց առևտրական տան ներկայացուցիչ է հաստատուած այնտեղ իւր պատուական հայ ընտանիքով: Այս պարոնի մօտ կայ հին հռոմայեցւոց մի շատ հետաքրքիր արձան, որ մասնագէտ հնաբանների ասելով՝ ներկայացնում է հռոմէական մի կայսրուհի և շինուած պիտի լինի մօտաւորապէս 79 թուականին ք. յ.: Արձանը, որ գեղեցիկ ճերմակ մարմարիոնից քանդակած իսկապէս մի անդրի է 80 սանտ. երկարութեամբ և 150 կիլօ ծանրութեամբ՝ գտնուած է մի քանի տարի առաջ հիւսիսային Աֆրիկայի Տրիպօլիի Leptus Magnus — Մեծ Լեպտոսի — նախնի քաղաքի աւերակների մէջ, ուր ներկայումս... արաբական մի տաւան կայ Հոմս կոչումով:

Հռոմէական գրեթէ երկհազարամեայ այս հնութեան ալժմեան տէրը, որ Կ. Պօլսից մինչև Մարսէլ մեզ հետ էր ճանապարհորդում, լսած լինելով երոպացի մի երկու հնախօսի նըպաստաւոր բերանացի կարծիքը՝ իւր սեպհականութեան մասին, զուր տեղը շատ թանգ գնով վաճառի էր հանել այն. այնպէս որ Փարիզի Լուվրի հարուստ թանգարանի վերատեսչին էլ բաւականին բարձր թուաց պահանջած 10,000 ֆրանկ գումարը: Ուրեմն մնում է որ արձանի իսկական արժէքը հնագէտ մի

յանձնախմբով որոշուի վերջնական կերպով, և եթէ նորա այժմեան հայ սեպհականատէրը չէ ցանկանում նուիրել այն իւր ազգային մի հաստատուն հիմնարկութեան, թող ուրեմն այդ հնութիւնը տարուի և դրուի մի յայտնի թանգարանի դարանում, որպէս զի հնախօսական պատմութեան նիւթ դառնայ ընդհանրութեան համար...

Մարտէյից դէպի Փարիզ երկաթուղու մեզ տանող արագնթաց գնացքը հազիւ թէ շարժուել էր Լիօնի կայարանից, որ մեր վազոն նոր մտած և դիմացս նստած ազնուակերպ տեսքով մի օտարական պարոն թոյլութիւն խնդրեց ծխելու։ Նորա այս քաղաքավար՝ կրթուած մարդուն յատուկ առաջարկած խօսքը առիթ եղաւ որ մենք ծանօթանանք միմեանց հետ և մինչև Փարիզ հասնելը չահաւէտ մտքերի ու հետաքրքիր խօսակցութեան փոխանակութիւն ունենանք։ Այս պ. օտարականը ժորժ Դամբման անունով, որ ամերիկական քաղաքացի է և Ֆրանսիա է բնակուում հանքային և այլ վաճառաշահ գործերով զբաղուելով՝ օտար չէ եղած և ժամանակակից աշխարհագրական ու տնտեսագիտական գրականութեան ասպարիզից։ Սա իւր աշխատակից պ. Նօէլ Վէռնէ ֆրանսիացու հետ միասին յօրինել և 1900 հրատարակել են Լիօնում մի ընդարձակ դիրք մօտ 800 մեծադիր էջերից բաղկացած, որ և պսակուել է ֆրանսիական Ակադէմիայի և Փարիզի Առևտրական աշխարհադրական ընկերութեան արցանակներով։ Այս ստուար հատորի վերնագիրն է՝ «Les Puissances Etrangères dans le Levant» և այլն—օտար պետութիւնները Արևելքում—, որի մէկ օրինակը ինձ ընծայելու ցանկութիւն յայտնեց վերոյիշեալ իմ խօսակից պ. հեղինակը՝ խնդրելով ինձնից հաղորդել իրան Փարիզի իմ հասցէն։

Որպէս այս մեծ «մատենի» մասին, որ պատիւ ունեցայ ստանալու և որին արժէ առանձին մի մատենախօսական նուիրել, մանաւանդ որ հայերիս վերաբերմամբ ևս զանազան սխալ թէ ուղիղ տեղեկութիւններ է ամփոփում իւր մէջ, նոյնպէս և Փարիզի մեր ուշադրութիւնը գրաւող այլ բաների, եղելութեանց մասին գրի առնելիքս ներկայ ճանապարհորդական յիշողութիւնիցս չը վերջացրի տակաւին...

Առաւօտեան լուսասփիւռ արեւը պայծառ փայլում էր բարձր հորիզոնի վրայ, որ տասնուչորս օր ճանապարհ անցնելուց յետոյ՝ հասայ ևս վերջապէս Ֆրանսիայի մայրաքաղաքը և յոգնած քայլերս ուղղեցի դէպի իմ սովոր ու սիրած Լատինական թաղը...

## ՅԱՌԱՋ

Դու վհատում ես, եղբայր իմ տանջուած  
Անարգ ստորութեան այս նեղ օրերին.  
Խոր վշտի պսակ ճակտիդ թոլորած  
Անէծք ես կարողում քո ծնուած օրին...

Դու այսքան դարեր դիմացկուն սրտով  
Կրեցիր լուծը նաժարդ իսլամի.  
Այսօր լալիս ես յուսահատ ծայնով  
Ձեռքերդ ծալած, մասնուած արցունքի...

Տանջանքը դեմքիդ, վրէժով վառուած  
Կանգնիր դուշմանիդ դու դէմ յանդիման.  
Թէ մեռնելու ես..., վեհ պատուով զինուած  
Մեռիր, միմիայն հերոսի՜ նման...

Անճար ենք, եղբայր... վշտով սպանուած...  
Դուշմանն անգութ է... էլ ի՞նչ ելք մնաց...  
Դէ՛ ել հրապարակ դու կրակ կտրած  
Զարկիր ու զարկուի՛ր վէրքդ հովանա՛յ...

Յառա՛ջ մոլեգին... երբ այսքան դարեր  
Դուշմանի սրին մենք սիրտ տուցինք,  
Այսուհետեւ էլ կուինք աներեր.  
Մենք հայ ծնունդ ենք, հայ էլ պիտ մեռնինք...

Յ. ԽԱՆԼԱՐԵԱՆ

## ԲԵՃԱՅԻՆՆԵՐ ԿԱՄ ԲԱՐԻՉՍ \*

(Վերջ)

53. Բէհան բացարձակապէս հրամայած է.—«Ով որ ինքն իրեն աստուածային յայտնութիւն, մարգարէ, գուշակ, գերագոյնի հետ յարաբերակից և նրանից ներշնչուած յայտարարէ, նա զրպարտիչ է, ստախօս (միւֆթերի քէզզար): Եթէ որևէ մէկը հազար տարուց առաջ իրեն երկնքից գերագոյն իշխանութեան շնորհուիլը հրատարակէ, նա զրպարտող է»: Այս փաստերի հիման վրայ Աքբէրիները կողմից մի բրօշուր հրատարակեցին «Իթթիանի Դէլիլ» վերնագրով, որով հերքեցին Ազէմի յաւակնութիւնները: Սրա վրայ ըորոքուած Ազէմը մի հրաման ցրուեց շրջաբերականներով, որ ոչ ոք հօրը զրուածներն անգամ իրաւունք չունենայ կարդալու, եթէ Ազէմը՝ ինքը իւր ստորագրութիւնով, կամ կնքով դրանց իսկութիւնը չէ վաւերացրած: Բէհաի գրութիւնների դէմ տրուած այս հրամանը զրգուռները ծայրահեղութեան հասցրեց, կողմերը յայտնապէս թշնամացան և այս արկածները տարածուեցան Իրանի և Թուրանի հետևողների մէջ 1898թ. Մի քանի գծութիւններից յետոյ, երբ ինքը Աքբէրը «Հագիգաթը—Թովհիտ (ճշմարտութեան միութիւնը) զրուածքով դիմեց հետևողներին, Ազէմը հրամայեց իւր երկրպագուներին իսպառ յարաբերութիւնները դադարեցնել Աքբերից և նրա հետևողներից, ինքն էլ կտրեց յարաբերութիւնը եղբօր, մօր և քոյրերի հետ: Սրա վրայ Աքբէրը տուեց իւր որոշումը՝ յանձնելով հետևողներին Բէհաի «Իսմուլլահի Ձէմալի» լոհը (պատգամը): Ով աշխարհի ազգեր, այս յայտնութեան առաւելութիւնը նախորդ մարգարէութիւններից և առաքելութիւններից այն է, որ այն սովորական, ինչոր թշնամութեան, հակառակութեան, խռովութեան և ատելութեան առիթ էլիններկայացնում եւս զրքերից—օրէնքներից ջնջեցի: Այն ամէնը ինչոր համերաշխութեան, համաձայնութեան և սիրոյ է վերաբերում, արձանատ-

գրեցի և հաստատեցի: Երանի կամքս գործադրողներին: Եթէ տեսնեմ ճշներիցս (ազսան) մէկին իմ գրած օրէնքների և պատուիրանների հակառակ ընթացքը, կը հեռացնեմ, կը վճռեմ իմ դռնից: Նա ովոր պատուիրանի շաւիղից հեռանայ, նա արտաքուստ է (մէրդուդ):»

Այս վճռով Աքբէրը Ազմին աստիճանից ընկած հրատարակեց: Ազէմն էլ, որի ձեռքումն էր հայրական, հասարակական և պետական պոքը, եկամուտները, դադարեց հարազատների օրըստօրական ապրուստը հայթայթելուց, ցանկալով սովով նրանց ընկճել:

54. Այս բռնութեան դէմ Աքբէրի հետևորդները մեղադրեցին, թէ Ազէմը որբերի, այրիների, տնանկների յատուկ ողորմութիւնները շռայլում է ըստ քմաց, շնորհներ է անում, կաշառներ է տալիս թուրք կառավարութեան պաշտօնականներին, Բագուի մէջ կալուածներ է գնում փեսի անունով, այն ինչ Բէհաի բացարձակ պատուէրի համաձայն նա իրաւունք չունի հասարակական գանձից իւրացնելու, փչացնելու: Մանաւանդ նա զրկել է հարազատներին, մայրերին և եղբայրներին, որոնց յարկանքը ամենի համար պարտաւորեցուցի է: Աքբէրը հետևորդների հետ մեղադրում են Ազէմին հետևեալ կէտերում:

Ա. Ազէմը իրեն վերագրելով աստուածային կտակի դաշը, (Ահդը-Միսագ) նա յաւակնում է (pretendre) մի նոր յայտնութիւն ներկայանալ: Այն ինչ Բէհաի բարձրագոյն հրամանի համաձայն յայտնութիւն չի կարող լինել:

Բ. Ազէմը իրեն հռչակելով Ամերիկայում Իբն-Ուլլահ (Աստուածորդի) և Մէսիա, նա ձգտում է Աստուածային աստիճանի բարձրութեան, որով մեղանշելով, դառնում է բազմաստուածեան (միւշրիք):

Գ. Ազէմը իրեն վերագրելով Մեկնիչի (միւրէշին) դերը, նա սկզբնապատճառ է դառնում մեկնիչների ոտնձգութիւններին, հակառակ Բաբի և Բէհաի պատուիրաններին և կրօնի էական մասին:

Դ. Ազէմին մեղադրում են Բէհաի ընտանիքի անդամների դէմ բարձրացրած հալածանքի և ճնշումների համար, որով նա հակառակել է հօր կտակին, սերմանելով ատելութիւն, զրկանք, տանջանք և անարգանք:

Ե. Ազէմին օրինազանց են համարում, որ նա արգելել է հետևորդներին ազատ կարգալու հօրը բոլոր գրութիւնները:

Ձ. Ազէմին հրատարակել են փչացնող, քանի որ նա զըրկել է ժառանգորդներին, և ցրւում է համայնքի գոյքը քմահաճոյքին համեմատ»

Ազէմը Բէհայի գրութիւնների հակառակ, անարգել է էօմերին, նրա «Գիրքը մեզ բաւարար է (Հասցիւնտ քիթաբ Ուլ-լահ)» խօսքի համար: Նախատել է Մահմէդի կոչը՝ Այիդէին, այն պատճառով, որ նա հալածել է Ալիին՝ առիթ ունենալով վերջինիս խօսքը—«Ես Աստուծոյ կենդանի խօսքն եմ (էննա քէլամուլլահի էննաթիք)»: Այս երկու պարագայումն էլ Ազէմը հօր վարդապետութեան հիմունքն է խախտել, քանի որ Բէհան էլ միշտ կրկնել է, թէ—«էօմէրը ճշմարտութեան պաշտպանն է եղել, իսկ Ալին երեւելայական առասպելների աղբերակը»: (Տես «Լոհի Թահն»)(աներևոյթի պատգամ):

Ը. Ազէմին օրինազանց են համարում, որնա «քանադրել» է եղբօրը՝ Աքբէրին և հրամայել է հետևորդներին, կտրել նրա հետ իրենց յարաբերութիւնները. այն ինչ Բէհան յատուկ պատուիրանով իսպառ արգելած է «Բանադրանքը», կամ մէկի հետ յարաբերութիւն խզելը: (Տես «լոհ Ալէմ»):

Թ. Ազէմին յանցաւոր են համարում այն պատճառով, որ իւր անձնաւորութիւնը հռչակել է «Դաշինքների կենտրոն, կտակների կեդրոն» (մէրքէզի Միսաբ, Ահդը Միսաբ): Այդ ձգտումը համարում են հիմնովին հակառակ Բէհայի վարդապետութեան:

Ժ. Ազէմին մեղադրում են, որ նա գրել է, թէ—«Աշխարհի ազգերի ելմուտի կէտը իւր գրիչն է, փաստերը իւր լեզուից թռած խօսքերը»: Նա թէհրանցի աղա Զամալին գրել է, թէ—ով որ ազգերին իմ անուան կանչէ, նա ինձնից է: Մինչև այժմ արեգակը Գառան աստեղատանը բրգի վրայ էր, իսկ այժմ Առիւծ աստեղատանը մտաւ»: Որով ուզեցիլ է իւր անձնաւորութիւնը Բէհայից գերադասել: Թաւրիզ Միրզա-Սալիլին գրել է.—«Ես ծառայութեանս հիւլլէն Աստուածութեան ծովերի հետ չեմ փոխի, և այլն և այլն»:

Այս պատճառների համար Ազէմի հակառակորդները նրան յայտարարեցին Բէհայի վարդապետութեան հետևորդների դասից «արտաքսուած» և նրա գրութիւնները, որ հետևորդները լուծ են համարում, գծոխքի պատուիրան (էլվաի նար):

55. Ազէմը և հետևորդները մեղադրում են Աքբերին և նրա հետևորդներին հետեւալ կետերում.

Ա. Աքբերը անպայման չհպատակուեց մեծ եղբօրը Ազէմին, որի վրայ պիտի ուղղէին իրենց աչքերը բոլորը, համաձայն կտակի և սուրբ գրքի:

Բ. Սեղադրում են Աքբերին, որ դեռ վեց տարեկան հասակում, հօրը ներկայութեանը մի այնպիսի ընդարձակ լոհ է տուել, որ ապշեցրել է բոլորին: Այս լոհով Աքբէրը, առանց

ապասելու հօրը համարձման, ինքն իրեն գերաձայնի յարարել-  
րակից է յայտարարել:

Շ. Գրել է Ազէմի դէմ, ապստամբելէ Աստուածային  
յայտնութեան դէմ, հետևորդներէ մի մասը բաժանել և Աս-  
տուածային իշխանութեան դէմ ընդդիմագիր կուսակցութիւն է  
կազմակերպել:

Այս պատճառներով Աբբէրին Բէհաի վախճապետութիւնից  
արտաքսուած և ըստ կտակի Ազէմի յետոյ որոշուած աստիճանից  
ընկած են յայտարարել:

56. Ազէմի հետևորդները սրան հօրը Բէհաի աստուածա-  
յայտնութեան յարատևութիւնը համարում են և իրենց ենթա-  
դրութիւնը հաստատելու համար դիմում են հետևեալ փաստերին,  
որը վերցնում են անխտիր թէ Բէհայի գրուածներէց և թէ  
Աստուածաշնչից: Գլխաւոր փաստը Բէհայի կտակն է, որով  
պարտաւորուած են աչքերը յառել—ուղղել դէպի «Մեծ-Ճիւղը»  
—Ազէմը: «Տիրոջ շառաւիղը (դուան) կը լինի երկրի զարդը և  
փառքը...»: Եսայ. գլ. Դ. յօդ. 2: «Ահա իմ որդին, որին ես  
հաստատել եմ... Ահա ես պիտի բերեմ իմ ծառայ շառաւի-  
ղին...»: Ibit. գ. Է. 7—10, «Յէսայի բնից մի շառաւիղ է դուրս  
գալու, մի ընծիւղ...» Ibit. գլ. Ժ. յօդ. 1—2: «Ահա մի մարդ,  
անունը շառաւիղ, նա իւր արմատից պիտի բուսնի և շինէ Տի-  
րոջ տաճարը...»: Զաքարիա գլ. Զ. յ. 12—13: «Եւ այլևս նոյնը  
քնաւ չի լինիլ, Աստուծոյ Գառի աթոռը ափսոսիկ կ'լինի և նրա  
ժառանգները նրան կը պաշարեն...»: Յայտ. ԻՖ. գլ. 3 յօդ:  
Եւ ուրիշ շատ շատ օրինակներ:

57. Ազէմի հակառակորդները պնդում են, որ բոլոր այդ  
մարգարէութիւնները և յայտնութիւնները միմիայն Բէհայի հա-  
մար են, նա ինքը միակ յայտնութիւն է և նրանից յետոյ ոչ  
ոք չի կարող լինել: Իրենց խօսքին ապացոյց բերում են Բէհայի  
հետևեալ այսքները, որոնք նա առել է և անթիւ անգամ կրկ-  
նել իւր բոլոր գրուածներում:

«Իւր զրկած գիրքը քեզ չի բաւականացնում»:

«Հին-շինները (հերձեալ) միւշրիք (բազմաստուածեան)—  
Աստծուն ընկերներ յատկացող են, իրանց միաստուածեան են  
երևակայում... Երևակայութիւնների անկիւններում պղծած,  
իրենց պայծառատես և բացատրող էին յայտարարում... վա՛յ  
նրանց, և վա՛յ ա՛յն մարդուն, որ այդպիսի հերձուածի առաջա-  
լուն պատճառ դառնայ... Հազար երկու հարիւր տարի հին  
հերձուածները իրենք իրենց համարում էին աշխարհի գերազան-  
ցութիւնը և արարածների վեհութիւնը, բայց դատաստանի

օրը (Բաբի յայտնութեան ժամանակ) պարզուեց, որ նրանք Աստուծոց հեռացածներ և նրան անարգողներ են... Երդուում ևս հոգովս, որ հրամանները լրացան, պատուիրանները կատարուեցան, յայտնութիւնները վերջացան, բայց նենգաւորները (հիւլեքեար) պատրաստ են, ինչպէս հնումն էլ շատ կային և տարածայնութիւններ սիրում են... Ճշմարտութիւնը արեգակի նման երկնքի բարձունքումն է, որոշ Աշխարհի դրամներից մի դեմար չունիւմ, որ կարիք լինի կտակակատարի Եթէ ասեն, Եթէ հրամանները գործադրուելու համար կտակակատարի կարիք կայ, ասողներն իրենց կողմից մեծ թշնամութիւն են անում դէպի իրենց Արարիչը, որը մշտնջենապէս ձեռք պաշարած ու կանգնած է: Հրամանատուչութիւնը նրա անձնով շրջապատուած է և երբէք չի հեռանալ: Հակառակորդ, ընդդիմակալ, կտակակատար, մեկնիչ և օրինակ մի ընդունէք...

58. Բէհայի մահուանից անմիջապէս յետոյ, նրա հետևորդները համաձայն կտակին նրան շրջապատեցին և հինգ տարի կռուող կողմերը ջանացին, որ իրենց ներքին վէճը չը տարածուի հետևորդների մէջ աշխարհի շուրջը. ուստի ամէն կողմից ազատ ամէնքը դիմաւորում էին Աբբաս էֆէնդիին Ազէմին: Վերջինս հօր կենդանութեան ժամանակից իւր ձեռքումն ունենալով իրենց ամբողջ գոյքը, կարողութիւնը, նրանց շրջապատեցին Աբբէի հետևորդները և նրա հետ կապուեցան բոլոր պրօպագանդիստները և գաւառական քարոզիչները, որոնց միջոցով Ազէմը ստանում և ծախսում էր հասարակական եկամուտները: Աբբէին շրջապատեցին նրանք, որոնք կատարելապէս ըմբռնել էին Բէհական վարդապետութիւնը, որի իրագործելուն նախանձախնդիր և անձնուրաց սպասաւորը դարձան: Սրանք թէև քանակով փոքր են, բայց զարգացումով և ուղղութեամբ շատ բարձր են կանգնած և տանում են ամէն գրկանք, որ վերականգնեն պարզութեամբ օրէնսգրի իսկական քարոզութիւնը: Այս պարագայի մասին Բէհան որոշ լոճ ունի, որտեղ ասում է, Եթէ իւր մահից յետոյ հետևորդները իրեն պիտի ուրանան— հեռանան, նրանց թիւը պիտի իջնի երեք հոգու և ապա հետզհետէ լուսաւորուելով և ըմբռնելով իւր քարոզութեան ոգին կրկին պիտի վերագառնան ահաւոր հոսանքով: Այն բոլոր օրինակներն ու փաստերը, որով իրար դէմ վիճում են Բէհայիների երկու հերձուածները, եթէ առաջ բերենք, հարկ կը լինի Բէհայի, Բաբի բոլոր գրուածները հաւաքել և հատորներ կազմել: Դեռ նրանք գիծում են հին և նոր կտակարանին Ղուրանին,

որով աւելի բարդուում է խնդիրը: Մանաւանդ որ այդ վէճերը վերջ չունին, ինչպէս չի վերջացել Սիւնիսիների և Շիաների տաւան և երեք դարի հակաճառութիւնները և օրէցօր կողմերը հաստ-հաստ հատորներով ճոխացնում են այդ հակառակութեան զրականութիւնը, արծարծելով հակակրօութիւն ու ատելութիւն, հակառակ հիմնադիրների անհուն ջանքերին և քարոզութիւններին:

59. Բէհայի մահուան հինգերորդ տարեյիցի օրը, նրա քառասնամեայ ծառայողներից ամենագլխաւորը, Միրզա-Աղաջան Քեհաշանցին, որին խաղէմ—Ուլլահ էին կանչում, որը գրել է Բէհայի թելագրութեամբ նրա գրութիւններից կէսից աւելին, շրջակայ Հէրֆայից, Աքքեից, Խզրեից և ուրիշ տեղերից հաւաքուած երեք-հարիւրից աւելի ուխտաւորներին՝ հիւրասիրելուց յետոյ, իրիկնադէմ ոտքի կանգնեց և իւր ներքին վիշտը հետեւեալ կերպով բացատրեց կրօնակիցներին և հետնորդներին:

Այս խօսքի վրայնեւրս է մտնում Ազէմը, բռնում է ձերուների սպասաւորի օծիքից, մօտենում է Բէհայի շիրմին և անխնայ թակել է տալիս սպասաւորների ձեռքով: Թակի ընթացքում Միրզա-Աղաջան բարձր ձայնով-գոռալով շարունակում է:

«—Աղա, Բէհա-Ուլլահը մեզ իր հետ ծանօթացրել է իւր վարդապետութիւններով, քարոզներով սովորեցրել է և հասկացել պատուիրանները: Սրանից յետոյ էլ համաձայն իւր վարդապետութեան պիտի քննէ մեր ընթացքը: Ներկայիս դուք պատրաստ էք, ժողովուրդն էլ ունկնդիր, ես ցանկանում եմ Բէհայի-Ուլլահի խօսքերով ձեզ հետ դատի մտնել, մինչև որ ճշմարտութիւնը եղծուածից և բազմաստուածութիւնը միաստուածութիւնից պարզուի և յայտնուի աշխարհի:

Բայց Ազէմի սպասաւորները չէին թողնում, որ Միրզա-Աղաջանի խօսքը լսէ ժողովուրդը, անխնայ հարածում էին նրա գլխին, կողին, կրծքին: Իսկ նա աներկիւղ անընդհատ գոռում էր, —Ես Բէհային եմ միայն հաւատում, նրա գրութեանը և գերեզմանին եմ ապաւինել:

Այս անգութ տանջանքներից փշրուած, հիւանդանում է և եօթը ութը ամիս տանջուելուց յետոյ մեռնում է Միրզա-Աղաջանը: Ծերունին տըում էր ոսկորների ցաւից մինչև հոգին աւանդելը: Քառասուն տարուան Բէհայի հաւատարիմ սպասաւորը և անձնական քարտուղարը այսպիսի զարհուրելի տանջանքով է մեռնում իւր տիրոջ անդրանկի ձեռքով: Ազէմը արտաքսում է պաշտօնից և թոշակից զրկում այն բոլոր հին ծառայողներին,

որոնք անպայման չեն ընդունում իրեն, որպէս «յարատուութիւն հայրական յայտնութեան»:

60. Ազէմը այն աստիճանի ճնշումներ գործ դրեց և այնպիսի մեքենայութիւններ լարեց, որ Աքբերի հարազատ մօրից փոքր եղբայրը Բէգիհը, որ տասը տարի շարունակ քարոզով ու գրչով խայտառակել էր իւր անձը հօրը յայտնութեան յարատուութիւնն հռչակող Աբբաս էֆէնդիին, պարտատէրներից նեղուած, գնաց ընկաւ իւր նախկին նախատած—անարգածի գիրկը, որը՝ Ազէմը վճարեց 500. ոսկի պարտքը և այժմ սրան հաճոյանալու համար, բրօշիւր է հրատարակել հարազատ և տասը տարի ջատագոված եղբօրը, Աքբերի դէմ: Ինչպէս երևում է դեռ ևս փողը աշխարհի ամենահօգօրն է, քանիոր նա ստրկացնում է վեհ հոգևով դաստիարակուածներին անգամ:

Ազէմը գրաւոր խոստովանութիւն ձեռք բերելու համար, հօրը հետևողներին ճնշելիս բռնած միջոցների մէջ երբեք խտրութիւն չի դնում: Բէհաի նշանաւոր հետևողներից մէկն էլ Ջէրէնդի-Միւշթէհիդ Միրզա Մէհմեդն էր, որին անուանում են Շնէրի: Այս մարդը Բաբիզմի պատմութիւնը գրել է չափական քանաստեղծութեամբ, յանգերով, որը կազմուած է մի քանի ստուար հատորներից: Այնպէս լաւ գրչի տէր էր, այնպէս ոգևորուող, որ մինչև Բէհաի յայտնութիւնը երևակայում էր, թէ ինքն էր Բաբի քարոզած յայտնութիւնը, բայց Բէհաի պատգամները կարդալուց յետոյ, գնաց, զղջաց և նրա կոյր երկրպագուն դարձաւ: Այս խօսքը մեծ կշիռ ունէր ընդհանրապէս Բէհական աշխարհի համար, ուստի Ազէմը ցանկանում էր սրանից գրաւոր խոստում առնել և հրատարակել: Ազէմը ներկիւն այնպիսի առաջարկ առաւ, այնպիսի վիճակում թողեց, որ խեղճ ծերուկը փրկութիւնը Աքբէի խորշում գտաւ: Երբ թուրքական ոստիկանները խուզարկում էին Ներիի գոյքը, գտնուեցաւ նրա կտակը, որտեղ բանաստեղծը մի քանի յանգով բացատրել էր հոգեկան տագնապը:—«Ես որքան տխմար ու ապուշ պիտի լինէի, որ բաբունապետներիս պատուիրաններիս հակառակ քեզ յայտնութիւն դաւանէի, կործանէի նրանց կառուցած սիրոյ տաճարը և գլուխ ծաղրի մատնէի»: Նէրիլը ծովի ալիքների վրայ ծփալը մարդկային ծաղրից նախապատիւ համարեց, մահը խղճի հակառակ ապրելուց գերադասեց:

61. Ազէմը չըբաւականացաւ Բէհաի ժառանգներին և հաւատարիմներին հալածելով, նրանց զրկանքի և նեղութիւնների ենթարկելով: Որպէս չի իսպառ թուլացնի հօր յիշատակը և Բէհականներին ազատի հօրը վրածների ներգործութիւնից, նա

չը բաւականացաւ միայն արգելք դնելով հօրը այն գրուածները ընթերցման վրայ, որոնք ջախջախում էին իր ծրագրերները, այլ ամէն միջոցի դիմելով խափանեց Բոմբէյի այն տպարանը, որտեղ տպուել էին հօր գործերի ինքն հատորը: Խափանեց հօր գործերի տպագրութեան շարունակութիւնը, որպէսզի չտարածուի այդ գրութիւնները և հետևողները միմիայն իւր գրութիւններով բաւականանան: Նա հօր գործերի տպագրութեան տաճարը շինելու փոխարէն, ահագին փող ծախսեց, որպէսզի Գարմէլ լեռան գաղաթիւն Բաբի աճիւնի վրայ տաճար կառուցանէ և ամէն տեղ տարածէ, թէ — «Ահա մի մարդ, անունը շառաւիղ (Ղուան), նա իր արմատից պիտի աճի և պիտի շինէ Տիրոջ տաճարը»: Զաքարիա Գլ. Զ յօդ. 12-13:

62. Որպէսզի կարողանայ անպայման Բէհաի հետևողներին ստիպել և համոզել, թէ ինքն էլ գերագոյն յայտնութիւն է, նա երես չը շուռուռեց մինչև անգամ կեղծիքներ անելուց, հօրը գրուածները նենգիւց: 1. Մի լո՛ւ շրջեցրին ժողովրդի մէջ, որով իբր Բէհան Ազէմին յայտարարումէ իւր յայտնութեան յարատեւութիւնը, որպէսզի առաջնորդ է ժողովրդին, բայց իսկականը՝ Միրզա-Աղաջանի, ղուանի Աքբէրի և կամ Բէհաի ձեռագրով չը կարողացան դուրս բերել, կասրի-Բահէի արխիւում էլ չգտնուեց: II. Սուրիէի-էմր» լո՛ւ կը ճատուած ու փոփոխած շրջեցրին, որով ուզում էին Ազէմի յայտնութիւնը ապացուցանել, բայց իսկականը Աքբէրը Բէհաի ձեռագրով դուրս հանեց և լուսանկարը տարածելով խայտառակեց: III. Երկու լո՛ւ իրար կցելով ձգտեցան մի բան ապացուցանել, բայց հակառակ դասը բացատրեց թիւրիմացութիւնը: IV. Ղուանի-Աքբէրին ուղղուած մի լո՛ւ Ազէմը իրեն վերագրեց, բայց իսկականը՝ Բէհաի ձեռքով գրուածը դուրս հանելուց յետոյ, պատասխանեց՝ «Երկու եղբայրներին էլ է վերաբերում, և այլն այլն»:

63. Շատերը ենթադրում էին, որ այս վարդապետութեան կոչումն էր վերանորոգել Պարսկաստանը և Իսլամ տշխարհը, բայց այդ յոյսերը խաբուսիկ դարձան... չիրականացան, Բաբիզմը հետզհետէ քայքայւում է, կորցնելով ահաւոր հետևորդներ: Սկզբնական շրջաններում Բաբիզմի քարոզութիւնները սպասողներ շատ ունենալով Պարսկաստանում, նա հակայական քայլերով առաջացաւ, ահաւոր հետևորդներ ունեցաւ և աւելի ճոխացաւ 1848—52 թուականների արիւնահեղ կռիւների շրջաններում: Այդ ժամանակները այս աղանդին հետևում էին, բայցի նշանաւոր իւլէմները, յայտնի պաշտօնականներ, Իրանի շահի աւագանին, հարուստ վաճառականներ, մեծ կալածատէրներ,

մտքի, գաղափարի ներկայացուցիչներ, որոնք ձգտում էին հայ-  
րենիքը փրկել անկեալ վիճակից և սպառնացող վտանգից, մա-  
նաւանդ բռնակալութիւնից: Ճշմարիտ է, կառավարչական սար-  
սափները արիւնի մէջ ողողեցին աղանդաւորներին, յուսահա-  
տութեան մատնեցին, բայց այդ զարհուրելի զոհողութիւններով  
ևս աւելի ամրապնդուեց Բաբականութիւնը և որոշ հոգ ձեռք  
բերեց երկրում: Այս զարհուրուածները եթէ ոչ համարձակ,  
գոնէ սրտի խորքերում պաշտում էին այն Ալլահին, որն ու-  
զարկել էր Սէիդ-Ալի-Մէհմէդին, իրենց մարդապաշտութիւնից:  
Իմամապաշտութիւնից ազատելու, իրենց մտքին ու գատողու-  
թիւններին ազատ թոխչք տալով՝ գիտութիւններով, արհեստնե-  
րով առաջանալու և որ ամենագլխաւորն է, ազատուելու կղերի  
և բռնակալների կեղեքումներից, որոշ դրական օրէնքներով և  
ժողովրդից ընտրուած «ռիշալի-աղլի» ժողովներով:

Բէհաի քարոզութիւններով այնպէս աճեցաւ Բարիների  
թիւը, այնպէս բարձրացաւ նրանց վարդապետութեան բարոյա-  
կան, փիլիսոփայական հայեացքը, որ ամենայն իրաւամբ Բա-  
րինները իրենց անուանեցին Բէհիսթինեհ, որոնց զարգացման  
ամենաբարձր շրջանը կարելի է համարել ութսունական թուա-  
կանները (1880—90 թ.) Իսկ Բէհաի մահուանից յետոյ մանա-  
ւանդ Ազէմի ձգտումները պարզուելուց յետոյ (1897 թ.) Բէ-  
հականները հետզհետէ ետ քաշուեցան, նշանաւոր անձնաւո-  
րութիւնները հեռացան, սկսեց սրանց թիւը աստիճանաբար  
նուազել և օրից օր պակասել: Ազէմի իւր անձնաւորութիւնը յայտ-  
նութիւն (զուհուր) յայտարարելը ամենքն այնպէս ընդունեցին,  
իրր շիական իմամների վերակենդանանալը, նրա լոհերը՝ հա-  
զիսների կրկնութիւնը, որոնք լքին հետեւորդներին, հեռաց-  
րին և առանձնացրին: Ոչ բարձր պաշտօնէութեան, ոչ էլ մտքի  
ու փողի ներկայացուցիչներից մի խելահաս մարդ չմնաց, որ  
զիջանի Ազէմին որպէս «յայտնութեան» հետեւելու, ասպարէզը  
մնաց համբալներին: Այս բէհականներից շատերը թէև այսօր  
առերես հետևում են երկրի պետական կրօնին՝ շիականութեան,  
բայց բոլորովին ազատամիտ են դարձած, տոգորուած հիմնա-  
կան վերանորոգչական մտքերով, սպասում են ոչ թէ կրօնական  
որևէ բարեկարգութեան, այլ քաղաքական ընթրոմատորի:

64. Բարեգմը ամենից շատ տարածուեց իւր ծննդավայ-  
րում՝ Շիրազում, Ֆարսերի աշխարհում, ուր նրա թիւը մի ժա-  
մանակ հասաւ մինչև 30—40 հազարի, բայց այսօր հազիւ թէ  
դրա քառորդն էլ հնարաւոր լինի գտնել: Շիրազից յետոյ նա  
ամենից շատ տարածուեց Գիլանում և Մազանդարանում, կաս-

պից լճի հարաւային ափերում, ուր գիւղ, աւան, քաղաք չմնաց, որ հետեորդներ չունենար: Սրանց թիւն էլ անցնում էր 30 հազարը, բայց այսօր երեք հազար հոգի էլ դժուար թէ գրտնուի: Բար-էլ-բարի և ընկերակիցների ջանքերով Խորասանում Բարը մինչև քսան հազար հետեորդ ունեցաւ, բայց այսօր կասկածելի է, թէ 2000 հոգի էլ գտնուի: Թէհրան և շրջակայքում նոյնպէս 20 հազար հետեորդներ գտաւ, իսկ այսօր երեք հազար էլ չի մնացել: Թաֆահանի շրջանը մինչև տասը հազար հասել էր բարեխնոր թիւը, ներկայիս դրա կէսն էլ չի մնացել: Խամաս-Չէնջան մի ժամանակ 10,000 եռանդուն բարիներ կային, ներկայիս 500 հոգի էլ չկան: Ատրպատականում դրանց թիւը 20 հազարի բարձրացաւ, մինչև անգամ Մարաղայի, Միանդուարի և Սուղուզի հայերից յառողներ եղան, ներկայիս ամբողջ Ատրպատականում մի հազար մարդ էլ չի մնացել հետեորդ: Համադան, Եզդ, Քիրման անփոփոխ են մնացել, դեռ այդ տեղերը չի թափանցել Ազէմի-Աբբէրի վէճերը, քայքայող երեք նահանգում հազիւ թէ 8—9 հազար հետեորդներ լինեն: Կան բարիներ—բէհականներ Բաղդադում և Փիւնիկում, բայց դրանց թիւը հազար էլ չի կազմում: Եգիպտոսի, Հնդկաստանի, Կիպրոսի հետեորդների մասին որոշ թիւ չկայ, բայց հազիւ թէ մի քանի հարիւրներ կազմի:

Ամենից շատ Բէհաիները ճոխացան Ասխաբադում, ուր Ռուս կառավարութիւնը նրանց ազատութիւն է տուել, համարձակ դաւանելու իրենց վարդապետութիւնը և միշտ պաշտպանել է շիական յարձակումներից—հալածանքից: Ասխաբադ փախել են գլխաւորապէս Ատրպատականի Իւսկիւի և Միլան գիւղերից հալածուած բէհականները և Պարսկաստանի զանազան քաղաքներից խոյս տուողները: Ասխաբադում դրանց թիւը հասնում է մինչև (3) երեք հազարի: Մի այսքան էլ ամբողջ Անդրկասպեան և Կովկասեան քաղաքներում և Ռուսաստանում գուցէ հնարաւոր լինի հաշուել Բէհաի հետեորդներ:

Բէհաի մահուանից յետոյ, նրա աշակերտները ոտաբորիկ, կիսամերկ, աղքատ մտան ոչ միայն Արեւելքի ամէն մի անկիւն և հազարաւոր հետեորդներ դուրս քաշեցին մոլեռանդ իսլամի զաւակներից, այլ մինչև անգամ անցան Միջերկրականը և Ատլանտիկան Ովկիանոսը, քաղաքակրթուած քրիստոնեաներից էլ հազարաւոր հետեորդներ գրաւեցին, նրանցից կորզած ողորմութիւնով ոչ միայն պաշտպանում են իրենց գոյութիւնը, Ամերիկայում տաճարներ էին կանգնում, այլ յաւելուածներով աշխատում էին արեւմտեան լուսաւորութիւնը տանել իրենց ծննդա-

վայրը՝ արևելք, բաղաձայնի ժամախուզի մէջ խարխափողներին: Կաթուղի և բողոքական միսիոնէրները իրենց ահաւոր գանձերով և անթիւ գիտնական քարոզիչներով վերջին XIX դարի շրջանում իսլամի հետևորդներին և ոչ իսկ մի հազար մարդ կարողացել են քրիստոնէութեան գրաւել, այն ինչ բէհականները վերջին 10—12 տարուան ընթացքում միայն Միացեալ-Նահանգներում տասնեակ հազար, գուցէ աւելի հետևորդներ են գրաւել, որոնք օրէցօր աճում են: Եթէ Ազէմի և Աքբէրի վէճերը չլինէր և ճշտութեամբ հետևէին Բէհաի սիրոյ և խաղաղութեան քարոզներին, գուցէ այսօր 30—40 հետևորդներ էլ ունենային:

Հետևաբար, ըստ մեր հաւաքած տեղեկութիւնների, այսօր աշխարհի շուրջը Բէհաի քարոզութիւններին հետևողների թիւը 50—55 հազարից չի անցնում, այն ինչ բաժնի տարի առաջ նրանք միայն Պարսկաստանում երկու հարիւր հազարից աւելի հետևորդներ ունէին:

65. Ներկայիս բաբինները բաժանւում են երեք հերձուածի.

Ա. Նրանք, որոնք իրենց իսկական ըաքի են համարւում, չեն դաւանում Բէհաի վարդապետութիւնը, որոնց հակառակորդները էզէլի են կանչում, Բէհաի փոքր եղբօր՝ Նահա-Սուփ-էզէլի անունով, քանի որ սրանք հետևեցին էզէլին և սպասում են Բաքի խոստացած յայտնութեանը: Սրանց թիւը փոքր է, չեն տարածուած և Կիպրոսում երկու տարի առաջ էզէլի մահից յետոյ, նրան յաջորդեց և համայնքին առաջնորդում է Շէյխ-Հադին, որ ապրում է Դովլաթաբադում, Իսֆահանի նահանգում: Էզէլիների թիւը 2—3 հազար հոգուց չի անցնում:

Բ. Բէհաի վարդապետութեամբ բաւականացող, Ազէմին Բէհաի յայտնութեան յարատևութիւնը չընդունող դասը, որոնց հակառակորդները Աքբէրի է կանչում, նոյնպէս շատ չնչին մասն է կազմում Բաբինների համայնքի: Թէև սրանք իրենց մշտաւոր զարգացումով, աշխարհահայեացքով շատ ուժեղ են մնացել երկու դասից, որոնց ամէն մի քայլափոխի առաջ սրանք Բէհաի գրուածներով ուղեփակ են դնում, կաշկանդում, բայց երկու-երեք հազար հետևողների թիւը չի կարող որոշ ոյժ կազմել և վարդապետութեան հետևորդները բազմացնել: Սրանք ցրուած են ամեն տեղ, միայն հազարից աւելի հետևորդներ ունին Միացեալ Նահանգներում:

Գ. Ամենից բազմաթիւ և ուժեղ տարրը կազմում են բէ-

հականների մնացորդ դասը, որոնց թիւը հասնում է յիսուն հազարի: Շատերը այս թիւը մեծացնում են, հասցնում են միլիոնների, բայց այդ բոլորը լաւատեսութեան և միամտութեան հետեանք է: Իրանք Ազէմի հետևորդները ամէն տեղ խօսելիս տասնեակ և հարիւրաւոր հազարներով են ցոյց տալիս իրենց հետևորդներից իրանի զանազան կողմերը, բայց մեր եօթը տարուան ըննութիւնը, թղթակցութիւնները չարդարացրին լաւատեսների և ոգևորւողների յոյսերը: Այս միամիտ ամբոխը, որին հակառակորդները Ազէմի են անուանում, ապացուցեց թէ ճշմարիտ որ իրենք Իրանի հարազատ ծնունդ են կազմում, արիական սերունդ և առանց մարդացեալ աստուածների չեն կարող ապրել, չեն կարող կառավարուել: Նրանց միշտ պիտի կառավարէ գերազանցագոյնից սերուած, ծնուած, ներշնչուած և յարաբերակից մի դիւցազն, մի աստուածորդի... Քանի որ Պարսկաստանին տիրում է թանձր խաւարը, քանի որ նրա և ոչ մի անկիւնում չէ բացուած որևէ լոյսի տաճար, քանի որ մանուկների կրթութիւնը «ախունդների» ձեռքին է, որոնք առասպելներով են նրանց դաստիարակում, քանի որ պետութիւնը և ոչ մի կանոնաւոր ուսումնարան չէ հիմնած երկրում, «բարերի» և «բէհաների» քարոզները չի կարող ըմբռնել ժողովուրդը և Ազէմի նման շատ աստուածամարդերնստած ստրկացած ժողովրդի վզին, նրան կվարեն դէպի առասպելական աշխարհ, դէպի մարդապաշտութիւն...

ԱՏՐՊԵՏ

## ԱՐԵԱՆ ԵՐԳԵՐԻՑ

Ինչ շահեցիր, երբ խուժեցիր  
Հայի խաղաղ օթեւան,  
Կրակ տուիր, մոխիր դարձրիր,  
Բերիր մեծ սուգ ու շիւան:

Ինչ շահեցիր, երբ մօր առջեւ  
Դու մորթեցիր հայ մանկան,  
Վարդի նման թառամեցրիր  
Հիւրի-փերի կոյս-աղջկան:

Ինչ շահեցիր, երբ հայ երկիրն  
Արիր կարմիր արեան ծով,  
Արար աշխարհ դողդացրիր  
Հայի լացով ու կոծով:

Թէ քաղցած ես, ե՛կ—հայր քեզ  
Առատօրէն հաց կը տայ.  
Թէ հառաւ է հայի հացը—  
Վաստակդ քեզ հաց կը տայ:

Էլ ինչու ես իզուր տեղը  
Դու հրժուանքով դիւային  
Ալան թալան կողոպտելով,  
Ձնջումս սնմեղ հէգ հային:

Գիտեմ, պիտի պատասխանես  
«Որովհետեւ նա հայ է»:  
Օ՛րհնատուած, հայ լինելը  
Միթէ յանցանք ու վայ է...

ՅԱՐՈՒԹԻՒՆ ԹՈՒՄԱՆԵԱՆ

## ՄԱՏԵՆԱԽՕՍԱԿԱՆ

1) քամալեանց Ա. Գ. ԼՕ ԱՓՕ ԵՒ ԽԱԶԱՆ. Բ. տպ. Թիֆլիս 1906 էջ 40.

Մեր ժողովրդական գրականութիւնը վերջերս կարծես սառուցման կէտին է հասել. քիչ թէ շատ յայտնի ժողովրդական գրողներից ոմանք ի Տէր հանգեան (Արարատեան, Ագապեան), ոմանք դադարեցին գրելուց (Աղայեան և այլն) և ասպարէզը մնաց մեծ մասամբ անտաղանդ բանաստեղծներին և հայերէն չիմացող թարգմանիչներին, որոնք սունկի պէս բուսնում և շուտով անյայտանում են: Այս երևոյթը շատ ցաւալի է մեր նորարողը՝ գրականութեան համար. բուն ժողովրդի կեանքի ուսումնասիրութիւնը և նրա մտաւոր աշխարհի հոգեբանութեան ըմբռնումը պէտքէ կազմէ մեր աշխարհիկ գրականութեան էական սաղմը: Այս կենդանի աղբիւրից պէտքէ հոսեն վճիռ ջրերը, որ թարմացնեն և կենսատու ոյժ տան աւելի քանքարաւոր հայ գրողների ինքնուրոյն արտադրութիւններին, հոգի և զգացմունք ներշնչեն դեռափթիթ հայ տաղանդներին:

Քամալեանց Ս., որ մեր շնորհալի ժողովրդական գրողներից մէկն է, կարծես նոյնպէս դադարել է նոր բան արտադրելուց-ցանկալի է, որ այս դադարը ժամանակաւոր լինի-և այժմ զբաղուած է իւր նախկին գրուածների երկրորդ հրատարակութեամբ: Դալօ Ափօ և Խաչանը, որ նոյնպէս լոյս են տեսել երկրորդ տպագրութեամբ, իրենց «բովանդակութեամբ» ճշտիւ համապատասխանում են հայ ժողովրդի այժմեան տրամադրութեանը և կրում են մինչեւ մահ-գերեզման մարդ պէտք է հրացան սրի նշանաբանը:

«Դալօ Ափօ» ի նիւթը վերցրած է «Բէհրութովի կռուի» ժամանակից ուսու-տանկական սահմանազլխի գիւղերի հայ գիւղացիների կեանքից. քաջասիրտ «Ափօն» կամ «Դալի Գեալստը» միշտ խրատում է «դաշոյն կապեցէք, հրացան բանացնել սովորեցէք», «թուրքին պէտքէ ծեծես, որ բարեկամանայ», «մեծունանց խօսք է, թէ սոխի դէմ սխտոր պէտքէ ծեծել: Այս օրից հաւաքուեցէք երիտասարդներդ միատեղ և վրայ տուէք թուրք օբաներին: Իմ խորհուրդն այս է, թուրքերի աչքը պէտքէ ծեծով, թակով վախեցնել»: Երբ վախճանւում է 93 տարեկան հերոսը «լողացնողները շորահան անկիւն նկատել էին հագուստի վրայ կոշտ բաներ. կարծել էին թէ արծաթ փողեր են արխալուղի մէջից կարած: Դրա համար արխալուղը ծա-

ծուկ փախցրել էին: Բայց շորի կարերը քանդելով արծաթ փողի տեղ գտել էին հրացանի լցրած փամփուշտներ, որ Ափօն պահում էր անակնկալ վտանգների ժամանակ գործ ածելու համար: Մեր առաջ բերած հատուածներից արդէն ընթերցողը կտեսնէ թէ ի՞նչ ռազմական ոգւով է ներշնչուած Քամալեանի «Գալօ Ափօն» և ռրբան ժամանակակից ընթերցանութեան նիւթ է հայ ժողովրդի համար: «Սաչանը» նիթեցի հայ ուտիացի արհասիրտ որսորդի տիպնէ ներկայացնում, որի «քաջութեան շնորհիւ շրջակայ աւազակաբարոյ թուրքերը չեն համարձակոււմ մօտենալ հայ գիւղացիներին»:

Երկու պատկերներն էլ գրուած են հայաշունչ լեզուով և հետաքրքրութեամբ են կարդացւում:

2) Մեր էժանագին գրադարանը. Մաթէօ Ֆալիօնէ, Մատնիչը, լրտես: Ս. Պետերբուրգ 1905. էջ 62.

Գրքոյկիս մէջ ամփոփուած երեք փոքրիկ գրոյցներն էլ միևնոյն տենդենցիան ունին. պատժել մատնիչին ու լրտեսին: Մատնութիւնն ու լրտեսութիւնը անբարոյական զաղափարներ են, միշտ էլ դատապարտելի են եղել փոքր ի շատէ ինքնաճանաչ հասարակութեան մէջ և աւելի ևս զարշելի պէտքէ համարուին մեր հասարակական կեանքի այժմեան պայմաններում: Գովելի է ուրեմն գրքոյկի հրատարակիչ տիկին Զաբելի հոգացողութիւնն այսպիսի ընտրութեան վերաբերմամբ: Ամեն կերպով պէտքէ աշխատել կոխ մղել անբարոյականացնող զաղափարների դէմ, որպէս չի ժողովրդի գիտակցութիւնն արթննալ և այդպիսով ըստ արժանւոյն պատժուի, եթէ արմատախիլ անելը մեր ուժերից բարձր է: Սակայն եթէ կամենանք այդպիսի զգացմունքներ առաջացնել չափազանցացրած և անանքնական օրինակներով, կարող ենք հակառակ նպատակի հասնել և ըթացնել ընթերցողի զգացմունքները. այս տեսակէտից ահա գրքոյկիս մէջ պարունակուած երկու գրոյցները «Մաթէօ Ֆալիօնէն» ու «լրտեսը» անյաջող ենք համարում:

Ֆրանսիացի գրող Պրօսպէր Մէրիմէի «Մաթէօ Ֆալիօնէ» գրոյցի հերոս 50 տարեկան Մաթէօն հրացանով է սպանում է իւր միակ արու զաւակ տաս տարեկան Ֆօրտունատոյիս, որովհետեւ վերջինս գրաւուելով սպայի առաջարկած արծաթեայ ժամացոյցից՝ մատնում է վիրաւորուած փախստական Սանպիերոյին նրա ձեռքը: 'Իտմամբ ընդգծեցինք տաս տարեկան բառերը, որովհետեւ այդ հասակի երեխան չի կարող լիովին բմբունել մատնութեան անբարոյականութիւնը և պատասխանատու համար-

րուել իւր արարքի համար. արդէն այն հանգամանքը որ նա խաբւում է մի արծաթեայ ժամացոյցով, ապացոյց է, որ նա երեխայ է ուրեմն և չի կարող կշռադատել իւր արարմունքի ծանր հետեանքները:

«Լրտեսմն» էլ մի փոքրիկ շնիկ է, որ իւր բնածին սուր հոտոտելիքի շնորհիւ վարժուել է գտնել թագցրած օղու շիշերն ու ամանները. մի գործարանի բանուորներին խստիւ արգելուած է գործարանում օղի գործածելը, բայց այդ շնիկը գտնում է նրանց թագցրած օղին և ահա բանուորները զայրացած այդ «լրտեսի» վարմունքից՝ սպանում են ոչ թէ վարժեցնողին, այլ խեղճ փոքրիկ անասունին: Միթէ այս ձևով կարելի է ընթերցողի մէջ գարշանք յարուցանել լրտեսութեան անբարոյակա՛նացնող գաղափարի նկատմամբ:

Երեք զրոյցներն էլ միևնոյն յաջողութեամբ չեն թարգմանուած. առաջինն աւելի հարթ և կոկ լեզուով է գրուած. միւսների մասին նոյնը չենք կարող ասել: Վերջիններում պատահում ենք նոյն իսկ ոչ հայերէն կամ սխալ դարձուածքների. օրինակ «նա դատապարտուած էր այսուհետև ապրելու համար մարդկանց մէջ» (?) էջ 44. «գիւղացին առատութեամբ (?)» (գուցէ պէտք է լինի արագութեամբ) վազեց... էջ 47 «...նախքան որ ինքը իւր ընտանիքի հետ միասին կոտորուի սառնամանիքից» (էջ 46) «...պատասխանեց մի բամբ ծայն, որը պատկանում էր, ինչպէս ես դա (?) նանաչեցի» (էջ 54). «ափսոսում են, զուժ հայցում մի ինչ որ շանը, իսկ մարդկանց ափսոսալ, խղճալ—այդ չկայ նրանց մէջ» (58):

ԲՐԻԶ

### ՍՏԱՅՈՒԱԾ ԳՐՔԵՐ

- Ա. Կրիմսկի. Մահմեդական աշխարհն ու նրա ապագան. թարգմանեց Բարդէն Վարդապետ. վաղարշապատ. 1906 զ. 60 կոպ.
- Քամակեանց Ս.—Գալօ Ափօ և Խաչան. Բ. տպագրութիւն. Թիֆլիս 1906 զ. 12 կոպ.
- Մ. Զմէկեան. Տարեցոյց 1906 թ. Թիֆլիս 1906 զ. 30 կ.
- « Պատի օրացոյց 1906 թ. Թիֆլիս
- Կանոնագիր Հայ աշխատաւորաց միութեան Բարիդի, Բարիդ 1905
- Մեր էջանագին գրադարանը. № 9. Մաթէօ Ֆալկօնէ. Մատնիչը. Լրտես. Ս. Պ. Բուրգ 1905. զ 7 կ.
- Արսէն Վ. Ղլտճեան, Նախագիծ Հայաստանեայց եկեղեցու սահմանադրութեան. Ալէքսանդրապոլ 1906 զ. 7. կ.

## ԳԻՏՈՒԹԻՒՆ ԵՒ ԱՐՈՒԵՍՏ

### Րէօնտգէնեան ճառագայթներ

10 տարի անցաւ այն օրից, ինչ որ Վիւրցբուրգի համալսարանի պրոֆէսոր Ֆրէդրիքս Կօնրադ Վիլհէլմ Րէօնտգէնը 1896 թ. յունուարի 23 ին առաջին հանգամ հասարակութեան ծանօթացրեց իւր գտած անյայտ ճառագայթների հետ: Եւ երբ ներկայ եղողները լուսանկարչական թիթեղի վերայ տեսան ճշտիւ նկարուած՝ այժմ հանգ. Կէլլիկէր պրոֆէսսորի ձեռքի ոսկրները-ամենքի համար պարզուեց, թէ այդ գիւտը ինչ մեծ նշանակութիւն պիտի ունենար բժշկականութեան դիագնօստիկի համար: Ժողովը որոշեց նորագիւտ ճառագայթները անուանել գտնողի անունով՝ Րէօնտգէնեան:

Դորանով հիմք դրուեցաւ մի նոր գիտութեան: Այդ ճառագայթներով այժմ կարողանում են տեսնել ոչ միայն ձեռքի ոսկորներն ու յօդերը, մարմնի մէջ մնացող գնդակն ու ասեղը, այլ և զարմանալի կերպով արտացոլում են լանջալանդակը, կողերով և անրակներով. նոյն իսկ պարզ կերպով նշմարւում են սրտի մկանների կծկումներն ու ընդլայնուիլը:

Րէօնտգէնեան ճառագայթների օգնութեամբ մենք կարող ենք տեսնել այժմ թէ կոտրած ոսկրները գիպսի փաթեթի մէջ կանոնաւոր են դասաւորուած թէ ոչ և որոշել ոչ միայն կոտրած տեղերը, այլ և ամենտեսակ ձգողութիւններ, դուրս ընկածները և ուռոյցները: Ատամի մի քանի տեսակ հիւանդութիւններ կարելի է որոշել միայն այդ ճառագայթներով: Շատ անգամ այդ ճառագայթներն են պարզում, որ ոսկրներն ու յօդերն անվնաս են, այլ հիւանդութեան պատճառը մարմնի փափուկ մասերումն է գտնւում, օր. զարկերակների պնդութիւնը. կրծքի վերաբերմամբ Րէօնտգէնեան ճառագայթները երբեմն որոշում են սրտի մեծութիւնը, երբեմն յաջողւում է պարզել փոփոխութիւնները: Իւ գեո. հետզհետէ նորանոր գործադրութիւն է ստանում նա:

Բայց Րէօնտգէնեան ճառագայթները միայն հիւանդութիւնը ճանաչելու չեն ծառայում, այլ նաեւ որպէս բժշկութեան միջոց:

Կարելի է շատերը չգիտեն իսկ, որ մի առանձին գիտութիւն էր կայ—Րէօնտգէնեան վիրաբուժութիւն։ Րէօնտգէնեան ճառագայթները ցոյց տուին և մի յատկութիւն, որ քայքայում են հիւանդ հիւսուածները, առաւել քան առողջները, որի պատճառով կարելի է բժշկել հիւանդ տեղերը, առանց առողջներին ձեռք տալու։ Այսպէս նաև նոցա շնորհիւ յաջողութեամբ բժշկում են զանազան մորթու վրայի հիւանդութիւններ և լէվկէմի կոչուած վտանգաւոր հիւանդութիւնը։ Րէօնտգէնեան ճառագայթները մեծ դեր են խաղում և խլիրդ (pax) ու նման հիւանդութիւններ բժշկելիս։ Ճառագայթների քայքայիչ ոյժը ներգործում է ուռոյցի վերայ։ Այդ տեսակ ուռոյցներ առաջ կտրում են դանակով և ապա մնացորդները ճառագայթներով քայքայում, ապագայ կրկնութիւններից ազատելու համար։ Բժշկւում են նաև այլ և այլ ուռոյցներ կամ փոքրացնում այնքան, որ հեշտ է լինում վիրահատելը։

Րէօնտգէնեան ճառագայթները դեռ մեծ ապագայ ունին բժշկականութեան մէջ և մօտագայ ապագան պէտք է փայլուն հետեանքներ տայ այդ նկատմամբ։

ՕՐ. ՆՈՒԱՐԴ ԱՂԱՆԵԱՆՑ.

## ՆԵՐՔԻՆ ՏԵՍՈՒԹԻՒՆ

Ռուսիայի արդի վիճակը: Հալածանք յիդափոխականների դէմ: Ամբողջ Ռուսիան պատերազմական դրութեան մէջ: Ձերբակալութիւններ եւ արսորներ: Տպարանների փակում: Լրագիրների դադարեցում: Մամուլի նոր օրէնքների վերափոխում: Տպարանները զրաքննչի պաշտօնում: Քաղաքական կուսակցութիւնների դէմ հալածանք: Սահմանադրական ռամկավարական կուսակցութեան վիճակը: Բէականի թուլանալը: Յուսատու լուրեր: Պետական գումայի գումարման օրը: Բարձրագոյն հրովարտակ: Դումայի անդամների ընտրութիւնը: Կովկասի մասնակցութիւնը դումայում: — Հայ-թիւրքական ընդհարումներ: Հաշտութեան պահանջը: Հաշտարար մասնաժողովներ: — Ներքին լուրեր:

Վերջին ամիսներում ուժգին կերպով արտայայտուած յեղափոխական շարժումը, որ բիւրօկրատիայի նորա դէմ մղած պայքարի շնորհիւ ծանր հետեանքներ ունեցաւ Ռուսաստանի թէ՛ բուն ժողովրդի, թէ՛ հպատակ ազգութիւնների և թէ՛ նոյն իսկ ռուս կառավարութեան համար, նոր տարուայ մուտքին զգալի կերպով թուլացաւ:

Կոմս Վիտտէն, որ սկզբում թուում էր կողմնակից ժողովրդական իրաւունքների և ազատութեան պաշտպան, որի ձեռքով ժողովրդեան շնորհուեցաւ հոկտեմբերի 17-ի հրովարտակը անձի, գոյքի, խօսքի ու մամուլի ազատութեան վերաբերեալ, նոյն կոմս Վիտտէն ձեռք ձեռքի տուած ներքին գործոց նախարար Դուրնովօի հետ, մէկէն ձեռքն առաւ աւելը և սկսեց Ռուսաստանը մաքրել յիդափոխականներից:

Ծայրահեղ կուսակցութիւնների չափազանց եռանդը ծնաւ մի այնպիսի կատաղի յետաշրջութիւն — բէական, որպիսին աներևակայելի մի երազ կարող էր համարուել դեռ մի երկու ամիս առաջ:

Թուենք դէթ համառօտակի, թէ ինչ կատարուեց յունուար ամսի ընթացքում:

Ամբողջ Ռուսիան յայտարարուեց պատերազմական դրու-

թեան մէջ և պաշարման վիճակում, ամեն տեղ նշանակուեցին գնհրալ-նահանգապետներ, որոնց հրամայուեց ամեն կերպ ճնշել յեղափոխութիւնը. ձերբակալուեցան ու քսորուեցան յեղափոխութեան պարագլուխ համարուածները և ուլ աւես, լրագրող և ինտելլիգէնտ, գրագէտ և ուսանող և այլն. անհատական և խմբական քսորուածների թիւը, մայրաքաղաքների լրագիրների ասելով, 75 հազարից անցաւ:

Փակուեցին բազմաթիւ տպարաններ, դադարեցրին 72 լրագիր, որոնց խմբագիրները կամ դատի մատնուեցան և կամ քսոր գնացին և այս ամենի վերայ՝ հեռագիրը լուր բերեց այս օրերս, որ նախարարական խորհրդում վերաքննութեան են ենթարկուած մամուլի այն օրէնքները, որոնք տրուեցան դեռ նոր, մի երկու ամիս առաջ. տրուած մասնաւոր ազատութիւնը համարուեցաւ ի չարը գործ դրուած և ենթադրոււմ է նոր օրէնք սահմանել, որով լրագիրների ամբողջ պատասխանատուութիւնը հրատարակիչներից անցնում է տպարանատէրերի վերայ, որ նշանակում է թէ ամեն մի թերթ սեպհական տպարան պէտք է պահի, որովհետեւ թր տպարանը յանձն կառնի գրաքննչի դեր կատարել և վերջապէս ի՞նչ միտք կայ զուտ առևտրական մի ձեռնարկութեան հետ կապել մի այդպիսի մեծ պատասխանատուութիւն: Մենք կարծում ենք այս առաջին քայլն է նորից գրաքննութիւն սահմանելու պարբերական մամուլի համար:

Քաղաքական կուսակցութիւնները, որոնք հոկտեմբերի 17-ի հրովարտակի հիման վերայ օրէցօր բազմանում էին և ամեն մէկն աշխատում էր աւելի ու աւելի պարզել իւր դրօշակը, բազմացնել իւր անդամների թիւը և ընդլայնել իւր գործունէութիւնը, վերջին հալածանքներից դուրս և կարծես հալուեցան, մէկը միւսի հետից սկսան անյայտանալ հրապարակից և այժմ հանգիստւած երևում են միայն մի քանի շատ չափաւոր կուսակցութիւններ. մինչև իսկ այն խիստ չափաւոր համարուած կուսակցութիւնը, սահմանադրական-առավարականը (конституционно-демократическая партия), որին պատկանելը պատիւ չէին համարում շատ շատերը, որի անդամներին «խուլիգան» մականունով էին մկրտում հասարակութեան մէջ և որին ջերմ կուսակից է և մեր երկրի կառավարութեան պաշտօնական օրդան «Կավկազ» լրագիրը, սկսել է վերջերս նկատուել որպէս անբարեյոյս կամ յեղափոխական կուսակցութիւն և մայրաքաղաքի թերթերից ու հեռագիրներից իմանում ենք երբեմն այդ կուսակցութեան այս բիւռօր

կամ մասնաճիւղերի փակուելը տեղական ոստիկանութեան ձեռքով և երբեմն այն, այնպէս որ դեռ ևս հաստատ չի կարելի ասել, թէ կառավարութիւնը ի՞նչ աչքով է նայում այդ կուսակցութեան վերայ, որի միակ հիմքն է Թագաւոր-Կայսեր հոկաեմբերի 17-ին յայտնած և մի քանի հրովարտակներով կրկնուած անդրդուելի կամքը:

Այսպէս էր յունուար ամիսը:

Բայց, ինչպէս երևում է, ըէակցիայի գործունէութեան այս եղանակը սպասուած արդիւնքը չտուեց. երկիրը չխաղաղուեց, ամեն կողմից լսում են նոյն սպանութիւնները, նոյն թալանները, հողային նոյն շարժումը գիւղական համայնքների կողմից և ազատարար շարժման օժանդակում է միւս կողմից մամուլը, չնայելով կատարուած անասելի ճնշումներին:

Վերջերս Պ. Բուրգում նկատուում է ըէակցիայի թուլանալը. գէթ այդպէս են խօսում այն լուրերը, որոնք գալիս են վերեից, ասում են լուր կայ, որ շուտով ամեն տեղից գինուորական դրութիւնը պիտի վերացուի, գնեւրալ-նահանգապետների լիազօրութիւնները պիտի կարճուին, լսել ենք նոյն իսկ, որ ընդհանուր ներում պիտի լինի բոլոր քաղաքական յանցաւորներին և վերջապէս, որ ամենից գլխաւորն է, յայտարարուած է վաղուց սպասուած Պետական Դումայի Սահմանադրական ժողովի գումարման օրը-ապրիլի 27-ին: Ահա թէ ինչ է ձայնում այդ մասին Բարձրագոյն հրովարտակը.—

«Ի նկատի առնելով, որ նահանգների մեծ մասում շուտով վերջանալու են ընտրական ցուցակներ կազմելու նախապատրաստական աշխատանքները և այդ հիման վերայ ներկայումս արդէն պարզուած է, թէ երբ կարելի կլինի Պետական Դումայի անդամների ընտրութիւնները կատարել, հրամայում ենք Պետական Դումայի գումարումը նշանակել 1906 թուի ապրիլի 27-ին: «Նիկոլայ»: 12 փետրուար 1906 Յարսկոէ Սէլո:

Իսկ նոյն օրը, մի այլ հրովարտակով փոխուած է այն օրէնքը, որով Պետական-Դումայի անդամները պիտի ընտրուէին ամեն տեղ միևնոյն օրը և թոյլ է տրուած զանազան օրերում կատարել ընտրութիւնը հնար եղած չափով:

Դումայի անդամների ընտրութիւնը կատարուում է գրեթէ ամենուրեք Եւրոպական Ռուսաստանում, որտեղից ենթադրուում է ունենալ 350 անգամ. թէպէտ վերջերս ստացուած մի հեռագրից երևում է, որ ծայրայեղ կուսակցութիւնները հրաժարուում են մասնակցել ընտրութիւններին և մտադիր են բոյկոտ հրատա-

նակել:

Կովկասի մասնակցութիւնը Դումայում որոշուած է փետրուարի 2 ին հրապարակուած հրովարտակով, որից քաղուած ենք հետեւեալ համառօտ տեղեկութիւնները.—

Բազուի նահանգը. Բազու քաղաքը 1 հոգի, միւս գաւառներն ու քաղաքները 2 հ. Բաթումի ու Սուխումի շրջանները՝ 1. Դաղստանի շրջանը՝ 1: Չաքաթալայի շրջանը՝ 2: Գանձակի նահանգը՝ 3: Կարսի շրջանը 1. Կուբանի շրջանը և Սև ծովեան նահանգը՝ 6: Քուլթայիսին 3:

Թիֆլիսի նահանգ. Թիֆլիսը 1. միւս քաղ. և գաւառները՝ 3: Երևանի ն. 3:—27 պատգ. ընտրութիւններն սկսելու ժամանակը որոշելը թողնուած է Փոխարքայի բարեհայեցողութեան:

Թէ ինչ է լինելու իսկապէս Պետական Դուման և թէ կարող է նա խաղաղութիւն ու կարգ հաստատել ամիսներից ի վեր արեան մէջ հեղեղուող ժողովրդի մէջ, այդ մասին դեռ վաղաժամ է խօսելը, այդ կցոյց տայ մօտիկ ապագան: Կապրենք ու կտեսնենք:

Մեր ներքին կեանքը մի առանձին փոփոխութիւն չէ ներկայացնում վերջին ամիսները. 1905 թուականը, որ Հայ ժողովրդի դժբաղդ պատմութեան ամենից սև էջը պիտի կազմէ իւր՝ հայ ազգին բերած անլուր խժգժութիւններով ու թրքական վայրագ բարբարոսութիւններով, 1906-ին ժառանգութիւն թողից թուրքական անհատական ոպանութիւնները և դուրս փոխարէն՝ հայի անվեհերութիւնն ու քաջասրտութիւնը:

Հայ գիւղացին, հայ երիտասարդը, հայ կինը, թողին իրենց մաճն ու գութանը, ասեղն ու իլիկը և անխտիր զէնք վերցրին և աշխարհ զարմացրին: Եւ... թուրքը զգաց վերջապէս հաշտութեան կարևորութիւնը: Այժմ արդէն հաշտութեան դար է. ամեն կողմից հաշտութեան կոչեր.— Պ. Բուրդի հայ և թուրք ուսանողութիւնը 20 հոգուց հաշտարար պատգամաւորութիւն ուղարկեց ընդհարման վայրերը, Կովկասեան Փոխարքայի նախաձեռնութեամբ հայ-թուրքական մի համակովկասեան մասնաժողով ընտրուեցաւ, որ արդէն սկսել է իւր գործունէութիւնը են են:

Բայց մեզ համար ամենից գլխաւորը և յուսատուն այն հանգամանքն է, որ կառավարութիւնը ինքն էլ արդէն տրամադիր է երևում այս՝ անողորմ կերպով տեղի ունեցող հայկական կոտորածին վախճան տալու. Փոխարքան այդ մտքով հրահանգներ է ուղարկել պեներալ-նահանգապետներին: Եւ այժմ արդէն,

երբ կառավարութիւնը կամք ունի վերջ տալու, մենք համոզուած ենք, որ այժմ, այժ, կղաղարի այդ կոտորածը:

Սպասենք և յուսանք:

### ՆԵՐՔԻՆ ԼՈՒՐՆՐ

■ Հայոց պրօգրմնագիրա. Կովկասի փոխարքան թոյլ է տուել առևտրական կուրսերի հիմնադիր Ն. Աբրամեանցին բանալ թիֆլիսում մասնաւոր Հայոց պրօգրմնագիրա պետական դրպրոցների ծրագրով, բայց բոլոր առարկաների հայոց լեզուով դասաւանդութեամբ, բացի ուսաց լեզուից, ուսւ. պատմութիւնից ու աշխարհագրութիւնից, իսկ առանց որևէ իրաւունքների:

■ Երևան քաղաքի հաւ և թուրք ազգաբնակութեան լիազօր ընտրեալները 1906 թուի փետրուարի 13-ին կապել են իրենց մէջ դաշնագրութիւն նոր յարձակումների առաջն առնելու նպատակով:

■ Պետերբուրգի հայոց եկեղեցիների խորհուրդը վճռել է Կովկասի հայոց աղէտներից վնասուածներին օգտին յատկացնել 100,000 ռուբլի, որպիսի որոշումը արդէն հաստատել է թեմի Առաջնորդ Տ. Ներսէս արքեպիսկոպոսը:

■ Անցեալ համարում մենք յայտնել էինք, որ Հ. Բենիկ վարդապետը նշանակուած էր թիֆլիսի կոնսիստորիայի գործերի վերայ քննիչ. սինօդի այդ կարգադրութիւնը անմիջապէս փոխուեցաւ Վիհի հրամանով և Հ. Բենիկը ուղևորուեց իւր պաշտօնատեղին՝ Բիշնև:

■ «Новое Общество» լրագիրը գեներալ Նահանգապետի կարգադրութեամբ դադարեցրած էր յունուարի 24-ից մինչև փետրուարի 15-ը, որից յետոյ թերթը սկսաւ կանոնաւոր լոյս տեսնել:

■ «Դիտակ» շաբաթաթերթի վերջին համարներում, որ հրատարակուած է թիֆլիսում պ. Հայկ Տէր-Աստուածատրեանցի խմբագրութեամբ «Մատենագէտ» ամսագրի փոխարէն, հրատարակուած են մի շարք մերկացումներ մեր հինաւուրց Դպրոցի՝ Ներսիսեան ուսումնարանի մասին, որոնց վերայ հրաւիրուած ենք Դպրոցի ս. Նախագահի և Հոգաբարձութեան ուղղութիւնը:

■ Թիֆլիսի քաղաքային դուման իրաւասու պ. Ա. Բաբեանի առաջարկութեամբ որոշեց քաղաքային ուսումնարանները վերափոխել նախկին փոխարքայի 1881 յունուարի 13-ին

հաստատուած ծրագրի Դասականութիւնը լինելու է մայրենի լեզուով, այն է ոռւսաց զուգընթացների հետ բացուելու են ուրիշ զուգընթացներ, ուր առարկաների դասականութիւնը լինելու է հայոց, վրաց և մասամբ թուրք լեզուներով:

— Լրագիրները հաղորդեցին, որ քաղաքային ապահովագրող ընկերութիւնը որոշել է Ներսիսեան հին դպրոցի այրուած շինութեան համար վճարել 47,000 ուրբի: Կարող ենք հաստատապէս ասել, որ ընդհակառակը, ընկերութիւնը մերժել է արև է վարձատրութիւն տալ դպրոցին:

## ԱՐՏԱՔԻՆ ՏԵՍՈՒԹԻՒՆ

ՆՇԱՆԱՒՈՐ ԵՒՐՈՊԱՅԻՆԵՐԻ ԽՆԴՐԱԳԻՐԸ ՆԱԽ.  
ՌՈՒԶՎԵԼԹԻՆ

«Տէր—համարձակութիւն կառնենք զիմելու ձեզի, ի նպաստ վեհ դատի մը հայցելու այն բարձրապէս բարոյական և քաղաքական աղղեցութիւնը, որ դուք ունիք իբրև պետը Մ. Նահանգներու մեծ հանրապետութեան, եւ անձնական հեղինակութիւնը որը դուք ձեռք բերած էք շնորհիւ ձեր յարատեւ ջանքերուն ազգերու միջև խաղաղութիւնը պահպանելու կամ վերահաստատելու համար:

«Ձեռք տարակուսիր, որ դուք ալ մեզի պէս խորապէս զգացուած էք եղբրական վիճակովը հայ ժողովուրդին, որուն ծագումը նոյն է ինչ որ մերը, և որ խաղցած է կարևոր դեր մը քաղաքակրթութեան զարգացման համար հին ժամանակներէ ի վեր: Այդ ժողովուրդը հիմա հասցուած է յուսահատութեան և բնաջնջումի սպառնալիքի տակ է շնորհիւ տգիտութեան և բռնութեան որ անոնց վրայ կը ծանրացնեն անպատիժ կերպով՝ անոնք շրջապատող բարբարոս միւսլիման ցեղերը, որոնք աւելի քան տասը տարի է որ հետամուտ եղած են անոնց բնաջնջումին: Այդ դժբախտ գաւառները բնակող կամ այնտեղէն անցնող եւրոպացիներու և ամերիկացիներու վկայութիւնը, և անոնց քով պաշտօնավարող զիւանագիտական գործակալներու պաշտօնական տեղեկագրերը միաբան են այդ նիւթին վրայ, և վկայութիւն կուտան ամենէն ճշգրիտ և սրտաճմլիկ մանրամասնութիւններու: Այս պահուս հայ ժողովուրդին համար չիկայ ապահովութիւն գոյքի, կեանքի, մարդու, կնոջ ու երեխայի պատուի, քանի որ միշտ սպառնալիքի տակն են կողոպուտի, առևանգումի և ջարդի՝ Ասիան աւերող կազմակերպուած աւազակներու երեսէն:

Եւրոպայի համար ամօթ մըն է, կրնայինք աւելցնել, Ամերիկայի համար ալ, թոյլ տալ որ շարունակուի ոճիւրի և անիշխանութեան այսպիսի վիճակ մը, որ, թող նորէն յիշենք, մեր սեփական քաղաքացիներուն ալ կը դաչի: Մէկէ աւելի եւրոպացի և ամերիկացի կողոպտուած, խոշտանգուած կամ սպանուած է համիտին, քիւրտ, կամ թաթար խումբերու ձեռքով: Այդ աւագակախուածներու գազանային վայրագութեան թողուած այդ գաւառներուն մէջ, քրօնիկ վտանգ կը սպառնայ նաև արեւտուրի, ճարտարարուեստի և մարդկային կեանքի շահերուն, որ ազգութեան ալ պատկանին բնակիչները:

«Ասոնք են, տէր, պատճառները ձեզի դիմենուա, թախանձելով որ դուք ձեզի պատշաճ երեցած միջոցներով ու չափով, և իբրեւ հեղինակաւոր արտայայտիչը քաղաքակիրթ ազգերու կարծիքին, ձեռք առնէք խնդիրը այն կառավարութիւններուն քով, որոնց երկիրներուն մէջ վայրենութեան այս տեսարանները տեղի կունենան: Մենք կը համարձակինք յուսալ, որ ձեր համակրանքին արտայայտութիւնը յօժարութեամբ պիտի ընդունուի Ռուսիոյ Չարին կողմէ, որ այնքան բուռն կերպով հռչակեց իր մարդկայնական մտադրութիւնները և բաղձալք արտայայտեց որ անոնք նուիրագործուին միջազգային հաւանութիւնով: Մենք կոչ կընենք ձեզի միջոցներ ձեռք առնել Եւրոպական պետութիւններու ներդաշնակութիւն մը առաջ բերելու, ձեռք բերելու նպատակով Օսմանեան կայսրութեան հպատակներուն համար հանրային խաղաղութեան և կարգի հպատակներուն համար հանրային խաղաղութեան և կայսրութեան գլխուն այն վիճակը, որուն չգոյութիւնը այդ կայսրութեան գլխուն բերած է այնքան աղետներ, սպառնալով անոր կատարեալ ջնջումի վտանգը: Մենք խաղաղութեան մարդիկ ենք և համաձայնութեամբ ենք որ ի դուր կոչ չենք ըներ ձեզ, նախատուած մարդկութեան անունով: Այդպիսի միջոցներով մեր ընդհանուր մարդկութիւնը նոր պարտք մը ևս պիտի ունենայ ձեզի՝ եղախաղաղութեան և հիացումի»:

Ստորագրած են

Անգղիայէն 121, Ֆրանսայէն 86, Պելճիգայէն 76, Իտալիայէն 43, Տաւրիմարբայէն 23, Զուիցերիայէն 9, Նորվեգիայէն 4, Գերմանիայէն 2, Շուէտէն 3, Աւստրիայէն 2, Հոլանտայէն 1 անձնաւորութիւններ:

«Իրազմիկ»

## ՇՐՋԱՐԵՐԱԿԱՆ

Հայ ոչ-յեղափոխական ընկերութեանց  
վարչական ժողովներուն

Բոլոր ոչ-յեղափոխական ընկերութեանց մէջ յարաբերութիւն հաստատելու և ապագային նոյն իսկ պատգամաւորական ժողով գումարելու դիւրութիւն ընծայելու համար, Բարիդի հայ Աշխատ. Միութեան վարչական ժողովս կը խնդրէ բոլոր ոչ-յեղափոխական ազգային ընկերութեանց վարչական ժողովներէն որ, եթէ կարելի է, մինչև երկու ամիս, բարեհաճին իրեն ղրկել իրենց պաշտօնական հասցէն և մէկ օրինակ կանոնագիր:

Վարչական ժողովս հրատարակութեան պիտի տայ իրեն հասած ընկերութեանց անուններն ու հասցէներն ի գիտութիւն բոլոր միւս ընկերութեանց և պիտի ղրկէ ամենուն մէկ օրինակ իրեն կանոնագրէն:

Միութեանս հասցէն է. Mr le President de l'Union des  
Travailleurs Armeniens de Paris

96 B-d Picpus  
Paris

Բարիդի հայ Աշխատ. Միութեան  
վարչական ժողով

26 Յունուար 1906 թ.

## ՀԱՅՆԷՒ ՅԻՇԱՏԱԿԻՆ

50 տարի առաջ Փարիզում, հեռու իր հայրենիքից, վաթաճանուեց Եւրոպայի նոր գրականութեան հռչակաւոր ներկայացուցիչներից մէկը, Հենրիխ Հայնէն: Մահը ազատեց նրան տաժանելի տանջանքներից: Նրա բնաւորութիւնը երկար ժամանակ կռոււմ էր օրհասական տկարութեան հետ և օգտուելով ամեն վայկեանից՝ սթափոււմ էր, որպէսզի նորից փայլի իբ փայլով: Չայրոյթը, սրամտութիւնը, բանաստեղծական ոգին, այս բոլորը բռնկոււմ էին, երբ ցաւերը գէթ մի փոքր թեթեւանում էին և մահուան մինչև վերջին օրերը նա չղաւաճանեց ոչ իր բանաստեղծական կոչին և ոչ էլ իր հայրենիքին:

«Թուղթ և մատիտ» ասաց նա մահուան նախընթաց օրը 1856 թուի փետրուարի 16-ին (ն. տ.). այս ղէպից 3 օր առաջ աշխատեց 6 ժամ շարունակ, բայց նրան էլ չյաջողեց իրագործել իր փափագը. գրիչը վայր ընկաւ ձեռքից, գրութիւնը սկսեց արագ կերպով վատանալ և միւս առաւօտ հոգին աւանդեց:

Ներոպայի զանազան քաղաքներում այսօր յիշում են տաղանդաւոր բանաստեղծին, յիշում է և գերմանացի ժողովրդի գիտակցող մասը: Նրանք հասկանում են, որ Հայնէի անունը պատկանում է այն անուանց շարքին, որոնցով պարծենում է գերմանացի ժողովուրդը: Գերմանական գրականութեան այժմեան յառաջադէմ ներկայացուցիչները, ինչպէս օրինակ Հաուպտմանը և այլն, իրանց Հայնէյի հետեւողներ են անուանում:

Եթէ Անգլիայում դեռ ևս չեն կարողանում գնահատել Բայրոնին, եթէ Բելգիայի մեռած քաղաքը յամառ կերպով հրաժարւում է իր տաղանդաւոր երգիչ Րոդենբախից, իսկ անցեալ դարերում Ֆլօրենցիան տեական աքսորանքի դատապարտեց իր լաւագոյն քաղաքացի Դանտէին, Գերմանիայումն էլ դեռ չէ դադարել այն վէճը, թէ Հայնէն իսկապէս արժանի է այդ հռչակին և ժողովրդականութեան, թէ վնասակար և անբարոյական հեղինակ է:

Այդ վէճերի շնորհիւ մինչև այժմ Հայնէին արձան չէ դրուած, մինչդեռ շատ երկրորդական գործիչներ արժանացան այդ փառքին:

Այժմ, 50-ամեակի առթիւ, Հայնէյին Գերմանիայում արձան կառուցանելու հարցը նորից է բարձրացրած: Ցանկանք որ իրագործուած տեսնենք այդ բարի միտքը. այդ մտադրութեան իրագործելը շատ կ'սկածելի է թւում այն դէպքից յետոյ, երբ իր հարազատ քաղաքն անգամ մերժեց Պիր հրապարակներից մէկի վրայ յարմար տեղ յատկացնել նորա արձանի համար:

ՕՐ. ՆՈՒԱՐԴ ԱՂԱՆԵԱՆՑ

## ՄԱՂՊՈՅԺ

### 1. ԲԺ. ԼԵՒՈՆ ՏԻԳՐԱՆԵԱՆՑ

«Նոր-Դար»-ում տպուած հեռագրից իմանում ենք, սր փետր. 16-ին Երևանում վախճանուել է մեր աշխատակից ԲԺ. Լևոն Տիգրանեանը, որ յայտնի էր որպէս հասարակական գործիչ և գրականագէտ:

Հանգուցեալը երկար տարիներ վարել է Երևանի քաղաքային իրաւասուի և Հայոց թեմական Դպրոցի հոգաբարձուի պաշտօնները. 1891-ին ընտրուեց քաղաքագլուխ, բայց մի տարի վարելուց յետոյ աքսորուեց Ռուսաստանի խորքերը:

Դրականութեան մէջ նա յայտնի է որպէս խմբագրող «Առողջապահական թերթ» ամսագրի և իբրև աշխատակից հայ թերթիցի. նա մի ժամանակ աշխատակցում էր «Մուրճին», ուր տպեց Դէօթէի «Փառուստի» և «Էգմօնտի» թարգմանութիւնները, իսկ վերջին 5—6 տարի նա աշխատակցում էր «Լուսաշին», ուր նորա գրուածներից աչքի են ընկնում Տօրկուատօ Տասսօի թարգմանութիւնը և Դօրպատի հայ ուսանողների մասին իւր յիշողութիւնները, իսկ այս համարում մենք տպուած ենք նորա մի ընդարձակ «ուղևորութիւնից» մի հատուած «Մըրիկը Մասիսի վրայ», իսկ հետեւալում կտանք մի այլ հատուած «Ծիծեռնակաբերդը» վերնագրով, իսկ ամբողջ աշխատութիւնը մենք վերադարձրինք իրան հեղինակին իւր ցանկութեամբ քանի մի փոփոխութիւններ մտցնելու համար:

Հանգ. Տիգրանեանցը տպած ունի առանձին գրքերով նաև մի քանի աշխատութիւններ, որոնցից գլխաւորն է Հուգօ Պօլի «Բժշկարանի» թարգմանութիւնը իւր բազմաթիւ փոփոխութիւններով ու յաւելուածներով:

Մենք կաշխատենք մի այլ անգամ երկար խօսել այդ եռանդուն և յիշատակի արժանի գործչի մասին:

## 2. ՄԱԿԱՐ ԵՊԻՍ. ԲԱՐԽՈՒՏԱՐԵԱՆՑ

Փետրուարի 6-ին, էջմիածնում վախճանուեց Մակար եպս-  
 ֆարխուտարեանցը: Հանգուցեալը Արցախի խնածախ գիւղացի  
 էր, նա իւր ուսումն առել էր Շուշում և երիտասարդ  
 հասակում գնացել էր Երուսաղէմ, ուր աշակերտելով հանգ.  
 Մելքիսեդեկ արքեպիս. Մուրատեանցին՝ ձեռնադրուեցաւ վար-  
 դապետ, որից յետոյ վերադառնալով հայրենիք երկար ժամանակ  
 քարոզչի պաշտօնով շրջում էր հայրենի գիւղերում: Նա  
 միաժամանակ պարապում էր և գրականութեամբ. դրած ունի  
 մի շարք կրօնական և պատմական երկեր, վերջիններս որպէս  
 արդիւնք իւր բազմամեայ ուղևորութեան Սիւնիքում,  
 Արցախում և առհասարակ Աղուանից աշխարհում: Սոցանից  
 գլխաւորներն են «Աղուանից երկիր և դրացիք», «պատմութիւն  
 Աղուանից» երկու հատոր, որի երկրորդ հատորը դեռ մամուլի  
 տակ, է, «Գաղտնիք Ղարաբաղի» և այլն: Ունի և մի քանի  
 գրուածներ Ղարաբաղի բարբառով, օր. «Արաղը տարին կտարի»  
 և այլն:

Մակար եպիսկոպոսը վարեց և եկեղեցական բազմաթիւ  
 պաշտօններ, ինչպէս սինօդի անդամութեան, առաջնորդու-  
 թեան և այլն:

ՀԱՅ

## ԽՄԲԱԳՐՈՒԹԵԱՆ ՊԱՏԱՍԻԱՆՆԵՐ

Շուշի. Ա. Գեանջեցեան.—Ձեր «նոր կեանքի շէմքին» դրաման  
 ստացանք: Ձեզ նամակ կգրենք այդ մասին:

Կարս. Բ. Թորոյեան.—Կարլ Կաուցկու «Ֆրիդրիխ Էնգէլսի  
 յիշատակին» երկի թարգմանութիւնը ստացանք:

Փարիզ. Հայ Աշխատ. միութեան վարչութեան.—Ձեր կոչը  
 ստացում ենք, իսկ ձրի «Լուծայս» անկարող ենք ուղարկել  
 և վերջապէս որ մէկին ուղարկենք ձրի. ամեն մի  
 վճարող բաժանորդին մի օրինակի էլ ձրի պատուէր ենք  
 ստանում. այդ մասին կարող է միայն հասարակութիւնը  
 մտածել և ոչ մի խմբագրութիւն, որ ամենայն տնտեսու-  
 թեամբ հազիւ կարողանում է ծայրը ծայրին հասցնել:

Թիֆլիս. Աբիս. Յովհ.—Ստացանք Արտուր Լէյստի «Նինօ Վա-  
 րիպանիձէ» պատմութեան թարգմանութիւնը:

Մ. Նախ.—Տ. Շողուեանց.— Ստացանք ձեր բանաստեղծութիւնը:

Ալէքսանդրապոլ. Գ. Մոճոռեանց.—Անցեալ տարի խմբագրութեանս ներկայացրած Ձեր աշխատութիւնը «Մամիկոնեան առիւծը» սկսեցինք շարել և տպել այս №-ի համար, երբ մեզ լուր տուին, որ նոյնը տպուելու է «Տարազի» այս շաբաթուայ համարում, որին նոյնպէս ուղարկած էք եղել, առանց մեզանից յետ ստանալու բնագիրը և կամ յայտնելու, որ մենք այլ ևս չտպագրենք: Ձեր այդ վարձունքը բաւականաչափ դրամական ֆնաս պատճառելուց զատ խմբագրութեանս՝ դեռ ուշացրեց այս համարի հրատարակութիւնը, որովհետև ստիպուած եղանք կատարելապէս փոփոխել համարը և երկու մամուլ նորից շարել ու տպել:

«Առւմայի» խմբագրութիւնը պարտք է համարում իւր սրտագին շնորհակալութիւնը յայտնել այն ամենին, որոնք հաճել էին շնորհաւորել «Առւմայի» տասնամեակը:

Շուշի. Նիկ. Վ. Տէր-Աւետիքեան. Վերջին ըոպէին ստացանք Ձեր յօդուածը: Կկարգանք և կպատասխանենք:

Թիֆլիս. Ա. Վար.—ին.— «Մշակի» այն համարը, որի մէջ թերթիս խմբագրի «գրագէտների միութեան» նախագահ լինելու մասին նկատողութիւն է եղել տպուած, խմբագրութիւնը բարւոք չէ համարել մեզ ուղարկել: Մենք այլ ևս ոչ մի պատասխանի չենք արժանացնի նոցա, մինչև որ մեր պահանջած՝ հասարակական դրամների և գոյքերի հաշիւները չեն տայ այդ պարոնները: Ոչ մի «մանեօվր» չի ազատի նոցա այդ պատասխանատուութիւնից:

აქვე გამოცემის

открыта подписка на 1906 годъ.

на газету

## „Тифлисскій Листокъ“

XXXI ГОДЪ ИЗДАНИЯ

Въ 1906 году газета «ТИФЛИССКІИ ЛИСТОКЪ» будетъ выходить, какъ и раньше, ежедневно кромѣ дней послѣпраздничныхъ и понедѣльниковъ, по прежней полной программѣ газеты политико-общественной и литературной, но безъ предварительной цензуры

ПОДЪ НОВОЙ РЕДАКЦІЕЙ

и при усиленномъ и обновленномъ составѣ постоянныхъ сотрудниковъ

Выступая на защиту общенародныхъ идеаловъ гражданской свободы, новая редакція будетъ проводить на страницахъ «Тифлискаго Листка» идею наиболѣе широкаго осуществленія въ политико-государственной жизни всей Россіи демократическаго, представительнаго образа правленія. Но своей ближайшей задачей новая редакція ставитъ служеніе интересамъ Закавказья и всѣхъ его народностей. Признавая за каждой изъ нихъ неотъемлемое право на всестороннее культурнонаціональное самоопредѣленіе, «Г. Л.» будетъ настаивать и организациі общекавказскаго самоуправленія съ представительнымъ всенароднымъ сеймомъ въ составѣ выборныхъ делегатовъ отъ разноплеменнаго населенія края, неразрывно связаннаго съ Россіей общегосударственными установленіями и законами.

подписная цѣна

Съ доставкой въ Тифлисъ:

на 12 мѣс.—5 р., на 11 м.—4 р. 75 к. на 10 м.—4 р. 50 к., на 9 м.—4 р. 25 к., на 8 м.—4 р., на 7 м.—3 р. 50 к., на 6 м.—3 р., на 5 м.—2 р. 50 к., на 4 м.—2 р. 25 к., на 3 м.—1 р. 75 к., на 2 м.—1 р. 50 к., на 1 м.—75 к.

Съ перес. въ другіе города:

на 12 мѣс.—7 р., на 11 м.—6 р. 50 к., на 10 м.—6 р. на 9 м.—5 р. 50 к., на 8 м.—5 р., на 7 м.—4 р. 50 к. на 6 м.—4 р., на 5 м.—3 р. 50 к., на 4 м.—3 р., на 3 м.—2 р. 50 к., на 2 м.—2 р., на 1 м.—1 р.

Съ пересылкой за границу:

на 12 мѣс.—12 руб., на 11 м.—11 руб., на 10 м.—10 руб.  
на 9 м.—9 руб., на 8 мѣс.—8 руб., на 7 м.—7 руб., на  
6 м.—6 руб., на 5 м.—5 руб., на 4 м.—4 руб., на 3 м.—  
3 р. 50 к., на 2 м.—2 р. 50 к., на 1 м.—1 р. 50 к.

ПОДПИСКА ПРИНИМАЕТСЯ на любой срокъ, но только съ 1-го  
числа каждаго мѣсяца, исключительно въ конторѣ изданія,  
Головинскій проспектъ № 3.

ПЛАТА ЗА ОБЪЯВЛЕНИЯ: для Закавказья за мѣсто, занимае-  
мое строкой петита передъ текстомъ—10 коп. и послѣ текста—5  
коп. Извѣщенья о зрѣлищахъ печатаются на первой страницѣ по  
20 коп. за строку и на 4—по 10 коп. За объявленія въ справоч-  
номъ отдѣлѣ взимается по 8 коп. за строчку. Объявленія въ пре-  
дѣловъ Закавказья принимаются исключительно въ центральной  
конторѣ торговаго дома Л. и Э. Метцль и К<sup>о</sup> въ Москвѣ, Мясниц-  
кая, д. Ситова и въ отдѣленіяхъ его—въ С-Петербургѣ, на Боль-  
шой-Морской, № 11; въ Варшавѣ, Краковское предместье, № 53  
по 24 к.—передъ текстомъ и 12 коп. послѣ текста.

ՀԱՅՈՒԱԾ Է ՆԵՐԿԱՅ 1906 Թ. ԲԱԺԱՆՈՐԴԱԳՐՈՒԹԻՒՆԸ

**ԱՂԲԻՐ** աղբիւրի նպատակն է զարթացնել և  
զարգացնել հայ երեսնայի մէջ բարի նա-  
խանձ դէպի վսեմն ու ազնիւը և ատելութիւն դէպի չարն ու  
վնասակարը: Աղբիւրը իր մատաղ ընթերցողների արտերում  
ցանում է գթութեան, ինքնաճանաչութեան, անվեհերութեան  
սերմեր:

**ՏԱՐԱԶ** Տարազը Աղբիւրի հասունացած սաների  
խնդակցութեան և վշտի արտայայտողն է:  
նրանց մտքերի զգացումների թարգմանը:

Տարազը ձգտում է առաջագիմութեան ուղիղ ճանապարհով  
ընթացողը, առաքինութեամբ օժտւած գիտութեան անշէջ լու-  
սով զարգացած, հայրենասիրութեամբ բորբոքւած հայ անդամ-  
ներ սնուցանել,

XXIV մանկական պատկերազարդ ամսագրի XXIV  
էի

XVII պատկերազարդ շաբաթաթերթի XVII  
Աղբիւր եւ Տարազ միեւնոյն հասցէով բաժանորդներին ծրի  
տրուելու են: Առողջապահիկ, Գեղափնջիկ, Դաստիարակ եւ  
Միլիտարասիօն, որոնց համար առանձին բաժանորդագրութիւն  
առայծա իրաւունք չենք համարում մեզ բանալ, քանի որ մեր  
երկիրը քաօսի մէջ է: Աղբիւր-Տարազ միեւնոյն հասցէով  
բաժանորդ գրողը կըստանայ հետեւեալ №-ի հետ 1906 թ.  
մեծադիր, հատուածական, պատի օրացոյց, բաղկացած 370  
թերթից:

Աղբիւրի տարեկան բաժանորդագիրը 3ր. (Արտասահման 5 ռ.)  
Աղբիւր-Տարազ 10 ռ. (Արտասահման 18 ռ.) Տարազ 6 ռ.  
Հասցէն՝ Թիֆլիս, Редакция АГБЮРЪ կամ ТАРАЗЪ, Tiflis  
(Caucase) Redaction AGBUR կամ TARAS

Խմբագիր-հրատարակիչ Տիգրան Մազարեան.

Հոյս տեսաւ  
Ս. ԳՐԻԳՈՐ ԼՈՒՍՆԱՌԲԻ  
(նկար Նղիշէ Թադէոսեանի)

իւղատիպ մեծադիր պատկերը (96×66 սանտ.)  
տպուած Հայպցիգի էմիլ Պինկաունշանաւոր  
պորժարանում 14 զոյնով:

Գինն է առանց ճանապարհի ծախքի 3 ռ.

Միևնոյն պատկերը, տպուած միևնոյն դիր-  
քով **ԿՏԱԻԻ** վերայ, վաճառուում է իւրաքան-  
չիւր օրինակը 15 ռուբլիով: Ցանկացողները  
կարող են դիմել մեզ, ուղարկելով պատկերի  
արժէքը:

ԳԻԻՏ Ա. ՔԱՀ. ՄԱՆԵԱՆՅ

„ՆՈՐ-ԴԱՐԻ“

բաժանորդագրութիւն

Թերթի վարչութիւնը որոշել է «Նոր-Դար»-ի սոյն  
տարուայ վերջին (հոկտ., նոյեմբ. և դեկտեմբ.) ամիս-  
ների համարները ՁՐԻ ուղարկել նրանց, որոնք ցանկա-  
նում են «Նոր-Դար»-ին բաժանորդ գրուել առաջիկայ  
1906 թուականին հետևեալ պայմաններով:

1) Այժմէն 1906 թ. համար բաժանորդ գրուողը  
վճարում է 10 ռուբլի բաժանորդագինը և այս տարուայ  
համարների էքսպեդիցիայի համար 50 կոպէկ և ստանում  
է բաժանորդ գրուելուց յետոյ այս վերջին երեք ամի-  
սուայ ընթացքում լոյս տեսնող համարները ՁՐԻ:

2) Նրանք որոնք չեն կարող միանուագ վճարել տա-  
րեկան բաժանորդագինը, կարող են բաժանորդ գրուելիո  
ուղարկել 5 ռուբլի և 50 կոպ., իսկ դեկտ. վերջումը մնա-  
ցորդ 5 ռուբլին և կըստանան այս վերջին երեք ամիսու  
ընթացքում լոյս տեսնող համարները ՁՐԻ և առաջիկայ  
1906 թուականի համարները մինչև տարուայ վերջը:

Հասցէն՝ Тифлисѣ, редакция „Норъ-Даръ“.

Հոյս տեսաւ և վաճառուում է

ՊՐՕՖ. Ա. ԿՐԻՄՍԿՈՒ

ՄԵԼՄԵԴԻԿԵՆ ԵՇԼԵՐՆԵ ՈՒ ՆՈՐ ԵՊԵԳԵՆ

Թարգմ. Բաբգէն վարդապետի

գինն է 60 կոպ.: Դիմել՝ Թիֆլիսի գրավաճառներին և  
թարգմանողին՝ էջմիածին:

Մօտ ապագայում Թիֆլիսում կսկսենք հրատարակել

## ՀԱՅՐԵՆԻՔ

ՀԱՆՐԱՅԻՆ, ԳՐԱԿԱՆ ԵՒ ՔԱՂԱՔԱԿԱՆ ԱԶԳԱՅԻՆ ՕՐԱԹԵՐԹԸ

Եւ **ՀԱՅՐԵՆԻՔ** շաբաթաթերթը

հետևեալ ծրագրով

1. Պետական կարգադրութիւններ: Հեռագիրներ:
2. Առաջնորդող յօդուածներ հանրային հարցերին վերաբերեալ:
3. Ներքին տեսութիւն:
4. Արտաքին տեսութիւն:
5. Ֆէլիէտօն:
6. Դպրոց և մանկավարժութիւն:
7. Մամուլի տեսութիւն:
8. Մայրենագիտութիւն և գրախօսութիւն:
9. Գեղեցիկ գրականութիւն և ճանապարհորդութիւններ:
10. Գիտութիւն և արուեստ.
11. Թատրոն և երաժշտութիւն:
12. Օրագրութիւն:
13. Թղթակցութիւններ:
14. Արդիւնաբերութեան տեսութիւն:
15. Տեղեկագիր:
16. Խմբագրութեան պատասխաններ:
17. Յայտարարութիւններ:
18. Պատկերներ և ծաղրանկարներ:
19. Զանազան յաւելուածներ առանձին գրքոյկներով:

ԱՄԺՆԷԳԻՆ

| օրաթերթի                    |   | շաբաթաթերթի    |
|-----------------------------|---|----------------|
| Տարեկան 6 ռուբլի            | . | 3 ռուբլի       |
| 6 ամսուան 3—50 կ.           | . | 1—50 կոպ.      |
| 3 « —1—80—                  | . | —75 »          |
| 1 « —75—                    | . | —25 »          |
| առանձին համարը 3 կոպէկ.     | . | 7 »            |
| Արտասահման՝ տարին 20 ֆրանք. | . | տարին 10 ֆրանք |

Խմբագիր՝ Գիւտ ա. ք. Աղանեանց  
Հրատարակիչ՝ Օր. Նուարդ Աղանեանց

Խմբագրութեան հասցէն՝ Тифлисъ, Полицейская, 7.

Թէ օրաթերթի և թէ շաբաթաթերթի հրատարակութեան վերաբերմամբ կտանք առանձին ծանուցում: